

萬 有 文 庫

第 二 集 七 百 種

王 雲 五 主 編

漢 書 補 注

(三 十 四)

王 先 謙 補 注

商 務 印 書 館 發 行

漢書補注

(三十四)

王先謙補注

學本叢書

外戚傳第六十七上

漢書九十七

漢 蘭 臺 令 史 班 固 撰

唐正議大夫行秘書少監琅邪縣開國子顏師古注
賜進士出身前翰林院編修國子監祭酒加三級臣王先謙補注

自古受命帝王及繼體守文之君

師古曰繼體謂嗣位也守文言遵成法不用武功也

非獨內德茂也蓋亦有外戚之助焉夏之興也

呂塗山

師古曰禹娶塗山氏之女而生啓也

而桀之放也用末喜

師古曰末喜桀之妃有施氏女也美於色薄於德女子行丈夫心桀常置末喜於膝上聽用其言昏亂失道於是湯伐之遂放桀與末喜死於南巢

殷之興也呂有娥又有嬖

師古曰有娥國名其女簡狄吞燕卵而生胤爲殷始祖有嬖氏女湯妃也城音嵩嬖音既〔補注〕先謙曰官本考證云又有嬖三字及下文太妃二字並史記所無而漢書補之先謙案據考證作又而

官本正文又作及南監本同以下文例之作及是

而紂之滅也嬖妲己

師古曰妲己紂之妃有蘇氏女也美好辯辭興於姦究嬖幸於紂紂用其言毒虐衆庶於是武王伐紂戰於牧野紂師倒戈不爲之戰武王克殷致天之罰斬

妲己頭縣之於小白旗以爲紂之亡者由此女也

周之興也以姜嫄及太任太姒

師古曰姜嫄有部氏之女帝嚳之妃也履大人迹而生后稷爲周始祖太任文王母太妃武王母也嫄音原

而幽

王之禽也淫褒姒

師古曰謂黜申后而致犬戎舉僞烽而諸侯莫救也

故易基乾坤詩首關雎

師古曰基亦始

書美釐降

師古曰釐理也尙書堯典稱舜之美云釐降二女子

媿訥言堯欲觀舜治述以己二女妻之舜能以治降下二女以成其德

春秋譏不親迎

師古曰春秋公羊經隱二年紀履須來逆女傳曰外逆女不書此何以書譏也何譏爾始不親迎也補注曰先謙曰以上顏注官本並無南監本同

夫婦之際人道之大倫也

師古曰倫理也

禮之用唯昏姻為兢兢

師古曰兢兢戒慎也

夫樂調而四時和陰陽之變萬物之

統也可不慎與

師古曰與讀曰歟

人能弘道末如命何

師古曰末無也論語載孔子曰人能弘道非道弘人又稱子路曰道之將興命也道之將廢命也公伯察其如命何故引之補注曰先謙曰上及此

注二條官本無南監本同

甚哉妃匹之愛君不能得之臣父不能得之子况卑下乎

師古曰言雖君父之尊不能奪其所好而移其本意補注沈欽韓曰秦策父之於子也

令有必行者必不行者曰去貴妻賣愛妾此令必行者也因曰毋敢思也此令必不行者也後書鄧曄引此語

既驩合矣或不能成子姓

師古曰姓生也補注先謙曰索隱即趙飛燕等是

成子姓矣而

不能要其終

補注先謙曰索隱如栗姬衛后等是

豈非命也哉孔子罕言命蓋難言之

師古曰論語曰子罕言利與命與仁罕者希也

非通幽明之變

惡能識乎性命

師古曰惡音烏謂於何也論語稱子貢曰夫子之文章可得而聞也夫子之言性與天道不可得而聞也已矣謂孔子不言性命及天道而學者誤讀謂孔子之言自然與天道合非唯失於文句實乃大乖意旨補注先謙曰

上及此注二條官本無南監本同

漢興因秦之稱號

補注齊召南曰自此以下詳序宮中位號班氏所自撰錄也後書云秦爵列九品即據此傳

帝母稱皇太后祖母稱太皇太

后適稱皇后

師古曰適讀曰嫡后亦君也天曰皇天地曰后土故天子之妃以后為稱取象二儀補注王念孫曰案此文本作正適稱皇后後人以適即是正故刪去正字案大雅大明傳紂殷之正適也初學記儲宮部引白虎通義云周以天

子之正嫡爲王后，秦稱皇后，漢因之，是古書多以正適連文。後漢皇后紀注，班固傳注，文選西都賦注，後漢皇
后紀論注，藝文類聚后妃初學記中宮部，御覽皇視部一及十一引此，竝作正適稱皇后，通典職官十六同。妾皆稱夫人，又

有美人、良人、八子、七子、長使、少使之號焉。師古曰：良，善也。八、七，祿秩之差也。長使，主供使者。補注：沈欽韓曰：魏書
后妃傳，美人視三品，魏志，良人視千石，秦紀，昭王孝文王母辛八子，唐八子，許

皇后傳有田八子、班婕妤、馮昭儀，嘗爲少使、長使。至武帝制婕妤、嬪、娥、俗、華、充依，各有爵位。師古曰：徒，言接幸於上也。仔，美稱也。嬪、娥，皆美貌
也。俗、猶言突突也。便習之意也。充依，言充後庭

而依秩序也。徒音接，仔音子，字或從女，其音同耳。嬪音五經反，俗音容。補注：沈欽韓曰：褚補史記云：武帝時，幸夫人尹婕妤，邢夫人
號嬪娥，衆人謂之輕何，倂依字，誤加人旁。周禮序官注：內司服有女御者，以衣服進，或當於王，廣其禮，使無色過，鄭充衣爲義也。

宋書后妃傳，容華充衣，前漢書號，隋書禮儀志，順儀、順容、順
華，修儀、修容、修華，充儀、充容、充華，是爲九嬪，其名皆本此。而元帝加昭儀之號。師古曰：昭，顯其
儀，示隆重也。凡十四等云。師古曰：除
皇后自昭

儀以下，至秩百石十四等。昭儀位視丞相，爵比諸侯王，婕妤視上卿，比列侯，嬪娥視中二千石，比關內侯。師古曰：中二千
石，實得二千石

也。中之言滿也，月得百八十斛，是爲一歲。凡俗華視眞二千石，比大上造。師古曰：眞二千石，月得百五十斛，一歲
凡得千八百石耳。大上造，第十六爵。美人視

二千石，比少上造。師古曰：二千石，月得百二十斛，一歲凡得
一千四百四十石耳。少上造，第十五爵。八子視千石，比中更。師古曰：中更，第十三爵也。更，音公衡反。
其下亦同。補注：錢大昭曰：案留川王

志傳云：以令置八子，秩比六百石，所以廣嗣重祖也。蓋天子八子視千石，諸侯王之八子，比六百石，故與傳不同。充依視千石。補注：王念孫曰：充依不當與八子同視千石，當依漢
紀作充依視九百石，此涉上千石而誤。文選注御覽

引此皆師古曰左更比左更師古曰左更七子視八百石比右庶長師古曰右庶長第十一爵良人視八百石(補注)王念孫曰良人亦不當與七子同視八百石當依漢紀

作良人視七百石此亦涉上八百石而誤(御覽)引此亦誤文選西都賦注引此正作視七百石比左庶長師古曰左庶長第十爵長使視六百石比五大夫師古曰五大夫第九爵少使

視四百石比公乘師古曰公乘第八爵五官視三百石師古曰五官所掌亦象外之五官也(補注)沈欽韓曰元后傳王根聘取五官股肱王飛君等順常視二百石無涓

共和娛靈保林良使夜者皆視百石師古曰涓絮也無涓言無所不絮也共讀曰恭言恭順而和柔也娛靈可以娛樂情靈也保安也保林言其可安衆如林也良使使令之善者也夜者主職夜事令音力

成反(補注)沈欽韓曰晉書愍懷太子傳考竟謝淑妃及太子保林蔣俊是東宮亦有保林之號隋書后妃傳寶林二十四員品正第五上家人子中家人子視有秩斗食師古曰家人子者言採擇良家

子以入宮未有職號但稱家人子也斗食謂佐史也謂之斗食者言一歲不滿百石日食一斗二升

高祖呂皇后父呂公單父人也師古曰單音善父音甫好相人高祖微時呂公見而異之乃呂女妻高祖生惠帝魯

元公主高祖為漢王元年封呂公為臨泗侯二年立孝惠為太子後漢王得定陶戚姬愛幸(補注)沈欽韓曰西京雜

記戚夫人善鼓瑟帝常擁戚夫人倚瑟而弦歌畢每泣下流連夫人善為翹袖折腰之舞歌出塞入塞望歸之曲侍婢數千皆習之後宮齊首高唱聲入雲霄

不類已常欲廢之而立如意。如意類我，戚姬常從上之關東，日夜啼泣，欲立其子。

〔補注〕沈欽韓曰：西京雜記戚夫人侍兒賈佩蘭後

出爲扶風人段儒妻。案是時未有扶風。說在宮內時，見戚夫人侍高帝，常以趙王如意爲言，而高祖思之，幾半日不言，歎息悽愴，而未知其術，輒使夫人擊筑，高祖歌大風詩以和之。

呂后年長，常留守，希見益疏。

如意且立爲趙王，留長安，幾代太子者數。

師古曰：幾，音鉅，依反數音所角反。

賴公卿大臣爭之，及叔孫通諫，用留侯之策，

得無易。呂后爲人剛毅，佐高帝定天下，兄二人皆爲列將，從征伐，長兄澤爲周呂侯，次兄釋之爲建成

侯。逮高祖而侯者三人。高祖四年，臨泗侯呂公薨，高祖崩，惠帝立，呂后爲皇太后，迺令永巷囚戚夫人，

髮鉗，衣赭衣，令舂。戚夫人舂且歌曰：子爲王，母爲虜，終日舂薄暮，常與死爲伍。

師古曰：與死罪者爲伍也。

相離三千里。

當誰使告女。

師古曰：女讀曰汝，此下皆同。

太后聞之，大怒曰：乃欲倚女子邪。

師古曰：乃亦汝。

乃召趙王誅之。

〔補注〕王念孫曰：案誅之上有欲字，而今

本脫之，則文義不明。此時趙王尙未至，不得遽言誅之也。御覽皇親部二引此，正作欲誅之。漢紀同。

使者三反。

師古曰：反，還也。三還猶今言三回也。

趙相周昌不遣，太后召趙相，相徵至

長安，使人復召趙王。王來，惠帝慈仁，知太后怒，自迎趙王霸上，入宮，挾與起居飲食，數月，帝晨出射，趙

王不能蚤起。太后伺其獨居，使人持燭飲之。遲帝還，趙王死。

師古曰：遲音直。二反。解在高紀。

太后遂斷戚夫入手足，去眼

熏耳，飲瘖藥。

師古曰：去其眼睛，以藥熏耳，令聾也。瘖，不能言也。以瘖藥飲之也。飲音於禁反。瘖音於今反。

使居鞠城中。

師古曰：鞠城如踢鞠之域，謂窟室也。鞠音巨六反。〔補注〕先謙曰：史記作鞠中。

名曰

人跪居數月，迺召惠帝視人跪。帝視而問，知其戚夫人，迺大哭。因病，歲餘不能起，使人請太后曰：此非

人所為，臣為太后子，終不能復治天下。

師古曰：令太后視事，已自如太子然。

曰：此日飲為淫樂，不聽政。七年而崩。太后發喪，

哭而泣不下。

師古曰：泣謂淚也。

畱侯子張辟彊為侍中。年十五。

〔補注〕沈欽韓曰：法言重黎篇：或問甘羅之悟，呂不韋、張辟彊之覺，平勃皆以十二齡。恐彼連甘羅而誤。史記呂后紀亦

云年十五。謂丞相陳平曰：太后獨有帝，今哭而不悲，君知其解未？

師古曰：解猶解說其意。

陳平曰：何解？辟彊曰：帝無壯子，

太后畏君等，今請拜呂台、呂產為將，將兵居南北軍，及諸呂皆官，居中用事，如此，則太后心安。君等幸

脫禍矣。

師古曰：脫，免也。〔補注〕先謙曰：官本無此注，南監本同。

丞相如辟彊計請之。太后說，其哭迺哀。

師古曰：說讀曰悅。

呂氏權由此起，迺立

孝惠後宮子為帝。太后臨朝稱制，復殺高祖子趙幽王友，共王恢。

師古曰：共讀曰恭。

及燕靈王建。

〔補注〕周壽昌曰：何煌校本無靈字。

建下多一子字。云宋小字本同。案何校是也。呂后紀。七年秋九月。燕王薨。表傳同。是建未爲后殺。惟傳云王薨。有美人子。太后使人殺之。絕後。是宜作建子也。師古曰。台。音土來反。遂立周呂侯子台爲呂王。台弟

產爲梁王。建城侯釋之子祿爲趙王。〔補注〕先謙曰。成城通作。台子通爲燕王。又封諸呂凡六人。皆爲列侯。追尊父呂

公爲呂宣王。兄周呂侯爲悼武王。太后持天下八年。病犬禍而崩。語在五行志。病困。呂趙王祿爲上將

軍。居北軍。梁王產爲相國。居南軍。戒產祿曰。高祖與大臣約。非劉氏王者。天下共擊之。今王呂氏。大臣

不平。我卽崩。恐其爲變。必據兵衛宮。慎毋送喪。爲人所制。太后崩。太尉周勃。丞相陳平。朱虛侯劉章等。

共誅產祿。悉捕諸呂男女。無少長。皆斬之。而迎立代王。是爲孝文皇帝。

孝惠張皇后。宣平侯敖尙帝姊魯元公主。有女。〔補注〕王念孫曰。案此文。本作孝惠張皇后。宣平侯敖女也。敖尙帝姊魯元公主。有女。今本脫女也。敖三字。則上下文義不貫。此因兩敖字

相亂而脫去三字。〔補注〕御覽皇親部二引此。有女也。敖三字。又皇親部十一。人事部百三十五。引首二句。皆有女也。二字。惠帝卽位。呂太后欲爲重親。〔補注〕周壽昌曰。張后爲帝姊之女。以配帝。故云重親。以

公主女配帝。爲皇后。欲其生子。萬方終無子。迺使陽爲有身。取後宮美人子名之。師古曰。名。爲皇后子。殺其母。立

所名子為太子。惠帝崩，太子立為帝。四年，迺自知非皇后子。

〔補注〕周壽昌曰：自知非后子，其不云非帝子可知。上呂后傳云：乃立孝惠後宮子為帝，亦明言為惠帝

子也。先謙曰：官本，子作所，則從下出字。斷句，南監本同。凌本云：一本作子字。

出言曰：太后安能殺吾母而名我。我壯，即為所為。

師古曰：為其所為，謂所生之母也。並音子偽反。〔補

注〕陳景雲曰：壯後當為其所為，意欲報復也。尋下文語自明。王念孫曰：兩為字，皆讀平聲。為所為者，謂為變也。為變者，殺呂后以報母仇也。故下文云：太后恐其作亂，史記作我壯，即為變。尤其明證矣。若讀為為去聲，而云為所生之母，則辭不達意。周壽昌曰：王說是也。刪通傳，爭欲為陛。太后聞而患之，恐其作亂，迺幽之永巷。言帝病甚，左右莫得見。太后下詔廢之，語在下所為，語意類此。

高后紀：遂幽死，更立恆山王弘為皇帝，而呂祿女為皇后，欲連根固本，牢甚。

師古曰：牢，堅也。

然而無益也。呂

太后崩，大臣正之，卒滅呂氏。少帝恆山、濟川王皆呂非孝惠子，誅。

〔補注〕何焯曰：前所立者，呂后時已幽死。此云少帝恆山，即恆山王一人也。錢

大昕曰：淮南宮作淮陽。

獨置孝惠皇后，廢處北宮。

師古曰：置，置也。北宮在未央宮之北。

孝文後元年薨，葬安陵，不起墳。

高祖薄姬，文帝母也。父吳人，秦時與故魏王宗女媼通。

〔補注〕周壽昌曰：媼亦當時女通稱。簡青傳：父鄭季，與主家僮衛媼通，是媼尚為僮也。史良娣傳：良娣母為王媼，末

年皆稱曰王媼。知媼與媼別。

生薄姬，而薄姬父死山陰，因葬焉。

師古曰：山陰，會稽之縣。〔補注〕先謙曰：官本注無之字。

及諸侯畔秦，魏豹立為王，而魏

媼內其女於魏宮。許負相薄姬。當生天子。是時項羽方與漢王相距滎陽。天下未有所定。豹初與漢擊

楚。及聞許負言。心喜。因背漢而中立。與楚連和。

師古曰。自謂當得天下。

漢使曹參等虜魏王豹。呂其國為郡。而薄

姬輸織室。豹已死。漢王入織室。見薄姬。有詔內後宮。

〔補注〕先謙曰。史記有下有色字是。

歲餘不得幸。始姬少時。與管夫人

趙子兒相愛。約曰。先貴毋相忘。已而管夫人趙子兒先幸漢王。漢王四年。坐河南成臯靈臺。

〔補注〕先謙曰。史記作坐

河南宮成臯臺。

此兩美人侍。相與笑薄姬初時約。漢王問其故。兩人俱言實告。漢王心悽然憐薄姬。是日召欲

幸之。對曰。昨算夢龍據妾胸。

〔補注〕先謙曰。史記作夢蒼龍據吾腹。

上曰。是貴徵也。吾為汝成之。遂幸。有身。歲中生文帝。年

八歲。立為代王。自有子後。希見高祖崩。諸幸姬戚夫人之屬。呂后怒。皆幽之。不得出宮。而薄姬召希見

故。得出從子之代。為代太后。太后弟薄昭從如代。

師古曰。如往也。

代王立十七年。高后崩。大臣議立後。疾外家

呂氏彊暴。皆稱薄氏仁善。故迎立代王為皇帝。尊太后為皇太后。封弟昭為軹侯。

師古曰。軹音只。〔補注〕先謙曰。昭後有罪自殺。見文

紀。太后母亦前死，葬櫟陽北，迺追尊太后父為靈文侯，會稽郡致園邑三百家。〔補注〕先謙曰致同置。長承曰下。

使奉守寢廟，上食祠如法。〔補注〕先謙曰史記使作吏。櫟陽亦置靈文夫人園，令如靈文侯園儀。太后蚤失父，其奉太

后外家魏氏有力。師古曰言太后為外家所養也。迺召復魏氏。師古曰儻復之也復音方目反。賞賜各曰親疏受之。薄氏侯者一人，太后後

文帝二歲，孝景前二年崩。師古曰言文帝崩後二歲太后乃崩。葬南陵。師古曰薄太后陵在霸陵之南故稱南陵即今所謂薄陵。用呂后不合葬長陵。師古曰以呂后是正

嫡故薄不得合葬也〔補注〕周壽昌曰呂后之葬本紀不載史記集解皇甫謐曰合葬長陵皇覽曰高帝呂后山各一所今據此言則合葬為信故特自起陵，近文帝。

孝文竇皇后。〔補注〕周壽昌曰初學記四引世王傳曰竇氏少小頭禿不為家人所齒遇七月七日夜人皆看織女獨不許后出有光照室為后之瑞景帝母也。呂太后時，曰良家子選

入宮。太后出宮人，曰賜諸王各五人。竇姬與在行中。師古曰與讀曰豫家在清河，願如趙，近家。師古曰如往也請其主

遣宦者吏，必置我籍趙之伍中。師古曰主遣宦者吏謂宦者為吏而主發遣宮人者也籍謂名簿也伍猶列也宦者忘之，誤置籍代伍中，籍奏，詔可。當

行，竇姬涕泣，怨其宦者不欲往，相彊迺肯行。至代，代王獨幸竇姬，生女嫫。師古曰嫫音匹略反孝惠七年，生景帝。

代王王后生四男。先代王未入立爲帝。而王后卒。及代王爲帝。後王后所生四男。更病死。師古曰。更。五也。音公衡反。文

帝立數月。公卿請立太子。而竇姬男最長。立爲太子。竇姬爲皇后。女爲館陶長公主。師古曰。年最長。故謂長公主。補注。先謙曰。官

本注。謂下明年。封少子武爲代王。後徙梁。師古曰。初封代王。後更爲梁王。是爲梁孝王。竇皇后親蚤卒。葬觀津。師古曰。觀津。清河之縣也。

觀。音工喚反。補注。錢大昭曰。觀津。地理志。屬信都國。郡國志。屬安平國。頗以爲清河縣。非也。沈欽韓曰。御覽三百九十六。三輔決錄曰。文帝竇后名漪。清河觀津人。父遺。秦之亂。隱身漁釣。墜淵而卒。景帝卽位。后尊尊號。遣使者更填父所墜淵。而築起大墳。觀津城南

青山是也。案唐書竇建德傳。建德遣使往觀津。祠竇吉之墓。置守冢二十家。誤以青爲竇父名。九域志。冀州武邑縣有觀津鎮。於是薄太后迺詔有司。追封竇后父爲安成侯。母曰

安成夫人。令清河置園邑二百家。長丞奉守。比靈文園法。補注。先謙曰。官本此下提行。竇后兄長君。弟廣國。字少君。年

四五歲時。家貧。爲人所略賣。其家不知處。傳十餘家。至宜陽。爲其主人入山作炭。募臥岸下。百餘人。岸

崩。盡厭殺臥者。師古曰。厭。音一甲反。少君獨脫不死。師古曰。脫。免也。補注。先謙曰。官本無此注。自卜數日當爲侯。補注。周壽昌曰。劉敞云。日

之至長安。得見竇后。當在文帝初。而廣國之封章武侯。實在景帝朝。安所從其家之長安。師古曰。從。其主家也。之。往也。聞皇后新立。家

在觀津。姓竇氏。廣國去時雖少。識其縣名及姓。又嘗與其姊采桑。墮

師古曰。墮。謂墮樹。

用為符信。上書自陳。皇

后言帝召見問之。具言其故。果是。復問其所識。

師古曰。識。記也。音式志反。補注。先謙曰。案史記作又復問他何以為驗。

曰。姊去我西時。與我決。傳

舍中。匈沐沐我。已飯我。乃去。

師古曰。匈。沐具而為之。沐。訖。又飯食之也。飯音扶晚反。

於是竇皇后持之而泣。侍御左右皆悲。迺厚賜之。

家於長安。絳侯灌將軍等曰。吾屬不死。命乃且。縣此兩人。

師古曰。恐其後擅權。則將相大臣當被害。

此兩人所出微。不可不為

擇師傅。又復放呂氏大事也。

師古曰。放。音甫往反。

於是選長者之有節行者與居。竇長君少君。由此為退讓君子。

不敢言富貴驕人。竇皇后疾。失明。文帝幸邯鄲慎夫人。尹姬皆無子。文帝崩。景帝立。皇后為皇太后。乃

封廣國為章武侯。長君先死。封其子彭祖為南皮侯。吳楚反時。太后從昆弟子竇嬰。俠喜士。

師古曰。喜。音許吏反。補

注。先謙曰。官本作俠。音許夾反。

為大將軍。破吳楚。封魏其侯。竇氏侯者凡三人。竇太后好黃帝老子言。景帝及諸竇。不

得不讀老子。尊其術。太后後景帝六歲。凡立五十一年。元光六年崩。

師古曰。武紀。建元六年。太皇太后崩。此傳云。後景帝六歲是也。而以建元為元光。則是參

錯。又當言凡立四十五年。而云五十一。再三乖謬。皆是此傳誤。(補注)先謙曰。史記作建元六年崩。合葬霸陵。遺詔盡呂東宮金錢財物。賜長公主嫖。

師古曰。東宮。太后所居。(補注)

先謙曰。長公主。至武帝時。魏其侯寶嬰爲丞相。後誅。事詳東方朔傳。

孝景薄皇后。孝文薄太后家女也。景帝爲太子時。薄太后取呂爲太子妃。景帝立。立薄妃爲皇后。無子。無寵。立六年。薄太后崩。皇后廢。廢後四年薨。葬長安城東平望亭南。

孝景王皇后。武帝母也。父王仲。槐里人也。母臧兒。故燕王臧荼孫也。爲仲妻。生男信與兩女。而仲死。臧

兒更嫁爲長陵田氏婦。生男魴。勝。臧兒長女嫁爲金王孫婦。生一女矣。而臧兒卜筮曰。兩女當貴。欲倚

兩女。師古曰。冀其貴而依倚之。得尊寵也。倚音於綺反。(補注)先謙曰。史記作因欲奇兩女。案隱。漢書作倚。是所見本與顏同。先謙

案高紀。呂媼怒呂公曰。公始常欲奇此女與貴人。本傳霍顯謂淳于衍曰。將軍素愛小女成君。欲奇貴之。旬例皆與此同。班氏非不知文義者。無緣改奇爲倚。疑傳者誤改。顏馬遂據以爲說耳。奪金氏。金氏怒。不肯與決。(補注)周壽昌曰。言奪諸金氏。金氏怒而不肯也。決別也。蘇武

時與我決傳言中。元后傳共乃內太子宮。太子幸愛之。生三女。一男。男方在身時。王夫人夢日入其懷。呂告王辭去。上與相對泣而決。

太子太子曰此貴徵也。

〔補注〕沈欽韓曰漢武內傳未生之時景帝夢一赤龍從雲中下直入崇芳閣景帝覺而坐閣下果有赤龍如霧來蔽戶牖宮內嬪御望閣下有丹霞蒼蔚而起霞滅見赤龍盤迴棟間景帝使王夫人移居

崇芳閣改為猗蘭殿旬餘景帝夢神女捧日以授王夫人夫人吞之十四月而生武帝御覽八十八漢武故事曰景帝又夢見高祖謂己曰王美人四子可名為彘及生男日因名之焉年七歲為太子上曰彘者微也因改曰微未生而文帝崩

景帝即位王夫人生男是時薄皇后無子後數歲景帝立齊栗姬男為太子而王夫人男為膠東王長

公主嫖有女欲與太子為妃栗姬妒而景帝諸美人皆因長公主見得貴幸栗姬日怨怒謝長主不許

長主欲與王夫人王夫人許之會薄皇后廢長公主日譖栗姬短

〔補注〕先謙曰史記主言栗姬與諸夫人幸姬會常使侍者祝唾其背挾邪媚道景帝以故望

之。景帝嘗屬諸姬子。

師古曰諸姬子諸姬所生之子也屬音之欲反此下皆同

曰吾百歲後善視之栗姬怒不肯應言不遜景帝心銜之

而未發也長公主日譽王夫人男之美帝亦自賢之又耳曩者所夢日符

師古曰耳常聽聞而記之也符猶瑞應

計未有所

定王夫人又陰使人趣大臣立栗姬為皇后

師古曰趣音曰促

大行奏事

〔補注〕先謙曰百官表典客景帝中六年更名大行令此景帝七年事尚不稱大行此從後追

之。文曰子以母貴母以子貴

〔補注〕周壽昌曰本春秋公羊傳時朝廷用公羊決事故大行引之

今太子母號宜為皇后帝怒曰是乃所當言

邪。師古曰：乃汝也。言此事非汝所當得言。遂案誅大行而廢太子為臨江王。栗姬愈恚不得見。以憂死。卒立王夫人為皇后。

師古曰：男為太子。封皇后兄信為蓋侯。初，皇后始入太子家，後女弟兒姁亦復入。生

四男兒。姁早卒。四子皆為王。師古曰：謂廣川惠王越、膠東康王寄、清河哀王乘、常山靈王舜。皇后長女為平陽公主。次南宮公主。次隆慮公

主。師古曰：慮音廬。皇后立九年，景帝崩。武帝即位，為皇太后。尊太后母臧兒為平原君。封田蚡為武安侯。勝為

周陽侯。王氏田氏侯者凡三人。蓋侯信好酒，田蚡勝貪巧於文辭。蚡至丞相，追尊王仲為共侯。師古曰：共讀曰

恭。槐里起園邑二百家。長丞奉守。及平原君薨，從田氏葬長陵，亦置園邑。如共侯法。初，皇太后微時，所

謂金玉孫生女俗，在民間。蓋諱之也。師古曰：言隨流俗而在閭巷，未顯貴。補注：錢大昕曰：予謂俗蓋金氏女之名。先謙曰：錢說是也。褚補外戚世家後云：皇太后在民間時所生子女者，集解引徐廣云：名

俗，顏自誤訓耳。官本謂作為南監本同。古字本通，此謂乃借字。王孫金氏子名。武帝始立韓嫣白之。師古曰：嫣音偃。帝曰：何為不蚤言？乃車駕自往迎之。其家

在長陵小市，直至其門，使左右入求之。家人驚恐，女逃匿。補注：王念孫曰：逃匿下有牀下二字，而今本脫之。御覽封建部五引此，正作女逃匿牀下。續史記外戚世家亦云。

女亡匿內中牀下。

扶將出拜。

〔補注〕沈欽韓曰：設文，非扶也。集韻或作擲，通作將。古詩多用扶將字。孔雀東南飛，木蘭詩皆是。

帝下車立曰。

〔補注〕先謙曰：立當為泣字之誤也。褚補史記云：武帝下車泣曰：噫，大姊

何藏之深也。情事宛然。下車則立不待言。此泣脫其半耳。

大姊何藏之深也。

〔補注〕先謙曰：官本載作藏是。

載至長樂宮，與俱謁太后。太后垂涕，女亦悲泣。

帝奉酒前為壽，錢千萬，奴婢三百人，公田百頃，甲第以賜姊。太后謝曰：為帝費，因賜湯沐邑，號修成君。

男女各一人，女嫁諸侯。

〔補注〕先謙曰：集解引徐廣云：嫁為淮南王安太子妃。

男號修成子仲。

〔補注〕周壽昌曰：後為長安令義縱所捕案者，見酷吏傳。

以太后故，橫於

京師。

師古曰：橫音胡孟反。

太后凡立二十五年，後景帝十五歲，元朔三年崩。

〔補注〕先謙曰：官本考證云：史記作元朔四年，誤也。此與紀合。

合葬陽陵。

孝武陳皇后，長公主嫖女也，曾祖父陳嬰，與項羽俱起。

〔補注〕先謙曰：事詳羽傳。

後歸漢，為堂邑侯。傳子至孫午，午尚

長公主，生女初，武帝得立為太子，長主有力，取主女為妃。

〔補注〕沈欽韓曰：御覽八十八漢武故事曰：長公主抱著膝上，問曰：兒欲得婦否？膠東王曰：欲得婦，問曰：阿嬌好否？

於是笑對曰：若得阿嬌作婦，當作金屋貯之也。

及帝即位，立為皇后，擅寵驕貴，十餘年而無子。

〔補注〕先謙曰：褚補史記：陳皇后求子與醫錢凡九千萬，然竟無子。

聞衛子

夫得幸，幾死者數焉。

師古曰：幾音銀依反，數音所角反。〔補注〕沈欽韓曰：謂欲致子大於死，大長公主執囚衛青欲殺之，亦因子夫也。

上愈怒，后又挾婦人媚道。

〔補注〕沈欽韓曰：周

官內宰鑿其奇寔。鄭云：若今媚道。賈氏云：鄭舉漢法證經。列女傳：夏姬美好無匹，內挾伎術，蓋老而復壯者，三此類也。

頗覺。元光五年，上遂窮治之。女子楚服等，坐為皇后，平

蠱，祠祭祝詛，大逆無道，相連及誅者三百餘人。楚服梟首於市，使有司賜皇后策曰：皇后失序，惑於巫

祝。師古曰：言失德義之序而妄祝詛也。

不可以承天命，其上璽綬，罷退居長門宮。

（補注）沈欽韓曰：文選長門賦序：陳皇后在長門宮，愁悶悲思，聞蜀郡成都司馬相如天下工為文，奉黃

金百斤為相如文君取酒，而相如為文，以悟主上。陳皇后復得視幸，案末云復得親幸者，著述之體，皆著其效驗，說苑國策皆然。

明年堂邑侯午薨，主男須嗣侯。

（補注）錢大昕曰：主寡功臣表作字須。

居私近董偃。（補注）先謙曰：詳東方朔傳。

十餘年主薨，須坐淫亂，兄弟爭財，當死，自殺。國除後數年，廢后乃薨，葬霸陵。

郎官亭東。

（補注）沈欽韓曰：水經注在長安東南三十里。

孝武衛皇后，字子夫，生微也。其家號曰衛氏。

（補注）先謙曰：衛青傳：父鄭季為吏，給事平陽侯家，與侯妾衛媼通，生青，故冒衛氏。

出平陽侯邑。

（補注）先謙曰：平陽侯曹壽。

子夫為平陽主謳者。

師古曰：齊歌曰：謳音一侯反。

武帝即位數年，無子，平陽主求良家女十餘人，飾置家，帝被霸上。

孟曰：祓，除也。於霸水上自祓除。今三月，上已祓禊也。師古曰：祓音廢，禊音系。

還過平陽主，主見所侍美人。

師古曰：侍，諸侍也。侍音丈紀反。《補注》先謙曰：侍字不合史記作侍是也。顏據誤文為說。

帝不說。

既飲，謳者進，帝獨說子夫。

師古曰：說皆讀曰悅。

帝起更衣，子夫侍尚衣。

如淳曰：以帷帳障尊者也。晉灼曰：代侍五尚之衣。師古曰：二說皆非也。尚，主也。時於軒中侍帝，權主衣裳。〔補注〕

注〕沈欽韓曰：六典，尚衣宮官。晉令有崇德殿大監，尚衣、尚食大監，並銀章艾綬。晉謂五尚之衣，指此。先謙曰：官本無如晉二注，及二說皆非也。五字，南監本同。

軒中得幸。

師古曰：軒謂軒車，即今車之施轡者。〔補注〕何焯曰：案長慮有窗而周迴。

者曰軒，此軒中蓋屋也。豈有帝方宴飲時，上車更衣者乎？周壽昌曰：史丹傳，天子自臨軒檻。注：軒檻，欄板也。凡殿堂前檐，特起曲椽，無中梁者，天子不御正座，而御平臺。曰臨軒，左思魏都賦：周軒中天。此軒中，主第旁室中也。

還坐，驩甚，賜平

陽主金千斤，主因奏子夫送入宮，子夫上車，主拊其背曰：行矣。

師古曰：拊，謂摩循之也。行矣，猶今言好去。

強飯勉之。

師古曰：強，音其兩反。飯，音

扶晚反。

即貴，願無相忘，入宮歲餘，不復幸。武帝擇宮人不中用者，斥出之。子夫得見，涕泣請出，上憐之，復

幸，遂有身，尊寵，召其兄衛長君弟青侍中，而子夫生三女。元朔元年，生男，據遂立為皇后，先是衛長君

死，乃以青為將軍，擊匈奴有功，封長平侯。青三子皆襁褓中。

〔補注〕先謙曰：官本皆作在，是南監本同。

皆為列侯，及皇后姊子

霍去病，亦以軍功為冠軍侯。至大司馬、票騎將軍，青為大司馬、大將軍，衛氏支屬侯者五人。

〔補注〕先謙曰：褚補史記

云：天下歌之曰：生男無喜，生女無怒，獨不見衛子夫霸天下。

青還，尚平陽主。

〔補注〕先謙曰：詳青傳。

皇后立七年，而男立為太子，後色衰，趙之王夫人

中山李夫人有寵，皆蚤卒。後有尹婕妤，鉤弋夫人更幸。

師古曰：更，互也。音工衡反。補注：先謙曰：褚補史記云：尹夫人與邢夫人同時並幸，有詔不得相見。尹夫人自請武帝願

望見邢夫人，帝許之，即令他夫人飾從御者數十人爲邢夫人來前。尹夫人前見之曰：此非邢夫人身也。帝曰：何以言之？對曰：視其身貌形狀，不足以當人主矣。於是詔使夫人衣故衣，獨身來前。尹夫人望見之曰：此真是也。於是乃低頭俯而泣，自痛其不知也。

衛后立三十八年，遭巫蠱事起，江充爲姦，太子懼不能自明，遂與皇后共誅充，發兵，兵敗，太子亡走，詔

遣宗正劉長樂執金吾劉敢奉策收皇后璽綬，自殺。黃門蘇文、姚定漢與置公車，令空舍，盛以小棺，瘞

之城南桐柏。

師古曰：瘞，猶也。桐柏，亭名也。瘞音於例反。

衛氏悉滅，宣帝立，乃改葬衛后，追諡曰思后，置園邑三百家，長丞周衛

奉守焉。

師古曰：葬在杜門外大道東，以倡優雜伎千人樂其園，故號千人聚。其地在今長安城內金城坊西北隅。是補注：沈欽韓曰：注本皇覽及關中記見長安志引。

孝武李夫人本以倡進。

師古曰：倡，樂人。音昌。補注：先謙曰：官本無此注，南監不同。

初，夫人兄延年性知音，善歌舞，武帝愛之，每爲新聲

變曲，聞者莫不感動。

補注：沈欽韓曰：御覽五百七十二引風俗通曰：張仲春，武帝時人，善雅歌，與李延年同時，每奏新歌，莫不稱善。

延年侍上，起舞，歌曰：北方有佳人，絕

世而獨立，一顧傾人城，再顧傾人國，寧不知傾城與傾國，佳人難再得。

師古曰：非不吝惜城與國也，但以佳人難得，愛悅之深，不覺傾覆。補注：先謙

曰官本無此注南監本同上嘆息曰善世豈有此人乎平陽主因言延年有女弟上乃召見之補注沈欽韓曰西京雜記武帝過李夫人就取玉簪搔頭自

此後宮人搔頭皆用王玉價倍貴焉實妙麗善舞由是得幸生一男是為昌邑哀王李夫人少而蚤卒上憐閔焉圖畫其形

於甘泉宮及衛思后廢後四年武帝崩大將軍霍光緣上雅意以李夫人配食師古曰緣因也雅意素舊之意補注先謙曰官本無此

注南監本同緣上雅意者緣上以後禮葬夫人之意追上尊號曰孝武皇后初李夫人病篤上自臨候之夫人蒙被謝曰妾久寢病形

貌毀壞不可以見帝願以王及兄弟為託上曰夫人病甚殆將不起一見我屬託王及兄弟豈不快哉

夫人曰婦人貌不修飾不見君父補注周壽昌曰禮記婦人不飾不敢見舅姑夫人語本此妾不敢以燕媵見帝師古曰媵與情同謂不嚴飾上曰夫

人弟一見我師古曰弟但也將加賜千金而予兄弟尊官夫人曰尊官在帝不在一見上復言欲必見之夫人

遂轉鄉歎歎而不復言師古曰鄉讀曰嚮轉面而嚮裏也歎音虛歎音許既反於是上不說而起師古曰說讀曰悅補注先謙曰官本無此及下一條注夫人姊妹讓

之曰師古曰讓責也貴人獨不可一見上屬託兄弟邪何為恨上如此補注先謙曰王念孫云恨讀為恨很遠也謂不從上意也恨借字晏子雜篇君默然與子邑子必

不受以恨君何也。新序節士篇。嚴恭承命。不以身恨君。恨並與很同。說詳劉向傳。

夫人曰。所以不欲見帝者。乃欲以深託兄弟也。我吕容貌之好。得從

微賤。愛幸於上。夫吕色事人者。色衰而愛弛。

師古曰。弛。解也。音式爾反。

愛弛則恩絕。上所吕皦皦。願念我者。乃吕平生

容貌也。

師古曰。皦。音力全反。又讀曰皦。補注。錢大昭曰。易小畜九五。有孚皦如。子夏傳作戀。皦。傳云。既皦皦於世。教。釋。唐公房及景君碑。皆以皦為戀。

今見我毀壞。顏色非故。必畏惡。吐棄

我意。

補注。王念孫曰。必畏惡。句。吐棄我意。句。吐棄上有有字。而今本脫之。則文義不明。御覽皇親部。二引此。正作有吐棄我意。漢紀同。

尚肯復追思。閱錄其兄弟哉。及夫人卒。上

吕后禮葬焉。

補注。沈欽韓曰。長安志。李夫人墓。亦名習仙臺。崇二十丈。周二百六十步。河水注。李夫人冢。冢形三成。世謂之英陵。

其後上吕夫人兄李廣利為貳師將軍。封

海西侯。延年為協律都尉。上思念李夫人不已。方士齊人少翁言能致其神。

補注。周壽昌曰。封禪書。上有所幸王夫人。夫人卒。少翁以方蓋夜

致王夫人。是即前所云趙之王夫人。非李夫人也。王李皆早卒。而王絳在李前。視李夫人先卒可知。李夫人有子。為昌邑哀王。其封以天漢四年。少翁之誅。在元狩四年。距王封時已二十三年。王封十一年而覺。謚之曰哀。年必不永。即以二十歲分封。當少翁死時。王尙未生。即李夫人何以死也。通鑑據史記作王夫人。注曰。齊王閔之母。亦明班史有誤也。鈎弋傳云。寵姬王夫人。男齊懷王。是胡注所本。或有以少翁作李少君者。尤誤。少君誅死。更在少翁十數年前。王益之西漢年記。謂漢書史記並誤。其考異云。少翁之死。在元狩四年。而褚先生補云。元狩六年。帝欲王諸子。時齊王閔母王夫人病。帝自臨問之。曰。子當王。安所置之。王夫人曰。願君徯陽。帝曰。先帝以來。無王徯陽者。關東之國。莫勝於齊。乃立閔為齊王。是元狩六年。王夫人尙無恙。而少翁之死。已二年矣。豈得云致鬼。如王夫人之貌乎。

故於年紀除其姓。云上有所幸夫人云云。案王氏考核詳辨。然武帝分封三子。皆在元狩六年。齊王閔封時。不必其母猶存。封齊之語。或先有成約。後踐其言。未可定也。精補史記。每有年與事不相應者。史公當武帝朝。此當不舛。似宜從史記。作王夫人爲是。亦不必云無姓也。

迺夜張燈燭。設帷帳。（補注）先謙曰。官本作帳帷。陳酒肉。而令上居他帳。遙望見好女如李夫人之貌。還帷坐而

步。師古曰。夫人之神於幄中坐。又出而徐步。又不得就視。上愈益相思悲感。爲作詩曰。是邪非邪。師古曰。言所見之狀。定是夫人以否。補注。先謙曰。官本無此注。立

而望之。偏何嫋嫋其來遲。師古曰。嫋嫋。行貌。音先安反。補注。王先慎曰。詩桑柔。旗旒有嫋。釋文。偏作嫋。是偏與嫋通。作章昭周語注。翩翩。動搖不休止之意。此偏亦當讀爲嫋。言望之何偏然。嫋嫋遲來也。顏未加注。則讀

如本。令樂府諸音家絃歌之。（補注）沈欽韓曰。拾遺記。武帝思懷李夫人。不可復得。時穿昆明之池。泛翔禽之舟。帝自遺歌。曲使女伶歌之。時日已西。傾涼風。激水。女伶歌聲甚道。因賦落葉哀蟬之曲曰。羅袂兮無聲。玉

墀兮塵生。虛房冷而寂寞。落葉依於重扇。望彼美之女兮。安得感余心之未寧。帝息於延涼室。臥聽季夫人授帝薜蘿之香。帝驚起而香氣著衣枕。歷月不歇。遂改延涼室爲遺芳膠室。上又自爲作賦。曰。傷悼夫人。其

辭曰。美連娟。目脩嫋兮。師古曰。嫋。美也。連娟。纖弱也。嫋音互。娟音一。全反。命權絕而不長。師古曰。權。裁也。音子小反。補注。沈欽韓曰。甘晉作勑。絕。釋文。勑子六反。玉篇。子小反。馬本作集。與玉篇

切韻同。案說文。剗。絕也。引夏書。天用剗絕其命。廣雅。剗。天也。則剗乃正字。作集者。或體。或乃省刀。此又加木旁。非也。說文。椽。澤中守草。椽

待也。泯然滅絕意。（補注）慘鬱鬱其蕪穢兮。隱處幽而懷傷。釋輿馬於山椒兮。奄修夜之不陽。孟康曰。山椒。山陵也。置輿馬於

山陵也。師古曰：自慘鬱鬱以下，皆言夫人身處墳墓而隱翳也。修長也。陽明也。秋氣潛日，淒淚兮。桂枝落而銷亡。師古曰：淒，濕寒涼之意也。桂枝，芳香，亦喻夫人也。惜音千感反。漢音辰。補注：先謙曰：官本潛

作惜，是此注不誤。南監本作「神煢煢，日遙思兮，精浮游而出。」補注：錢大昭曰：置古疆字，書召語，無疆惟休，古文尙書作置。王子侯表以請侯王置士過制注，置亦疆字。託

沈陰日，壙久兮。惜蕃華之未央。師古曰：沈陰，言在地下也。壙，與曠同。未央，猶未半也。言年歲未半而早落蕃華，故痛惜之。蕃音扶元反。念窮極之不還兮，惟幼眇之

相羊。師古曰：惟，思也。幼眇，猶窮窳也。相羊，翱翔也。幼音一小反。相音襄。補注：先謙曰：幼眇之眇字與妙同，因今之窮極不反而思幼妙之時。函菱莢以俟風兮，芳雜襲以彌章。李奇曰：莢音敷。

孟康曰：菱音綬，華中齊也。夫人之色如春華，含姿敷散以待風也。師古曰：雜襲，重積也。的容與以猗靡兮，縹飄姚虬愈莊。孟康曰：言夫人之顏色的然盛美，雖在風中，縹姚益端嚴也。師古曰：縹音匹妙反。

補注：王文彬曰：上二句以氣體言，此二句以顏色言。縹姚即飄搖。孟注以縹姚連文，誤。先謙曰：的明也。燕淫衍而撫楹兮，連流視而娥揚。師古曰：追述平生歡宴之時也。娥揚，揚其蛾眉。既激感

而心逐兮，包紅顏而弗明。晉灼曰：包，藏也。謂夫人藏其顏色，不肯見帝，屬其家室也。師古曰：此說非也。心逐者，帝自言中心追逐夫人不能已也。包紅顏者，言在墳墓之中不可見也。補注：先謙曰：包紅顏而弗明，即上詩

所云是邪非邪，顏說亦非。官本無晉注及此說，非也。四字南監本同。躡接狎以離別兮，宵寤夢之芒芒。師古曰：言絕接狎之躡，而遂離別也。宵，夜也。芒芒，無知之貌也。芒音莫郎反。忽遷化

而不反兮，魄放逸以飛揚。何靈魂之紛紛兮，哀裴回日躊躇。師古曰：躊躇，住足也。躊音躊。躊合韻音丈預反。執路日，日遠兮。遂荒

忽而辭去

師古曰荒音呼廣反

超兮西征，屑兮不見

師古曰屑然疾意也。以日爲喻，故言西征。

靈淫傲克，寂兮無音

師古曰克古祝字（補注）先謙曰傲克猶愉悅。

思若流波，怛兮在心

師古曰流波言恩寵不絕也。怛悼也。音丁曷反（補注）王文彬曰尋注意，思當爲恩之誤。

亂曰師古曰亂理也。總理賦中之意。

佳俠函光，隕朱榮兮

孟康曰佳

俠猶佳麗嫉妒闔葺，將安程兮

師古曰言嫉妒闔葺之徒不足與夫人爲程品也。闔葺衆賤之稱也。闔音吐強反，非音人勇反（補注）先謙曰官本葺作葺注，攢作臙，南監本同。

方時隆盛，年夭傷

兮師古曰傷合韻音式向反弟子增欷，洿沫悵兮

應劭曰弟夫人弟兄也。子昌邑王也。孟康曰洿沫洿洿也。音灼曰沫音水沫面之沫。言涕淚洿洿覆面下也。師古曰沫音說也。悵悵也。洿音烏。洿下也。沫音呼內反。字從

午未之未也（補注）先謙曰官本洿作洿悲愁於邑，喧不可止兮

師古曰朝鮮之間謂小兒泣不止名爲喧音許遠反（補注）沈欽韓曰喧當爲暄方言朝鮮洿水之間小兒泣而不止曰暄說文朝鮮謂兒泣不止曰暄。

不虛應，亦云已兮

師古曰虛讀曰響響之隨聲必當有應而今涕泣從自己耳。夫人知之是虛其應（補注）先謙曰官本注從作徒是南監本亦作從。

嫵妍太息，嘆稚子兮

孟康曰夫人蒙被歎

歎不見帝哀其子小而孤也。音灼曰三輔謂憂愁面省瘦曰嫵。嫵冥猶嫵妍也。師古曰嫵音在消反。

慟慟不言，倚所恃兮

孟康曰恃平日之恩知上必感念之也。師古曰慟慟哀愴之意也。慟音劉慟音栗。

仁者

不誓，豈約親兮

如淳曰仁者之行惠尚一不以爲恩。施豈有親親而反當以言約乎。

既往不來，申以信兮

師古曰死者一往不返。情念酷痛重以此心爲信。不有忽忘也。信合韻音新（補注）王鳴盛曰

躊躇與去傷與恨。信與親爲韻。古無四聲之分。平仄通爲一音。顏云合韻猶吳才老所謂叶韻。此字本無此音。改以叶之也。又趙昭儀居昭陽舍壁帶往往爲黃金紅顏云。紅音工。流俗讀之音。江非也。紅江皆從工得聲。何所別異。沈約以江居東冬鍾之後音猶未變。至

唐乃變爲似良反矣。顏不通古音，不能枚舉聊一出之。

去彼昭昭，就冥冥兮。既下新宮，不復故庭兮。

師古曰：故庭，謂平生所居室之庭也。復音扶目反。

嗚呼哀哉，想

魂靈兮。其後李延年弟季坐姦亂後宮，廣利降匈奴，家族滅矣。

孝武鉞弋趙婕妤，昭帝母也。家在河間，武帝巡狩過河間，望氣者言此有奇女，天子亟使使召之。既至，

女兩手皆拳，上自披之，手即時伸，由是得幸，號曰拳夫人。

〔補注〕先謙曰：正義引括地志云：鉞弋夫人，齊人，少好清淨，六年臥病，右手拳，飲食少，望氣者云：東北有貴人，推而

得之，召到，姿色甚佳，武帝持其手伸之，得玉鉞。

先是其父坐法宮刑，爲中黃門，死長安，葬雍門。

師古曰：雍門在長安西北孝里西南去長安三十里。廣記云：趙父冢在門西也。

拳夫

人進爲婕妤，居鉞弋宮。

師古曰：黃圖：鉞弋宮在城外。漢武故事曰：在直門南也。

大有寵，元始三年生昭帝。

〔補注〕王念孫曰：元始當依景祐本作太始。朱一新曰：索隱漢書云元始

三年生昭帝，誤也。元始當爲太始。據索隱說，則唐時本已作元始。今景祐本作太始，當是據索隱改正也。

號鉞弋子，任身十四月，迺生。上曰：聞昔堯十四月而生，今鉞

弋亦然。

〔補注〕王念孫曰：鉞弋下原有子字。上文云：生昭帝，號鉞弋子。下文云：鉞弋子年五六歲，壯大多知，皆其證。今鉞弋子亦然。對上句堯十四月而生言之。下句云：迺命其所生門曰堯母門。其所生者，鉞弋子所生也。脫去子字，則上下句皆不可通矣。

御覽皇親部二引此已脫。子字，漢紀孝武紀有子字。

迺命其所生門曰堯母門，後衛太子敗，而燕王旦、廣陵王胥多過失，寵姬王夫人

男齊懷王李夫人男昌邑哀王皆蚤薨。鈞弋子年五六歲，壯大多知。師古曰：壯大者，言其形體偉大。上常言類我，又感其

生與衆異，甚奇愛之，心欲立焉。以其年穉，母少，恐女主顯恣，亂國家，猶與久之。師古曰：與，讀曰豫。鈞弋健仔，從

幸甘泉，有過見譴，以憂死。師古曰：譴，責也。音口美反。補注：先謙曰：褚補史記：後數日，帝譴責鈞弋夫人，夫人脫簪耳叩頭。帝曰：引持去，送掖庭獄。夫人還顧，帝曰：趣行，女不得活。夫人死，雲陽宮時，暴風揚塵，百姓感傷，其

後帝閑居，問左右曰：人言云何？左右對曰：人言且立其子，何去其母乎？帝曰：然，是非兒曹愚人，所知也。往古國家所以亂，由主少母壯也。女主獨居驕蹇，淫亂自恣，莫能禁也。汝不聞呂后邪？因葬雲陽。師古曰：在甘泉宮南。後今土俗人嘖爲女陵。

上疾病，乃立鈞弋子爲皇太子，拜奉車都尉霍光爲大司馬、大將軍，輔少主。明日帝崩，昭帝卽位，追尊

鈞弋健仔爲皇太后，發卒二萬人，起雲陵，邑三千戶，追尊外祖趙父爲順成侯，詔右扶風置園，邑二百

家，長丞奉守如法。順成侯有姊君姁，賜錢二百萬，奴婢第宅，以充實焉。諸昆弟各以親疏受賞賜。趙氏

無在位者，唯趙父追封。

孝昭上官皇后，祖父桀。補注：錢大昭曰：桀，字少叔，見李陵傳。隴西上邽人也。少時爲羽林期門郎。補注：先謙曰：百官表：期門掌執兵送從，羽林掌送從，次

期門蓋先爲羽林後爲期門也。從武帝上甘泉天大風車不得行解蓋授桀桀奉蓋雖風常屬車師古曰屬連也音之欲反雨下蓋輒御

上奇其材力遷未央廡令補注先謙曰百官表太僕屬官上嘗體不安及愈見馬師古曰見謂呈見之音胡電反補注馬多先謙曰官本無此及下條注南監本同

瘦上大怒令曰我不復見馬邪欲下吏桀頓首曰臣聞聖體不安日夜憂懼意誠不在馬師古曰言未誠實也

卒泣數行下上曰爲忠由是親近爲侍中稍遷至太僕武帝疾病以霍光爲大將軍太僕桀爲左將軍

皆受遺詔輔少主目前捕斬反者莽通功封桀爲安陽侯初桀子安取霍光女結婚相親光每休沐出

桀常代光入決事昭帝始立年八歲帝長姊鄂邑蓋長公主居禁中共養帝師古曰共音居用反養音弋亮反蓋主私近

子客河間丁外人師古曰子客子之實客也外人其名也上與大將軍聞之不絕主驩有詔外人侍長主補注何焯曰詔使侍主故燕王且得爲請爵

號此霍光不學失之始也長主內周陽氏女令配耦帝補注周壽昌曰淮南王舅趙兼封周陽侯侯廢遂氏周陽也時上官安有女卽霍光外孫安因光

欲內之光曰爲尙幼不聽安素與丁外人善說外人曰聞長主內女安子容貌端正誠因長主時得入

為后

師古曰以時得入

呂臣父子在朝而有椒房之重

師古曰椒房殿名未央宮皇后所居

成之在於足下漢家故事常以列侯

尚主足下何憂不封侯乎外人喜言於長主長主以為然詔召安女入為婕妤安為騎都尉月餘遂立

為皇后年甫六歲

師古曰甫始也補注周書昌曰雖為皇后亦待年也

安曰后父封桑樂侯食邑千五百戶遷車騎將軍日曰驕淫

受賜殿中出對賓客言與我壻飲

補注周壽昌曰漢呼女夫為壻本書始見

大樂見其服飾使人歸欲自燒物安醉則裸行

內

補注周壽昌曰內亦房也

與後母及父諸良人侍御皆亂

師古曰良人謂妾也侍御則兼婢矣補注周壽昌曰桀安父子封侯其嬖妾得稱良人趙充國傳充國孫欽尙敬武公主主亡子主教欽良

人習詐有身是主家妾可稱良人侯家亦稱之

子病死仰而罵天數守大將軍光為丁外人求侯

師古曰守求請之

及桀欲安官祿外人師古

曰不由材德故云妄

光執正皆不聽又桀妻父所幸充國為太醫監闌入殿中下獄當死冬月且盡蓋主為充國人

馬二十匹贖罪乃得減死論於是桀安父子深怨光而重德蓋主知燕王旦帝兄不得立亦怨望桀安

即記光過失子燕王令上書告之又為丁外人求侯燕王大喜上書稱子路喪姊期而不除孔子非之

子路曰：由不幸寡兄弟，不忍除之。師古曰：事見禮記。由子路之名。故曰：觀過知仁。師古曰：論語云：孔子曰：人之過也，各於其黨。觀過斯知仁矣。引此言者，謂子路厚於骨肉，雖違禮制，

是其仁愛。今臣與陛下，獨有長公主為姊，陛下幸使丁外人侍之，外人宜蒙爵號，書奏上，目問光，光執不許。

及告光罪過，上又疑之，愈親光而疏桀安。桀安寢恚。師古曰：寢，漸也。遂結黨與謀殺光，誘徵燕王至而誅之，因

廢帝而立桀，或曰：當如皇后何？安曰：逐麀之狗，當顧菟邪？師古曰：言所求者大，不顧小也。補注：沈欽韓曰：淮南說林：逐鹿者不顧兔。且用皇后為

尊，一旦人主意有所移，雖欲為家人，亦不可得。師古曰：家人，言凡庶匹夫。此百世之一時也。事發覺，燕王蓋主皆自殺。

語在霍光傳。桀安宗族既滅，皇后曰：年少不與謀。師古曰：與，讀曰豫。亦光外孫，故得不廢。皇后母前死，葬茂陵。

郭東追尊曰敬夫人，置園邑二百家，長丞奉守如法。〔補注〕先謙曰：亦以光女故。皇后自使私奴婢守桀安家。師古曰：廟記云。

上官桀安家，並在霍光家東東去夏侯勝家二十步。光欲皇后擅寵有子，帝時體不安，左右及醫皆阿意，言宜禁內，雖宮人使令，皆為

窮袴，多其帶。服虔曰：窮袴，有前後當，不得交通也。師古曰：使令，所使之人也。袴，古袴字也。窮袴，即今之緝襠袴也。令，音力征反。緝音下昆反。後宮莫有進者，皇后立十歲，而昭帝崩。

后年十四五云。

〔補注〕洪頤煊曰：昭紀始元四年三月立皇后上官氏。此傳云立為皇后年甫六歲，則帝崩時后年十五，四字當衍。

昌邑王賀徵即位，尊皇后為皇太后，光

與太后共廢王賀，立孝宣帝。宣帝即位，為太皇太后。

〔補注〕何焯曰：元詔為宣當如劉原父說。

凡立四十七年，年五十二，建昭

二年崩，合葬平陵。

衛太子史良娣。

〔補注〕沈欽韓曰：西京雜記：宣帝被奴繫郡邸獄，臂上猶帶史良娣合采腕轉絲繩，係身毒國寶鏡一枚，大如八銖錢。〔案〕漢無八銖錢。舊傳此鏡見妖魅，得配之者為天神所福，及即大位，每持此鏡，感咽移辰，常以皮囊箭

之。盛宣帝祖母也。太子有妃，有良娣，有孺子。

〔補注〕沈欽韓曰：魏書：孝文帝為太子，恂聘彭城劉長，滎陽鄭盤女，為左右孺子。案左傳：南孺子之子，列女傳四：衛夫人謂傅妾曰：孺子養我甚謹，則通

稱貴妾為孺子矣。又王子侯表：東城侯遣為孺子所殺，則列侯亦有孺子。

妻妾凡三等，子皆稱皇孫。史良娣家本魯國，有母貞君，兄恭，召元鼎四年

入為良娣，生男進，號史皇孫。

師古曰：進者，皇孫之名。

武帝末，巫蠱事起，衛太子及良娣、史皇孫皆遭害。史皇孫有一

男，號皇曾孫，時生數月，猶坐太子繫獄，積五歲，乃遭赦。治獄使者邴吉，憐皇曾孫無所歸，載召附史恭

〔補注〕錢大昭曰：附，南監本闕。

恭，母貞君年老，見孫孤，甚哀之。

〔補注〕王先慎曰：

自養視焉。後曾孫收養於掖庭。

本作付。先謙曰：官本作付是。

外孫亦得稱孫。

外孫亦得稱孫。

遂登至尊位。是爲宣帝。而貞君及恭已死。恭三子皆曰舊恩。封長子高爲樂陵侯。曾爲將陵侯。玄爲平
臺侯。及高子丹。曰功德。封武陽侯。侯者凡四人。高至大司馬車騎將軍。丹左將軍。自有傳。

史皇孫王夫人。宣帝母也。名翁須。太始中。得幸於史皇孫。皇孫妻妾無號位。皆稱家人子。征和二年。生
宣帝。帝生數月。衛太子皇孫敗。家人子皆坐誅。莫有收葬者。唯宣帝得全。卽尊位後。追尊母王夫人。諡

曰悼后。祖母史良娣曰戾后。皆改葬。起園邑。長丞奉守。語在戾太子傳。地節三年。求得外祖母王媪。媪
男無故。無故弟武。皆隨使者詣闕。時乘黃牛車。故百姓謂之黃牛媪。初上卽位。數遣使者求外家。久遠

多似類而非是。旣得王媪。令太中大夫任宣。與丞相御史屬雜考問鄉里識知者。皆曰王媪。媪言。名安
人。(補注)周壽昌曰。媪言以下。至皆入太子家。任宣所錄考問之辭。家本涿郡蠡吾平鄉。師古曰。蠡音禮。(補注)先謙曰。官本。蓋作蠡。下同。南監本同。年十四。嫁爲同鄉王更得

妻。更得死。嫁爲廣望王迺始婦。師古曰。廣望亦涿郡之縣。產子男無故。武。女翁須。翁須年八九歲時。寄居廣望節侯

子劉仲卿宅

補注周壽昌曰廣望節侯名忠中山靖王子也長子中嗣侯仲卿或其次子

仲卿謂迺始曰予我翁須自養長之媼為翁須作縑單衣

師古曰縑即今之絹也音兼

送仲卿家仲卿教翁須歌舞往來歸取冬夏衣居四五歲翁須來言邯鄲賈長兒求歌舞

者仲卿欲召我與之媼即與翁須逃走之平鄉

師古曰之往也

仲卿載迺始共求媼媼惶急

補注先謙曰官本惶作還

將翁

須歸曰兒居君家非受一錢也師古曰言不嘗得其聘幣

奈何欲予它人仲卿詐曰不也後數日翁須乘長兒車馬過

門呼曰我果見行

師古曰呼音火故反補注先謙曰官本無此注

當之柳宿

蘇林曰聚邑名也在中山盧奴東北三十里補注錢大昭曰柳宿武帝封中山靖王子劉益為侯國寰宇記柳宿故城在望都縣

東北四十三里

媼與迺始之柳宿見翁須相對涕泣謂曰我欲為汝自言

師古曰言自訟理不肯行

翁須曰母置之

師古曰置之猶言在聽之

不須自言補注先謙曰官本注在作任是南監本同

何家不可召居

師古曰言所去處皆可安居

自言無益也媼與迺始還求錢用隨逐至中山盧

奴見翁須與歌舞等比五人同處

師古曰比音必舉反

媼與翁須共宿明日迺始甯視翁須媼還求錢欲隨至邯

鄲媼歸糶買未具迺始來歸曰翁須已去我無錢用隨也因絕至今不聞其問

補注先謙曰不聞其音問

賈長兒妻

貞及從者師遂辭。師古曰。辭對辭。往二十歲。太子舍人侯明從長安來求歌舞者。請翁須等五人。長兒使遂送

至長安。皆入太子家。及廣望三老更始。劉仲卿妻其等四十五人辭。皆驗。師古曰。其者。仲卿妻之名。宣奏王媪悼后母。

明白。上皆召見。賜無故武爵關內侯。旬月閒。賞賜百鉅萬計。頃之。制詔御史賜外祖母號為博平君。曰

博平。蠶吾兩縣戶萬一千。為湯沐邑。封舅無故為平昌侯。武為樂昌侯。食邑各六千戶。〔補注〕錢大昕曰。外戚侯表無故武。

皆六初。迺始日本始四年病死。後三歲。家迺富貴。追賜諡曰思成侯。詔涿郡治冢室。置園邑四百家。長

承奉守如法。歲餘。博平君薨。諡曰思成夫人。詔徙思成侯合葬奉明。顧成廟南。置園邑長承。師古曰。本號廣明。故戾太。

子傳云。皇孫及王夫人。皆葬廣明。其後以置園邑奉守。改曰奉明。罷涿郡思成園。王氏侯者二人。無故子接為大司馬車騎將軍。而武子商至

丞相。自有傳。

孝宣許皇后。元帝母也。父廣漢昌邑人。少時為昌邑王郎。從武帝上甘泉。誤取它郎窰。曰被其馬。發覺。

吏劾從行而盜當死有詔募下蠶室

孟康曰死罪囚欲就宮者聽之補注周壽昌曰誤取一牽耳以盜劾以死論卒下蠶室漢法治盜之數如此

後為宦者丞

補注先謙曰少府

屬官見百官表

上官桀謀反時廣漢部索

師古曰部分搜索罪人也索音山客反

其殿中廬有索長數尺可引縛人者數千枚滿一篋

緘封

師古曰殿中廬桀所止宿廬舍在宮中者也緘束篋也音工咸反

廣漢索不得它吏往得之

師古曰須得此繩索者用為桀之反具補注先謙曰具當作證

廣漢坐論為鬼

薪輸掖庭後為臯室嗇夫時宣帝養於掖庭號皇曾孫與廣漢同寺居

師古曰寺者掖庭之官舍補注先謙曰官本無注南監本同

時掖

庭令張賀本衛太子家吏及太子敗賀坐下刑呂舊恩養視皇曾孫甚厚及曾孫壯大賀欲召女孫妻

之是時昭帝始冠長八尺二寸賀弟安世為右將軍與霍將軍同心輔政聞賀稱譽皇曾孫欲妻呂女

安世怒曰曾孫迺衛太子後也幸得呂庶人衣食縣官足矣勿復言子女事於是賀止時許廣漢有女

平君年十四五當為內者令歐侯氏子婦

師古曰歐侯姓也歐音烏溝反

臨當入歐侯氏子死其母將行卜相

師古曰將領自隨而行卜

補注先謙曰官本無此注

言當大貴母獨喜賀聞許嗇夫有女迺置酒請之

師古曰請召也召嗇夫飲酒也

酒酣為言曾孫體近下人

乃關內侯。師古曰：言曾孫之身於帝爲近親，縱其人材下劣，尙作關內侯，書本或無人字。可妻也。廣漢許諾，明日，嫗聞之，怒。師古曰：廣漢之妻不欲與曾孫。廣漢重令爲

介。師古曰：更令人作媒而結婚姻，重音直用反。〔補注〕先謙曰：令者，接庭令也。賀爲令已爲齋夫，故重其媒介，不以嫗言中阻，顏注誤。遂與曾孫一歲，生元帝。數月，曾孫立爲帝，平君

爲婕妤。是時，霍將軍有少女，與皇太后有親，公卿議更立皇后，皆心儀霍將軍女。服虔曰：儀音蠡。晉灼曰：儀向也。師古曰：晉說是也。謂

附向之。〔補注〕沈欽韓曰：服音蠡者，韻會四紙，儀語擬切，擬也。引此傳文，宋玉高唐賦，惟高唐之大體兮，殊無物類之儀，比是以儀爲擬之證。先謙曰：官本無服注六字，及晉說是也。四字。亦未有言，上乃詔求微時故

劍，大臣知指，白立許婕妤爲皇后。既立，霍光目后，父廣漢刑人，不宜君國，歲餘，乃封爲昌成君。霍光夫

人顯欲貴其小女，道無從。師古曰：從，因也。由也。無由得內其女。明年，許皇后當娠，病，女醫淳于衍者，霍氏所愛，嘗入宮侍皇

后疾，衍夫賞爲掖庭戶衛，謂衍可過辭，霍夫人行。師古曰：過辭，夫入乃行入宮也。爲我求安池監。〔補注〕沈欽韓曰：安邑鹽池也。一統志：大安池在解州芮

城縣南十五里，居民引以溉。田下流入於河，或此安池。衍如言報顯，顯因生心，辟左右。師古曰：辟音，闕謂屏去之。字謂衍少夫，幸報我百事。如淳曰：稱衍字曰少夫，親

之也。晉灼曰：報我，以事謂求池監也。我亦欲報少夫，可乎？晉灼曰：報少夫，謀弑許后事。衍曰：夫人所言，何等不可者？師古曰：無事而不可。〔補注〕先謙曰：官本無此注。顯

曰將軍素愛小女成君欲奇貴之願召累少夫師古曰累託也音力瑞反衍曰何謂邪顯曰婦人免乳大故十死一生

師古曰免乳爲產子也大故大事也乳音入喻反補注王先慎曰續列女傳免作穉下同說文穉生子免身也免即免之音
今皇后當免身可因投毒藥去也師古曰去謂除去也音丘呂反成

君即得爲皇后矣如蒙力事成富貴與少夫共之衍曰藥雜治當先嘗安可師古曰與衆醫共雜治之顯曰

在少夫爲之耳將軍領天下誰敢言者緩急相護但恐少夫無意耳衍良久曰願盡力即擣附子齋入

長定宮皇后免身後衍取附子并合大醫大丸召飲皇后晉灼曰大丸今澤蘭丸之屬有頃曰我頭岑岑也藥中得無

有毒師古曰岑岑痺悶之意對曰無有遂加煩滿師古曰滿音悶衍出過見顯相勞問師古曰勞音來到反亦未敢重謝衍師古曰恐

人知覺之補注沈欽韓曰西京雜記霍光妻遺淳于衍蒲桃錦二十四匹散花綾二十五匹綾出鉅鹿陳寶光家寶光妻得其法霍顯召入其第使作之機用一百二十緝六十日成一匹匹直萬錢又與走珠一琲綠綾百端錢百萬金百兩疑斤字爲起第宅奴婢不可勝數衍猶怒曰吾爲爾成何功而報我若是哉
後人有上書告諸醫侍疾無狀者皆收繫詔獄劾不道顯恐事急補注王念孫曰案急上本無

事字恐急者既恐且急猶言惶遽耳霍光傳霍山謂顯曰聞民間謠言霍氏毒殺許皇后寧有是邪顯恐急即具以實告文義正與此同後人不達而於急上加事字失其旨矣景祐本及漢紀孝宣紀通鑑漢紀十六皆無事字即召狀具語光

因曰。既失計爲之。無令吏急行。光驚鄂。默然不應。其後奏上。署衍勿論。

李奇曰。光題其奏也。師古曰。言之於帝。故解釋耳。光不自矜也。〔補注〕先謙曰。

胡注。霍光傳。薨後。帝始聞。許后事。光於是時。安敢言之於帝邪。李說是。朱一新云。此固當從李說。但胡駁亦未當。顏意。但謂爲之善言。請於帝耳。非必以毒后事告帝也。

許后立三年而崩。諡曰恭哀皇后。

葬杜南。是爲杜陵南園。

師古曰。卽今之所謂小陵者。去杜陵十八里。

後五年立皇太子。迺封太子外祖父昌成君廣漢爲平恩侯。

位特進。後四年復封廣漢兩弟舜爲博望侯。延壽爲樂成侯。許氏侯者凡三人。廣漢薨。諡曰戴侯。無子。絕。葬南園旁。置邑三百家。長丞奉守如法。宣帝召延壽爲大司馬車騎將軍。輔政。元帝卽位。復封延壽中子嘉爲平恩侯。奉戴侯後。亦爲大司馬車騎將軍。

孝宣霍皇后。大司馬大將軍博陸侯光女也。母顯。旣使溇于衍。陰殺許后。顯因爲成君衣補。

師古曰。謂縫作嫁時衣被。

也。爲音于僞反。〔補注〕王念孫曰。案成君上脫女字。則文義不明。御覽引此。正作女成君。周壽昌曰。衣補爲嫁衣。亦漢時語。注本作衣被。從顏注。誤改也。王先慎曰。此承上傳文。不必有女字。續列女傳亦無。御覽節引不得不加女字以明之。王據以爲脫文。非也。

治入宮具。勸光內之。果立爲皇后。初許后起微賤。登至尊。日淺。從官車服甚節儉。五日一朝皇太后於

長樂宮親奉案上食。呂婦道共養。及霍后立，亦修許后故事。而皇太后親霍后之姊子，故常竦體敬而

禮之。皇后舉駕侍從甚盛，賞賜官屬，百千萬計，與許后時縣絕矣。上亦寵之，顯房燕。師古曰：顯與專同。立三歲

而光薨，後一歲，上立許后男為太子。昌成君者為平恩侯，顯怒，恚不食，歐血曰：此乃民間時子，安得立。

即后有子，反為王邪。復教皇后，令毒太子。皇后數召太子賜食，保阿輒先嘗之。后挾毒不得行，後殺許

后事頗泄，顯遂與諸壻昆弟謀反，發覺，皆誅滅。使有司賜皇后策曰：皇后熒惑失道，懷不德，挾毒與母

博陸宣成侯夫人顯謀欲危太子，無人母之恩，不宜奉宗廟衣服，不可。呂承天命，烏呼傷哉。（補注）先謙曰：官本烏作

鳴。其退避宮，上璽綬有司。霍后立五年，廢處昭臺宮。師古曰：在後十二歲，徙雲林館，迺自殺。葬昆吾亭

東。師古曰：昆吾地名，在藍田（補注）沈欽韓曰：一統志：鼎湖宮，昆吾亭俱在藍田縣西南。杜甫詩：昆吾御宿自委蛇，是也。初，霍光及兄驃騎將軍去病，皆自呂功伐，封侯居位。

宣帝呂光故，封去病孫山，山弟雲，皆為列侯。侯者前後四人。（補注）先謙曰：此下應提行官本不誤。孝宣王皇后，其先高祖

時有功，賜爵關內侯。自沛徙長陵，傳爵至。后父奉光，奉光少時好鬪雞，宣帝在民間，數與奉光會，相識。

奉光有女，年十餘歲，每當適人，所當適輒死，故久不行。及宣帝即位，召入後宮，稍進爲婕妤。是時，館陶

主母華婕妤。

師古曰：華音月花反。補注。先謙曰：官本無注，主作王南監本同。

及淮陽憲王母張婕妤，楚孝王母衛婕妤，皆愛幸。霍皇后廢後。

上憐許太子蚤失母。

師古曰：許后所生，故曰許太子。

幾爲霍氏所害。

師古曰：幾音巨依反。補注。先謙曰：官本無此注。

於是迺選後宮素謹慎而無子

者，遂立王婕妤爲皇后，令母養太子，自爲后後。希見無寵，封父奉光爲邛成侯。立十六年，宣帝崩，元帝

即位，爲皇太后，封太后兄彊爲安平侯。後二年，奉光薨，謚曰共侯，葬長門南，置園邑二百家，長丞奉守

如法。元帝崩，成帝即位，爲太皇太后，復爵太皇太后弟駿爲關內侯，食邑千戶。王氏列侯二人，關內侯

一人，彊子章，章從弟咸，皆至左右將軍。時成帝母亦姓王氏，故世號太皇太后，爲邛成太后，邛成太后

凡立四十九年，年七十餘，永始元年崩，合葬杜陵，稱東園。

師古曰：雖同塋兆，而別爲墳。王后陵次宣帝陵東，故曰東園也。

奉光孫勳坐法免。

元始中成帝太后下詔曰孝宣王皇后朕之姑深念奉質共脩之義恩結于心師古曰實讀曰贊惟邛成共侯

國廢祀絕朕甚閔焉其封共侯曾孫堅固爲邛成侯至王莽乃絕

外戚傳第六十七下

漢書九十七

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

孝元王皇后，成帝母也。家凡十侯，五大司馬。

師古曰：十侯者，陽平頃侯禁、禁子敬侯鳳、安成侯崇、平阿侯譚、成都侯商、紅陽侯立、曲陽侯根、高平侯逢時、安陽侯音、新都侯莽也。五大司馬者，鳳

音、商、根、莽也。一曰：鳳嗣禁爲侯，不當重數，而十人者，濇子長卽其一也。〔補注〕何焯曰：元后傳云：後又封太后姊子濇子長爲定陵侯。王氏親屬侯者凡十人，則顏注後說是。周壽昌曰：家者專指王家而言，不得併戚屬數之。禁、鳳父子繼侯，當爲兩人，若必拘論將莽之篡逆，亦不得列十侯內矣。 外戚莫盛焉，自有傳。

孝成許皇后，大司馬車騎將軍平恩侯嘉女也。元帝悼傷母恭哀，后居位日淺，而遭霍氏之辜，故選嘉

女呂配皇太子，初入太子家，上令中常侍黃門親近者侍送，還白太子權說狀。

師古曰：說，讀曰悅。

元帝喜，謂左

右酌酒賀我，左右皆稱萬歲。久之，有一男，失之，及成帝卽位，立許妃爲皇后，復生一女，失之，初，后父嘉

自元帝時爲大司馬車騎將軍輔政。已八九年矣。及成帝立。復召元舅陽平侯王鳳爲大司馬大將軍。

與嘉竝。杜欽目爲故事。后父重於帝舅。

〔補注〕沈欽韓曰。公羊說。天子不臣王后之父。御覽四百十袁蟠與褚左軍解交曰。皇后踐登正祚。臨御皇朝。將軍之於國。外姓之大上皇也。

乃說鳳

曰。車騎將軍至貴。將軍宜尊重之。敬之無失其意。蓋輕細微眇之漸。必生乖忤之患。

師古曰。眇亦細也。忤違也。〔補注〕先謙曰。官本

無此注。不可不慎。衛將軍之日盛於蓋侯。

師古曰。衛將軍衛青也。武帝衛皇后之弟。蓋侯王信也。武帝之舅。

近世之事。語尙在於長老之耳。

〔補注〕先謙曰。

謂衛氏以尊盛。卒被夷滅。嫌斥言之。

唯將軍察焉。久之。上欲專委任鳳。迺策嘉曰。將軍家重身尊。不宜且吏職自棄。

師古曰。棄古累字也。

音力。賜黃金二百斤。且特進侯。就朝位。

〔補注〕周壽昌曰。此卽後書續志所謂特侯也。後書鄧禹傳注。引漢官儀曰。請侯功德優盛。朝廷所敬者。位特進在三公下。

後歲餘薨。諡曰

恭侯。后聰慧。善史書。自爲妃。至卽位。常寵於上。後宮希得進見。皇太后及帝諸舅。憂上無繼嗣。時又數

有災異。劉向、谷永等。皆陳其咎在於後宮。上然其言。於是省減椒房掖廷用度。

師古曰。椒房殿。皇后所居。〔補注〕先謙曰。官本廷作庭。南監

本。皇后迺上疏曰。妾誇布服糲食。

孟康曰。誇。大也。大布之衣也。糲。粗米也。師古曰。言在家時野賤也。誇音夸。糲音刺。〔補注〕先謙曰。官本無注末六字。

加以幼稚愚惑。不明義

理幸得免離茅屋之下。備後宮掃除。蒙過誤之寵。居非命所當託。洿穢不修。曠職尸官。

師古曰。洿與汗同。曠空也。尸主也。妾

主其官。數逆至法。踰越制度。當伏放流之誅。不足目塞責。迺壬寅日。大長秋受詔。椒房儀法。御服輿駕所

發諸官署。及所造作。遺賜外家羣臣妾。師古曰。外家。謂后之家。族言在外也。皆如竟寧以前故事。妾伏自念。入椒房以來。遺

賜外家。未嘗踰故事。每輒決上。師古曰。每事皆奏決於天子。乃敢行也。上音時掌。反。補注。先謙曰。官本無注末五字。南監本同。可覆問也。師古曰。覆音芳目反。補注。先謙曰。官本無此注。

今誠時世異制。長短相補。不出漢制而已。纖微之間。未必可同。若竟寧前與黃龍前。豈相放哉。晉灼曰。竟寧元

帝時也。黃龍。宣帝時也。言二帝奢儉不同。豈相放哉。師古曰。放依也。音甫往反。家吏不曉。師古曰。家吏。皇后之官屬。今壹受詔如此。且使妾搖手不得。今言無得發取

諸官。殆謂未央宮不屬妾。不宜獨取也。師古曰。未央宮。天子之宮。故其財物。皇后不得取也。今言者。謂詔書新有所限約之言。言妾家府。亦不當得。妾竊惑

焉。師古曰。此言。謂家吏之言。幸得賜湯沐邑。目自奉養。亦小發取其中。何害於誼而不可哉。又詔書言服御所造。皆如

竟寧前。吏誠不能揆其意。即且令妾被服所爲。不得不如前。師古曰。詔書本云。奢儉之制。如竟寧耳。而吏乃謂衣服處置。一一如之也。被音皮義反。設妾欲

作某屏風張於某所曰故事無有或不能得則必繩妾目詔書矣師古曰言或有所求吏不肯備因云詔書不許也此二事誠不可

行唯陛下省察官吏伎佞必欲自勝師古曰官吏奄人為皇后吏也伎堅也伎音之鼓反補注先謙曰官本官並作宦幸妾尚貴時猶目不急事操人

師古曰尚貴時謂昔被寵遇之時也操持也音千高反次下亦同況今日日益侵又獲此詔其操約人豈有所訴補注先謙曰言今日日益為吏侵陵又得此詔其操持約束人將至無所

控訴也陛下見妾在椒房終不肯給妾織微師古曰言皇后自有湯沐故更無它織毫給賜內邪若不私府小取將安所仰乎師古曰內邪言

內中所須者也邪語辭也仰音牛向反補注周壽昌曰顏以內邪下屬非當以終不肯給妾織微內邪為句織微內即上所云織微之間也疏詞婉宕善用虛字後又云竟寧前於今世而比之豈可邪亦其證也先謙曰百官公卿表詹事屬有中長秋私府令長丞舊故中宮乃私奪左右之賤繒及發乘輿服繒言為待詔補已而質易其中師古曰託言此繒疑待別詔有所補澆而私換易取其好者以自用

補注先謙曰官本質作質南監本同言舊故時中宮嘗為此左右多竊怨者甚恥為之又故事以特牛祠大父母戴侯敬侯皆得蒙恩以

太牢祠今當率如故事唯陛下哀之今吏甫受詔讀記師古曰甫始也直豫言使后知之非可復若私府有所

取也師古曰若謂如未奉詔之前也其萌芽所以約制妾者恐失人理師古曰萌芽言其初始發意若草木之方生也今但損車駕及毋

若未央宮有所發遣賜衣服如故事則可矣。

師古曰言今止當減損車馬制度及不得同未央宮輒有發取妄遣賜人於事則可而后之衣服自當如舊也。

其餘誠太迫

急奈何妾薄命。

〔補注〕沈欽韓曰玉臺新詠曹植有妾薄命詩二篇本此。

端遇竟寧前。

師古曰端正也言不得以他時為比例而正依竟寧前也。

竟寧前於今世而比之豈可

耶。師古曰言今時國家制度衆事比竟寧前不肯皆同也。

故時酒肉有所賜外家輒上表乃決。

〔補注〕先謙曰決謂斷定也上表乃決即上文所謂每輒決上也言雖酒肉微物不能私賜予。

又

故杜陵梁美人歲時遺酒一石肉百斤耳。

蘇林曰宣帝美人也。

妾甚少之遺田八子誠不可若是。

師古曰當多於梁美人也。

事率

衆多不可勝日文陳。

師古曰率猶計也類也言以文書陳之不可勝書。

俟自見索言之。

師古曰俟待也自見后自見於天子也索盡也見音胡電反索音先各反〔補注〕沈欽韓曰漢舊儀皇后五日一上

食賜上左右酒肉留宿明日平日歸中宮案此云自見蓋五日之期也先謙曰官本無俟待也三字及注末十字南監本同。

唯陛下深察焉上於是采劉向谷永之言曰報曰皇

帝問皇后所言事聞之夫日者衆陽之宗天光之貴王者之象人君之位也夫日陰而侵陽虧其正體

是非下陵上妻乘夫賤踰貴之變與。

師古曰與讀曰歟。

春秋二百四十二年變異爲衆莫若日蝕大自漢興日

蝕亦爲呂霍之屬見日今揆之豈有此等之效與。

師古曰與讀曰歟〔補注〕先謙曰官本無上條及此注南監本同。

諸侯拘迫漢制牧相執持

之也。師古曰：牧州牧也。相諸侯王相也。又安獲齊趙七國之難，將相大臣，裏誠秉忠，唯義是從。師古曰：裏，古懷字。又惡有上官博陸

宣成之謀。師古曰：惡於何也。上官，上官桀也。博陸，博陸侯霍禹也。宣成，宣成侯夫人顯也。惡音烏。補注先謙曰：官本注無惡於何也四字。南監本同。若乃徒步豪桀，非有陳勝、項梁之羣

也。匈奴夷狄，非有冒頓、郅支之倫也。方外內鄉，百蠻賓服。師古曰：鄉讀曰嚮。內嚮，皆嚮中國也。殊俗慕義，八州懷德，雖使其

懷挾邪意，猶不足憂。又況其無乎？求於夷狄無有，求於臣下無有，微後宮也。當何目塞之？師古曰：微，無也。猶言非也。塞，當

也。補注先謙曰：官本無此注。南監本同。日者建始元年正月。師古曰：日者，猶言往日也。白氣出於營室。營室者，天子之後宮也。正月於尚書

為皇極。皇極者，王氣之極也。補注蘇輿曰：五行志引傳曰：皇之不極，是謂不建。釋之云：皇，君也。極，中建也。班氏用今文說，據谷永傳，竊聞明王即位，正五事，建大中，以承天心，亦與班義同。此蓋今文異說，所謂以災

異說洪範也。皇，大傳作王，二字通訓。白者，西方之氣，其於春當廢。今正於王極之月，興廢氣於後宮。補注先謙曰：官本王作皇。視后妾無

能懷任保全者。師古曰：視，謹曰示。目著繼嗣之微，賤人將起也。師古曰：著，明也。補注先謙曰：官本無此注及下條。南監本同。至其九月，流星如瓜，出

於文昌，貫紫宮尾，委曲如龍，臨於鉤陳。此又章顯前尤，著在內也。師古曰：尤，過也。其後則有北宮井溢，南流逆

理數郡水出流殺人民後則訛言傳相驚震

(補注)先謙曰官本傳相作相傳

女童入殿咸莫覺知

師古曰謂陳持弓也

夫河者水陰

四瀆之長今乃大決沒漂陵邑

師古曰大旱曰陵

斯昭陰盛盈溢遠經絕紀之應也迺昔之月鼠巢于樹野鵲變

色五月庚子烏焚其巢太山之域

(補注)錢大昕曰五行志河平元年二月庚子泰山山桑谷有獻焚其巢此作五月誤下文有三月四月可證

易曰烏焚其巢旅人先

啖後號咷喪牛于易凶

師古曰啖古笑字也啖音桃解並在谷永傳

言王者處民上如鳥之處巢也不顧卹百姓百姓畔而去之

若鳥之自焚也雖先快意說啖

師古曰說謔曰悅

其後必號而無及也百姓喪其君若牛亡其毛也故稱凶泰山

王者易姓告代之處今正於岱宗之山甚可懼也三月癸未大風自西搖祖宗復廟揚裂帷席折拔樹

木頓僵車輦毀壞檻屋災及宗廟足為寒心四月己亥日蝕東井轉旄且索與既無異

師古曰轉旄且索言須臾之間則欲

盡也既亦盡耳春秋書日有食之既故詔引以為言也索音先各反(補注)先謙曰官本注無音字南監本同

己猶戊也亥復水也

張晏曰己戊皆中宮為君亥為水陰氣也

明陰盛咎在內於戊

已虧君體著絕世於皇極顯禍敗及京都於東井變怪衆備末重益大來數益甚

(補注)先謙曰數頻數也

成形之禍

月日迫切不救之患日淺婁深

師古曰淺甚也婁古屢字

咎敗灼灼若此豈可日忽哉

師古曰灼灼明白貌也忽忘也補注先謙曰官本無此注

書云

高宗彤日粵有雉雉

師古曰彤音弋中反

祖己曰惟先假王正厥事又曰雖休勿休惟敬五刑日成三德

師古曰解前在谷水

傳即飭椒房及掖庭耳

師古曰謂祖己所言皆以戒後宮也飭與敕同

今皇后有所疑便不便其條刺使大長秋來白之

師古曰條謂分條之也刺

謂書之於刺板也刺音千賜反補注齊召南曰其條刺三字一讀使大長秋來白之爲一句監本作刺史非也沈欽韓曰釋名書稱刺書以筆刺簡之上也畫姓名於奏上曰畫刺也

吏拘於法亦安足過

補注先謙曰過實也

蓋矯枉者過直古今同之

師古曰矯正也枉曲也言意在正曲遂過於直

且財帛之省

補注錢大昭曰帛南監本闕本並作幣先謙曰官本作幣

特牛之祠其於皇

后所以扶助德美爲華寵也咎根不除災變相襲

師古曰襲重累也補注先謙曰官本無此注及下一條南監本同

祖宗且不血食何戴侯

也傳不云乎日約失之者鮮

師古曰論語載孔子之言也鮮少也謂能行儉約而有過失之事如此者少也鮮音先踐反補注蘇輿曰論語集解引某氏云奢則驕淫招禍儉約則無憂患以約爲儉約其義最古

皇后欲從其奢與

師古曰與讀曰歟

朕亦當法孝武皇帝也如此則甘泉建章可復興矣世俗歲殊時變日化

遭事制宜因時而移舊之非者何可放焉

師古曰放音甫往反

君子之道樂因循而重改作昔魯人爲長府閔子騫

曰仍舊貫如之何何必改作師古曰事見論語長府藏貨之府也閔子騫孔子弟子也名損仍因也貫事也言因舊事則可何乃復更改作乎補注先謙曰官本無此注南監本同蓋惡之也詩

云雖無老成人尚有典刑曾是莫聽大命以傾師古曰大雅蕩之詩也老成人舊故之臣也典刑常法也言亂亂之時不用舊法以至傾危補注先謙曰官本注未有也字南監本同孝

文皇帝朕之師也皇太后皇后成法也假使太后在彼時不如職今見親厚又惡可以踰乎師古曰言假令太后昔時

不得其志不依常理而皇后今被親厚何可踰於太后制度乎婦不可踰姑也惡音烏皇后其刻心秉德毋違先后之制度力誼勉行稱順婦道師古曰減稱副也

省羣事謙約為右師古曰以謙約為先其孝東宮毋闕朝望師古曰東宮太后所居也朔望朝謁之禮也推誠永究爰何不臧師古曰究竟也爰于也臧善也于何

不善言何事不養名顯行日息衆譴師古曰譴譴衆議也音許元反垂則列妾使有法焉師古曰言垂法於後宮使皆遵行也皇后深惟毋忽是時

大將軍鳳用事威權尤盛其後比三年日蝕師古曰比類也補注先謙曰官本類作類比三年日蝕謂河平三年八月四年三月陽朔元年二月也言事者頗歸咎

於鳳矣而谷永等遂著之許氏許氏自知為鳳所不佑師古曰佑助也補注先謙曰鳳死於陽朔三年后廢在鴻嘉三年去鳳死四年矣言此者以見后之廢由王氏肇端也

久之皇后寵亦益衰而後宮多新愛后姊平安剛侯夫人謁等為媚道補注董教增曰表未見此侯惟邛成家有安平侯王舜子章諡剛侯然非平

安也。錢大昕曰：予謂地理志千乘郡有平安侯國，當是王舜所封。若豫章郡之安平侯國，則長沙孝王子所封。涿郡之安平，又非侯國也。先謙曰：錢說是也。事在鴻嘉三年。剛侯章薨，釐侯淵嗣。已四年，時事磨合，則安平當從此傳作平安無疑。然不以謁罪株連王氏，淵嗣侯如故，蓋當時寬典也。

祝讀後宮有身者王美人及鳳等。

師古曰：讀古詛字。

事發覺，太后大怒，下吏考問，謁等誅死。許后坐

廢處昭臺宮。

師古曰：在上林苑中。

親屬皆歸故郡山陽。后弟子平恩侯旦就國。凡立十四年而廢。在昭臺歲餘，還

徙長定宮。

師古曰：三輔黃圖。林光宮有長定宮。

後九年，上憐許氏，下詔曰：蓋聞仁不遺遠，誼不忘親。前平安剛侯夫人謁坐

大逆罪，家屬幸蒙赦令，歸故郡。朕惟平恩戴侯先帝外祖，魂神廢棄，莫奉祭祀，念之未嘗忘于心。其還

平恩侯旦及親屬在山陽郡者，是歲廢后敗，先是廢后姊嬀寡居，與定陵侯濇于長私通。

師古曰：嬀者，后姊之名也。音靡。

因爲之小妻，長給之曰：

師古曰：給，誑也。

我能白東宮。

補注：周壽昌曰：趙后之立，實得長力。時長主往來通語東宮，故許后信之。

復立許后爲左皇后。

補注：沈欽韓

曰：其後劉聰及周宣帝竟有此號。

廢后因嬀私賂遺長，數通書記相報謝。長書有詩謾。

師古曰：謾，惑亂也。設，碟汙也。詩，音布內反。設與慢同。補注：先謙曰：事詳佞幸傳。

發

覺，天子使廷尉孔光持節賜廢后藥，自殺。葬延陵交道廡西。

補注：沈欽韓曰：一統志，交道廡在西安府咸陽縣西北，長安志去長安六十里。

孝成班倢仔。帝初即位，選入後宮，始爲少使，蛾而大幸。如涪曰：蛾，無幾之頃也。師古曰：蛾與俄同，古字通用。爲倢仔，居增成舍。應劭曰：後宮有

入區，增成第三也。補注：齊召南曰：案黃圖：武帝時，後宮入區曰昭陽，飛翔增成，舍獸闌林，披香鳳鳥，鸞鸞等殿，鸞鸞西都賦：西京賦俱作鸞鸞。再就館。蘇林曰：外舍產子也。晉灼曰：謂陽祿與柘觀。有男數月，失之，成

帝遊於後庭。補注：沈欽韓曰：拾遺記：成帝於太液池旁，起宵遊宮，以漆爲柱，鋪黑絨之幕，器服乘輿，皆尚黑色，宮中美御皆服皂衣，自班倢仔已下，咸帶玄綬，簪佩雖加錦繡，更以木蘭紗綉單之，至宵遊宮，乃乘燭，宴既罷，靜鼓自舞，而步不

揚塵，嘗欲與倢仔同輦載。補注：沈欽韓曰：藝文類聚引漢官儀曰：皇后倢仔乘輦，餘皆以茵，四人輿以行。倢仔辭曰：觀古圖畫，賢聖之君，皆有名臣在

側，三代末主，迺有嬖女。師古曰：嬖，愛也。音必計反。補注：先謙曰：官本無此及下條注，南監本同。今欲同輦，得無近似之乎？師古曰：近，音鉅，斬反。上善其言而

止，太后聞之，喜曰：古有樊姬，今有班倢仔。張晏曰：楚王好田，樊姬爲不食禽獸之肉。倢仔誦詩及窈窕德象女師之篇。師古曰：詩，謂關雎以

下也。窈窕，德象女師之篇，皆古箴戒之書也。故傳云：誦詩及窈窕，以下諸篇，明詩外別有此篇耳。而說者便謂窈窕等即是詩篇，蓋失之矣。補注：王先慎曰：禮列女傳，此下有必三復之四字，語意較足。每進見上疏，依則古禮。

師古曰：則，法也。補注：先謙曰：官本無此注，南監本同。自鴻嘉後，上稍隆於內寵。補注：周壽昌曰：谷永疏云：建始河平之間，許班之貴，傾動前朝，時尚未達陽朔，至鴻嘉，許班皆失寵矣。倢仔進侍者

李平，平得幸，立爲倢仔。上曰：始衛皇后亦從微起，迺賜平姓曰衛，所謂衛倢仔也。其後趙飛燕姊弟亦

從自微賤興。(補注)先謙曰自亦從也疑衍一字險越禮制，寔盛於前。師古曰險與踰同，變漸也。班婕妤及許皇后皆失寵，稀復進見。鴻嘉

三年，趙飛燕譖告許皇后，班婕妤挾媚道，祝詛後宮，冒及主上。許皇后坐廢，考問班婕妤，婕妤對曰：妾

聞死生有命，富貴在天。(師古曰)論語載子夏對司馬牛之言也。(補注)先謙曰官本無此注，南監本同。修正尚未蒙福，為邪欲目何望，使鬼神有知，不

受不臣之愆。(師古曰)祝詛主上是不臣也。如其無知，愆之何益，故不為也。上善其對，憐閔之，賜黃金百斤。趙氏姊弟驕

妒，婕妤恐久見危，求其養太后長信宮。(師古曰)共音居用反，養音弋向反。上許焉，婕妤退處東宮，作賦自傷悼，其辭曰：承

祖考之遺德兮，何性命之淑靈。(師古曰)何任也，負也。登薄軀於宮闕兮，充下陳於後庭。(師古曰)蒙聖皇之渥惠兮，當

日月之盛明。(師古曰)渥厚也。揚光烈之翁赫兮，奉隆寵於增成。既過幸於非位兮，竊庶幾乎嘉時。(師古曰)嘉善也。(補注)先謙曰

官本無此注，南監本同。每寤寐而念息兮，中佩離目自思。(師古曰)念息言懼而喘息也，離，袿衣之帶也，女子適人，交親結其離而戒之，故云自思也，念古累字。陳女圖目鏡監兮，

顧女史而問詩，悲晨婦之作戒兮。張晏曰：書云，牝雞之晨，惟家之索，喻婦人無男事也。哀哀閔之為郵。(師古曰)小雅刺幽王之詩曰：赫赫宗周，褒

貶滅之閔，妻嫗方處，故云為郵，郵過也。

美皇英之女虞兮，榮任媼之母周。師古曰：皇，娥皇、英、女英、堯之二女也。女，妻也。虞，虞舜也。任，太任。文王之母。媼，太媼。武王之母也。女虞，女音尼。據反。雖愚陋其靡及兮，敢舍

心而忘茲。師古曰：舍，息也。歷年歲而悼懼兮，閱蕃華之不滋。師古曰：滋，益也。言時逝不留華色落也。蕃，音扶元反。痛陽祿與柘館兮，仍襁裸而

離災。服虔曰：二館名也。生子此館皆失之也。師古曰：二觀並在上林中，仍類也。離，遭也。豈妾人之殃咎兮。補注：錢大昭曰：人，閩本作父，誤。周壽昌

曰：妾人，猶詩云我人也。將天命之不可求，白日忽已移光兮。遂晡莫而昧幽。師古曰：晡，與暗同。又音烏。感反。莫，讀曰暮。一曰莫靜也。讀如本字。猶被覆載

之厚德兮，不廢捐於罪郵。師古曰：言主上之恩，比於天地。雖有罪過，不廢棄也。被，音皮義反。奉其養于東宮兮，託長信之末流。師古曰：末流，謂恩顧之末也。一曰流

謂等列也。共，音居。用反。養音弋向反。共洒埽於帷幄兮，永終死以爲期。師古曰：共，音居。容反。洒音灑。又所寄反。埽音先到反。補注：先謙曰：官本又下有音字。南監本同。願歸骨於山

足兮，依松柏之餘休。師古曰：山足，謂陵下也。休，蔭也。重日。師古曰：重者，情志未申。更作賦也。音直用反。潛玄宮兮幽且清，應門閉兮禁闔局。師古曰：正門謂之應

門。局，短闕也。音工。發反。補注：王念孫曰：局亦閉也。淮南主術篇中局外閉，亦以局閉對文。華殿塵兮玉階落，中庭萋兮綠草生。師古曰：落，水氣所生也。萋，萋，青草貌也。落音臺。萋音妻。補注：周壽昌曰：

本文實作萋兮。明注多一萋字。廣室陰兮帷幄暗，房櫺虛兮風泠泠。師古曰：櫺，疏檻也。音來東反。冷音馨。感帷裳兮發紅羅，紛綵繡兮紉素聲。

師古曰感動也言風動發帷裳羅綺也絳衣聲也絳音千賄反絳音蔡補注王先慎曰文選琴賦李注引絳縹作翠縹列女傳作惛惛並聲近通用神眇眇兮密覩處君不御兮誰為榮師古曰覩

字與俯視兮丹墀思君兮履綦孟康曰丹墀赤地也師古曰綦履下師也言仰視兮雲屋雙涕兮橫流師古曰雲屋言其懸翬狀

若雲也師古曰感反翬音徒對反補注沈欽韓曰西京雜記成帝設雲帳雲帳雲帳於甘泉紫殿世謂三雲殿案與上丹墀皆是思君之處非泛指雲狀顏說非顧左右兮和顏酌羽觴兮銷憂劉德曰酒行疾

如羽也孟康曰羽觴爵也作生爵形有頭尾羽翼如瀟曰以瑋瑋覆翠羽於下徹上見師古曰孟說是也惟人生兮一世忽一過兮若浮已獨享兮高明處生民兮極

休師古曰享當也休美也補注先謙曰謂所享處於生人已為極美意知足而無怨也勉虞精兮極樂與福祿兮無期師古曰此虞與娛同綠衣兮白華自古兮有

之師古曰綠衣詩鄱風刺姜上僭夫人失位白華小雅篇周人刺幽王黜申后也補注先謙曰官本考證云案鄱應作邲至成帝崩倖仔充奉園陵薨因葬園中

孝成趙皇后本長安宮人師古曰本宮人以賜陽阿主家也宮人者書中侍使官婢名曰宮人非天子控庭中也事見漢書儀言長安者以別甘泉等諸宮省也補注沈欽韓曰漢舊儀宮人擇官婢年八歲以上侍皇后

以下年三初生時父母不舉三日不死迺收養之及壯屬陽阿主家師古曰陽阿平原之縣也今俗書阿字作河又或為河陽皆後人所妄改耳補注先謙

曰官本考證云案五行志作河陽主家荀紀及列女傳亦作河陽先謙案樹地理志陽阿上黨縣平原郡有阿陽無陽阿河陽則屬河內郡此師古偶然誤記後人輒改平原之阿陽為陽阿以就顏說謬矣荀紀本亦作陽阿五詳五行地理兩志下學歌舞

號曰飛燕。

師古曰以其體輕故也。〔補注〕先謙曰官本無故字南監本同。

成帝嘗微行出過陽阿主作樂上見飛燕而說之。

師古曰說讀曰悅。〔補注〕先謙曰官

本無此注南監本同。

召入宮大幸有女弟復召入俱為婕妤貴傾後宮許后之廢也上欲立趙婕妤皇太后嫌其所

出微甚難之太后姊子淳于長為侍中數往來傳語得太后指上立封趙婕妤父臨為成陽侯後月餘

乃立婕妤為皇后。

〔補注〕沈欽韓曰西京雜記趙飛燕為皇后其女弟在昭陽殿遺飛燕書曰今日嘉辰賞姊懋賢洪冊謹上穰三十五條以陳踊躍之心。

追目長前白罷昌陵功封為定

陵侯皇后既立後寵少衰而弟絕幸為昭儀。

〔補注〕沈欽韓曰西京雜記趙后體輕腰弱善行步進退女弟昭儀不能及也但昭儀弱骨豐肌尤工笑語二人並色如紅玉為當時第一皆擅寵

後居昭陽舍。

〔補注〕沈欽韓曰西京雜記昭陽殿織珠為簾風至則鳴如珣佩之聲殿上設九金龍皆銜九子金鈴五色流蘇帶以綠文紫綵金銀花繡每好風日幡旂光影照耀一殿鈴繡之聲驚動左右設木畫屏風文如蜘蛛絲繡玉几玉牀

白象牙簾綠熊席毛二尺餘人坐則沒膝其窗屏多是綠琉璃棖棖皆刻作龍蛇螭其間鱗甲分明見者莫不兢慄匠人丁緩李菊巧為天下第一。

其中庭彤朱而殿上髹漆。

師古曰以漆漆物謂之髹音許求反又許昭反

今關東俗器物一再著漆者謂之拍漆拍即髮聲之轉重耳髮字或作髹音義亦與髹同今關西俗云黑髮盤朱髮盤其音如此兩義並通。〔補注〕先謙曰官本法又有音字髹作髹南監本同。

切皆銅沓冒黃金塗。

師古曰切門限

也音干結反沓冒其頭也塗以金塗銅上也沓音它合反。〔補注〕王念孫曰冒字涉注文而衍景祐本無冒字是也冒即沓也注訓沓為冒則正文無冒字明矣後漢書班固傳注文選西都賦注藝文類聚居處部一御覽皇親部十引此皆無冒字漢紀及續列女傳亦

無。白玉階。師古曰階所由升殿陛也。壁帶往往為黃金缸。函藍田璧、明珠、翠羽飾之。服虔曰缸壁中之橫帶也。管灼曰以合環飾之也。師古曰壁帶壁之橫木露出如帶者也。

由升殿陛也。

於壁帶之中往往以金為缸。若車缸之形也。其缸中著玉璧、明珠、翠羽耳。藍田山名出美玉。缸音工。流俗讀之音江非也。自後宮未嘗有焉。姊弟顯寵十餘年。卒皆無子。師古曰顯與專同。卒與專同。卒與專同。卒與專同。

終也。補注沈欽韓曰西京雜記慶安世年十五為成帝侍郎善鼓琴能為雙鳳離鸞之曲趙后悅之自上得出入御內絕見愛幸趙后自以無子常託以祈禱別開一室左右侍婢莫得至以駟車載輕薄少年為女子服入後宮者日以十數與之淫通無時休息有瘦

忘者輒差代之而卒無子。末年定陶王來朝王祖母傅太后私賂遺趙皇后昭儀定陶王竟為太子明年春成帝崩帝

素彊無疾病是時楚思王衍梁王立來朝明日當辭去上宿供張白虎殿。師古曰白虎殿在未央宮中。又欲

拜左將軍孔光為丞相已刻侯印書贊。師古曰贊謂延拜之文。昏夜平善鄉晨傅綉轎。應劭曰傅著也。師古曰鄉讀曰嚮。傅讀曰附。綉古袴字也。轎音武伐。

反。欲起因失衣不能言。補注周壽昌曰失猶失音之失言不能衣也。書漏上十刻而崩民間歸罪趙昭儀皇太后詔大司馬莽承

相大司空曰。補注劉敞曰是時孔光為丞相未拜又無大司空然則衍丞相五字也。王鳴盛曰案即其夜於大行前拜受丞相博山侯印綬見孔光傳何云未拜。

皇帝暴崩羣衆謹諱怪之掖

庭令輔等在後庭左右侍燕迫近雜與御史丞相廷尉治問皇帝起居發病狀趙昭儀自殺哀帝既立

尊趙皇后爲皇太后，封太后弟侍中駙馬都尉欽爲新成侯。趙氏侯者凡二人。後數月，司隸解光奏言。

〔補注〕錢大昭曰：成帝元延四年，省司隸校尉。綏和二年，哀帝復置，但爲司隸，故此不言校尉。臣聞許美人及故中宮史曹宮，皆御幸，孝成皇帝產子，子隱不見。

臣遣從事掾業、史望。師古曰：業者，掾之名，望者，史之名也，皆不言其姓。〔補注〕先謙曰：官本注在者下。驗問知狀者，掖庭獄丞籍武，故中黃門王舜、吳

恭、靳嚴、官婢曹曉、道房、張棄，故趙昭儀御者于客子、王徧、臧兼等。〔補注〕先謙曰：官本徧作徧，南監本同。據下文客子徧兼，此徧傳刻之誤。皆曰：宮

卽曉子女，前屬中宮，爲學事史。〔補注〕沈欽韓曰：周禮序官，女史八人，女史、女奴、曉書者。通詩授皇后，房與宮對食。應劭曰：宮人自相與爲夫婦，名對食甚相妒忌也。

元延元年，中宮語房曰：陛下幸宮，後數月，曉入殿中，見宮腹大，問宮，宮曰：御幸有身，其十月中，宮乳掖

庭，牛官令舍。師古曰：乳，產也。音而具反，下皆類此。有婢六人，中黃門田客持詔記。〔補注〕先謙曰：胡注：詔記與詔書有別，詔記，後世謂之手記，出於上手，故曰詔記。若詔書，則下爲之以璽爲信。

耳。盛綠綿方底。師古曰：綿，厚繒也。綠，其色也。方底，盛書囊形。若今之算囊耳。綿，音大奚反。〔補注〕沈欽韓曰：御覽八百十六，漢舊儀曰：印綬盛以篋，篋以綠綿白表亦裏。封御史中丞印。〔補注〕何焯曰：御史中丞

在殿中蘭臺，周禮小宰，掌建邦之宮刑，以治王宮之政令，凡宮之糾禁。鄭氏曰：若今御史中丞，蓋漢宮中事，皆御史中丞所掌，故用其印。封周壽昌曰：據此，御史中丞印當藏殿中，與御史大夫別一印也。漢凡定著令，卽制詔御史，此益可證。子武曰：

取牛官令舍婦人新產兒。婢六人。盡置暴室獄。母問兒男女。誰兒也。

〔補注〕先謙曰。母當作毋。各本皆誤。

武迎置獄。宮曰。善

臧我兒胞。

師古曰。胞。謂胎之衣也。音苞。

承知是何等兒也。

師古曰。意言。是天子兒耳。

後三日。客持詔記與武。問兒死未。手書對牘背。

古師

曰。牘。木簡也。時以為詔記。問之。故令於背上書對辭。

武即書對。兒見在未死。有頃。客出曰。上與昭儀大怒。奈何不殺。武叩頭啼曰。不殺

兒。自知當死。殺之亦死。即因客奏封事曰。陛下未有繼嗣。子無貴賤。唯留意奏入。客復持詔記于武曰。

今夜漏上五刻。持兒與舜會。東交掖門。武因問客。陛下得武書。意何如。曰。愷也。

服虔曰。愷。直視貌也。師古曰。愷。音丑。庚反。字本作瞿。其音

同耳。武目兒付舜。舜受詔。內兒殿中。為擇乳母。告善養兒。且有賞。毋令漏泄。舜擇棄為乳母。時兒生八九

日。後三日。客復持詔記。封如前。于武。中有封小綠篋。記曰。告武。以篋中物書于獄中。婦人武自臨飲之。

師古曰。飲。音於。禁反。

武發篋。中有裏藥二枚。赫蹏書。

孟康曰。蹏。猶地也。染紙素令赤而書之。若今黃紙也。鄧展曰。赫。音兄弟。閱牆之閱。應劭曰。赫。蹏。薄小紙也。晉灼曰。今為薄小物為閱蹏。鄧音應說。是也。師古曰。孟說

非也。今書本赫字或作擊。〔補注〕沈欽韓曰。玉篇。蹏。赤紙也。周壽昌曰。據此。西漢時已有紙可作書矣。赫。狀其色赤。蹏。狀其式小。孟說未為非也。先謙曰。官本注無孟說。及鄧音。應說。是也。六字。孟說非也。四字。今下為作。謂南監本同。裏並作裏。是。

能努力飲此藥，不可復入，女自知之。

師古曰：女讀曰汝。

偉能即宮。

〔補注〕周壽昌曰：宮字偉能。

宮讀書已曰果也，欲姊弟擅天

下我兒男也，額上有壯髮，類孝元皇帝。

師古曰：壯髮當額前侵下而生，今俗呼為圭頭者是也。

今兒安在，危殺之矣。

師古曰：危，險也。猶今人言險不殺耳。〔補注〕蘇

輿曰：續列女傳作已殺之乎。先謙曰：危猶殆也。

奈何令長信得聞之。

師古曰：謂太后。〔補注〕先謙曰：顧炎武云：謂何道令太后得聞也。

宮飲藥死，後宮婢六人召入，出語武

曰：昭儀言女無過。

師古曰：言我知汝無罪過也。女讀曰汝。

寧自殺邪？若外家也。

晉灼曰：寧，便自殺。出至外舍死也。〔補注〕先謙曰：若猶或也。

我曹言願自殺。

〔補注〕沈欽韓曰：謂張棄也。

即自繆死。

晉灼曰：繆音繆，繆之繆。鄭氏曰：自繆也。師古曰：繆，絞也。音居虬反。

武皆表奏狀。

〔補注〕先謙曰：以宮及婢死狀奏。棄所養兒十一日。

南以詔書取兒去。

晉灼曰：漢儀注有女長御，比侍中宮長豈此邪？

不知所置。

師古曰：終竟不知置何所也。

許美人前在上林涿沐館。

〔補注〕沈欽韓曰：黃圖涿沐觀在上

苑，數召入飾室中若舍。

師古曰：或暫入，或留止也。〔補注〕周壽昌曰：言入飾室，或舍中也。下始云留數月，或半歲，此祇言召入之地耳。注誤會本句意，與下兩語背觸。飾室，即下置飾室，簾南之飾室，舍如增成舍、甲舍、丙舍之類。

一歲再三召，留數月，或半歲，御幸，元延二年，裏子。

師古曰：裏，木懷字。

其十一月乳。

師古曰：乳，謂產子也。音而樹反，其下亦同。

詔使嚴持乳

暨及五種和藥丸三，送美人所，後客子，偏兼，聞昭儀謂成帝曰：常給我言從宮中來。

師古曰：給，誑也。中宮，皇后所居。〔補注〕先謙曰：

宮中當作中宮官本南監本不誤即從中宮來許美人兒何從生中許氏竟當復立邪晉灼曰昭儀前帝不得立許美人為皇后而今有子中許氏竟當復立為皇后邪此

約之言也師古曰此說非也言美人在內中何從得兒而生也故言何從生中次此下乃始言約耳懟以手自擣師古曰懟怒怒也擣築也懟音直類反以頭擊壁戶柱從牀上自投地啼

泣不肯食曰今當安置我欲歸耳帝曰今故告之反怒為師古曰故以許美人產子皆汝何為反怒殊不可曉也師古曰言其不可告語也帝

亦不食昭儀曰陛下自知是不食為何師古曰何為不食也補注蘇輿曰續列女傳知作如於義為長先謙曰官本為作謂陛下常自言約不負女師古曰女

讀曰汝次下亦同今美人有子竟負約謂何帝曰約以趙氏故不立許氏使天下無出趙氏上者毋憂也後詔使

嚴持綠囊書子許美人告嚴曰美人當有目子女受來置飾室中簾南師古曰簾戶簾也音廉美人目葦篋一合

盛所生兒緘封及綠囊報書子嚴嚴持篋書置飾室簾南去帝與昭儀坐使客子解篋緘未已師古曰緘束篋之繩

也音居成反帝使客子偏兼皆出自閉戶獨與昭儀在須臾開戶噉客子偏兼使緘封篋及綠綈方底推置

屏風東恭受詔持篋方底子武皆封目御史中丞印曰告武篋中有死兒埋屏處勿令人知武穿獄樓

垣下爲坎埋其中。故長定許貴人。

(補注)先謙曰。即許后居長定宮後稱之。

及故成都平阿侯家婢王業。任嬪。公孫習前免爲

庶人。

師古曰。嬪音麗。補注。先謙曰。成都侯王商平阿侯王譚。

詔召入。屬昭儀。爲私婢。成帝崩。未幸梓宮。

師古曰。言未入斂也。

倉卒悲哀之時。昭儀自

知罪惡大。知業等故許氏。王氏婢。恐事泄。而目大婢羊子等。賜子業等各且十人。目慰其意。屬無道我

家過失。

師古曰。屬音之欲反。

元延二年五月。故掖庭令吾丘遵謂武曰。

師古曰。姓吾丘名遵。

掖庭丞吏目下。皆與昭儀合通。無

可與語者。獨欲與武有所言。我無子。武有子。是家輕族人。得無不敢乎。

蘇林曰。是家謂成帝也。不敢斥。故言是家。師古曰。遵自以無子。故無所顧懼。武

既有子。恐禍相及。當止不敢言也。(補注)先謙曰。輕治人罪至族滅也。是家謂昭儀何敢指帝乎。

掖庭中御幸生子者輒死。又飲藥傷墮者無數。欲與武共言之。

大臣票騎將軍貪著錢。不足計事。

師古曰。音讀曰嗜。(補注)錢大昕曰。票騎將軍謂曲陽侯王根也。

奈何令長信得聞之。

(補注)先謙曰。句義與上文同。

遵後病

困。謂武。今我已死。前所語事。武不能獨爲也。慎語。

師古曰。言汝脫不能獨爲。勿漏泄其語。

皆在今年四月丙辰。赦令前。臣謹

案永光三年。男子忠等發長陵傅夫人冢。事更大赦。

師古曰。更音工衡反。

孝元皇帝下詔曰。比朕不當所得赦也。

〔補注〕先謙曰官本比窮治盡伏辜天下目爲當
〔補注〕先謙曰以爲當於理也當音丁浪反
魯嚴公夫人殺世子齊桓召而誅焉春

秋子之師古曰嚴公夫人謂哀妻也予謂許予之也解具在五行志趙昭儀傾亂聖朝親滅繼嗣家屬當伏天誅前平安剛侯夫人謁坐

大逆同產當坐呂蒙赦令歸故郡今昭儀所犯尤諄逆罪重於謁而同產親屬皆在尊貴之位迫近幃

幄師古曰近音鉅斬反〔補注〕先謙曰官本無此注羣下寒心非所目懲惡崇誼示四方也請事窮竟丞相以下議正法哀帝於是

免新成侯趙欽欽兄子成陽侯訢皆爲庶人〔補注〕錢大昕曰外戚侯表成陽節侯趙臨以皇后父侯薨子訢嗣新成侯欽以皇太后弟封建平元年皆坐弟昭儀絕繼嗣免表以欽與訢皆爲

昭儀之兄傳以訢爲欽兄子必有一誤將家屬徙遼西郡時議郎耿育上疏言臣聞繼嗣失統廢適立庶師古曰適讀曰嫡次下亦同聖人法

禁古今至戒然大伯見歷知適遂循固讓師古曰歷謂王季即文王之父也知適謂知其當爲適嗣也委身吳粵權變所設不計常法致

位王季呂崇聖嗣卒有天下師古曰卒終也〔補注〕先謙曰官本無此注子孫承業七八百載功冠三王道德最備是呂尊號追

及大王故世必有非常之變然後迺有非常之謀孝成皇帝自知繼嗣不目時立念雖未有皇子萬歲

之後未能持國

師古曰未晚暮也萬歲言晏駕也

權柄之重制於女主女主驕盛則者欲無極

師古曰音讀曰嗜

少主幼弱則大臣

不使

師古曰不使不可使從命也補注王念孫曰注說稍迂爾雅使從也不使即不從也管子小匡篇魯請爲關內之侯而桓公不使也史記龜策傳大將不彊卒不使令春秋繁露五行相勝篇將帥不親士卒不使不使皆謂不從

世無周

公抱負之輔恐危社稷傾亂天下知陛下有賢聖通明之德仁孝子愛之恩懷獨見之明內斷於身故

廢後宮就館之漸絕嗣禍亂之根

師古曰微嗣者謂幼主也

乃欲致位陛下目安宗廟愚臣既不能深援安危定金

匱之計

師古曰愚臣謂解光等也援引也金匱言長久之法可藏於金匱石室者也援音爰

又不知推演聖德述先帝之志

師古曰漢廣也音弋善反

迺反覆校省內暴

露私燕

師古曰私燕謂成帝閑宴之私也覆音芳目反

誣汗先帝傾惑之過成結寵妾妒媚之誅

補注王念孫曰妒媚二字義不相屬媚當爲媚鄭注大學云媚妒也五行志桓有妒媚

之心史記五宗世家王后以妒媚不常侍病黥布傳贊妒媚生患皆其證錄書眉或作眉

甚失賢聖遠見之明逆負先帝憂

國之意夫論大德不拘俗立大功不合衆此迺孝成皇帝至思所目萬萬於衆臣陛下聖德盛茂所目

符合於皇天也豈當世庸庸斗筭之臣所能及哉且襄廣將順君父之美匡掾銷滅既往之過

師古曰掾古救字

古今通義也。事不當時固爭，防禍於未然。各隨指阿從，目求容媚。晏駕之後，尊號已定。

(補法)何焯曰：謂趙氏已稱太后。

萬事已訖，迺探追不及之事。

(補法)先謙曰：不及謂已往。

訐揚幽昧之過。

師古曰：訐，音居謁反。

此臣所深痛也。願下有司議，即如臣

言，宜宣布天下，使咸曉知先帝聖意所起，不然，空使謗議上及山陵，下流後世，遠聞百蠻，近布海內，甚

非先帝託後之意也。蓋孝子善述父之志，善成人之事，唯陛下省察。哀帝為太子，亦頗得趙太后力，遂

不竟其事。傅太后恩趙太后，趙太后亦歸心。

師古曰：恩，謂以厚恩接遇之。一曰：恩，謂衛其立哀帝為嗣之恩也。

故成帝母及王氏皆怨之。哀帝

崩，王莽白太后，詔有司曰：前皇太后與昭儀俱侍帷幄，姊弟專寵，鋼寢，執賊亂之謀，殘滅繼嗣，目違宗

廟，諄天犯祖。

師古曰：諄，遠也。祖，先帝也。

無為天下母之義，貶皇太后為孝成皇后。

晉灼曰：使哀帝不母罪之也。

徙居北宮，後月餘，復下

詔曰：皇后自知罪惡深大，朝請希闕。

師古曰：請，謁也。闕，猶闕也。

失婦道，無共養之禮，而有狼虎之毒。

師古曰：共，讀曰供。音居用反。養，音弋向反。其下

並同。(補法)先謙曰：官本注，供作恭。

宗室所怨，海內之讎也。而尚在小君之位，誠非皇天之心。夫小不忍，亂大謀。恩之所不

能已者，義之所制也。

師古曰：言以義制恩也。

今廢皇后為庶人，就其園，是日自殺。凡立十六年而誅。先是有童謠曰：

燕燕尾涎涎。

師古曰：涎，光澤之貌也。音徒見反。〔補注〕沈欽韓曰：集韻：涎，徒鼎切。泝，小水。一曰：波直貌。類篇：又堂練切。涎，涎。光直貌。案此字從聲當為涎，不當為廷。玉篇亦云：涎，又徒見切。好貌。玉篇為唐人所修，此字之誤久矣。先謙曰：官本

涎作涎，南監本同。

張公子時相見，木門倉琅根，燕飛來啄皇孫，皇孫死，燕啄矢。成帝每微行出，常與張放俱，而稱

富平侯家。

〔補注〕王念孫曰：家下當有人字。富平侯即張放，故帝與放俱，而稱富平侯家人也。脫去人字，則文義不明。五行志正作稱富平侯家人。

故曰張公子，倉琅根，宮門銅鍍也。

師古曰：鍍，

讀與環同。

孝元傅昭儀，哀帝祖母也。父河內溫人，蚤卒。母更嫁為魏郡鄭翁妻，生男惲，昭儀少為上官太后才人。

〔補注〕沈欽韓曰：蓋伎人之號。謝朓集有詠邯鄲才人，嫁為廝養卒婦。宋書后妃傳：晉武帝置才人，爵視千石。

自元帝為太子，得進幸。元帝即位，立為婕妤，甚有寵。為人

有材略，善事人，下至宮人左右，飲酒酌地，皆祝延之。

師古曰：酌，以酒沃地也。祝延，祝之使長年也。酌，音來外反。祝，音之受反。〔補注〕沈欽韓曰：方言：延，永長也。凡施於年者謂之延。

論衡解除篇：令巫祝延以解土神。

產一男一女，女為平都公主，男為定陶恭王。恭王有材藝，尤愛於上。元帝既重傅婕妤，

及馮婕妤亦幸。生中山孝王。上欲殊之於後宮。目二人皆有子爲王。上尙在。未得稱太后。乃更號曰昭

儀。

〔補注〕沈欽韓曰。新唐書后妃傳。昭儀在四妃下。居九嬪首。然漢無妃號。故昭儀最尊。

賜目印綬。在婕妤上。昭其儀尊之也。至成哀時。趙昭儀。董昭儀。

皆無子。猶稱焉。

〔補注〕王先慎曰。猶稱。言由傅馮沿用之。

元帝崩。傅昭儀隨王歸國。稱定陶太后。後十年。恭王薨。子代爲王。

母曰丁姬。傅太后躬自養視。既壯大。成帝無繼嗣。時中山孝王在。元延四年。孝王及定陶王皆入朝。傅

太后多目珍寶賂遺。趙昭儀及帝舅。票騎將軍王根。陰爲王求漢嗣。皆見上無子。欲豫自結。爲久長計。

更稱譽定陶王。

師古曰。更音工衡反。

上亦自器之。明年。遂徵定陶王。立爲太子。語在哀紀。月餘。天子立楚孝王孫

景爲定陶王。奉恭王後。太子議欲謝。少傅閻崇。以爲春秋不以父命廢王父命。

師古曰。王父。謂祖也。

爲人後之禮。

不得顧私親。不當謝。太傅趙玄以爲當謝。太子從之。詔問所以謝狀。尙書劾奏玄。左遷少府。以光祿勳

師丹爲太傅。詔傅太后與太子母丁姬。自居定陶國邸。下有司議。皇太子得與傅太后。丁姬相見。不有

司奏議不得相見頃之成帝母王太后欲令傅太后丁姬十日一至太子家成帝曰太子丞正統〔補注〕

先謙曰官本丞作承南監本同當共養陛下不得復顧私親王太后曰太子小而傅太后抱養之今至太子家以乳母恩

耳不足有所妨於是令傅太后得至太子家丁姬以小養太子獨不得成帝崩哀帝即位王太后詔

令傅太后丁姬十日一至未央宮〔補注〕先謙曰據此傅太后得見帝撓政實王太后有以啓之其後何武不從孔武之議令傅太后得居北宮哀帝遂無能自主矣高昌侯董宏希

指師古曰希望天子意指也上書言宜立丁姬爲帝太后師丹劾奏宏懷邪誤朝不道上初即位謙讓從師丹言止後

迺白令王太后下詔尊定陶恭王爲恭皇哀帝因是曰春秋母以子貴尊傅太后爲恭皇太后丁姬爲

恭皇后各置左右詹事食邑如長信宮中宮〔補注〕先謙曰官本中下宮作官南監本同追尊恭皇太后父爲崇祖侯恭皇后

父爲褒德侯後歲餘遂下詔曰漢家之制推親親以顯尊尊定陶恭皇之號不宜復稱定陶其尊恭皇

太后爲帝太后丁后爲帝太后後又更號帝太后爲皇太后稱永信宮帝太后稱中安宮而成

帝母太皇太后本稱長信宮。成帝趙后爲皇太后，竝四太后，各置少府太僕，秩皆中二千石，爲恭皇立

寢廟於京師。比宣帝父悼皇考制度，序昭穆於前殿。

如淳曰：廟之前曰殿，半以後曰寢。

傅太后父同產弟四人，曰子孟、中

叔、子元、幼君。

師古曰：中讀曰仲。

子孟子喜，至大司馬，封高武侯。中叔子晏，亦大司馬，封孔鄉侯。幼君子商，封汝

昌侯，爲太后父崇祖侯。後更號崇祖曰汝昌哀侯。太后同母弟鄭惲前死，以惲子業爲陽信侯。

〔補注〕先謙曰

官本考證云：恩澤侯表作陽新侯，案信新同字。

追尊惲爲陽信節侯。鄭氏傅氏侯者凡六人。

〔補注〕王念孫曰：六當爲四，此涉下文六人而誤。四人者：一傅喜，二傅晏，三傅商，四鄭業也。〔竝見

上文〕五行志注引此，正作四人。

大司馬二人，九卿、二千石、六人，侍中諸曹十餘人。傅太后既尊，後尤驕，與成帝母語，至

謂之嫗，與中山孝王母馮太后竝事元帝，追怨之，陷以祝詛罪，令自殺。元壽元年崩，合葬渭陵，稱孝元

傅皇后云。

定陶丁姬，哀帝母也。易祖師丁將軍之玄孫。

師古曰：始祖也。儒林傳：丁寬，易家之始師。〔補注〕周壽昌曰：祖師二字亦異稱。丁寬爲梁孝王將軍，距吳楚，故稱將軍。先謙曰：官本注：始祖作祖始。

是南監
本同

家在山陽瑕丘。父至廬江太守。始定陶恭王先爲山陽王。而丁氏內其女爲姬。王后姓張氏。其

母鄭禮。卽傳太后同母弟也。太后以親戚故。欲其有子。然終無有。唯丁姬河平四年生哀帝。丁姬爲帝

太后兩兄。忠明以帝舅封陽安侯。忠蚤死。封忠子滿爲平周侯。太后叔父憲。望爲左將軍。憲爲太

僕。明爲大司馬。票騎將軍。輔政。丁氏侯者凡二人。大司馬一人。將軍九卿二千石六人。侍中諸曹亦十

餘人。丁傳以一二年閒暴興。尤盛。然哀帝不甚假以權。執權執不如王氏在成帝世也。建平二年。丁太

后崩。上曰。詩云。穀則異室。死則同穴。師古曰。王國大車之詩也。穀。生也。昔季武子成寢。杜氏之墓。在西階下。請合葬而許

之。師古曰。事見禮記。附葬之禮。自周興焉。孝子事亡如事存。帝太后宜起陵。恭皇之園。遣大司馬票騎將軍明

東送葬于定陶。貴震山東。哀帝崩。王莽秉政。使有司舉奏丁傳罪惡。莽以太皇太后詔。皆免官爵。丁氏

徙歸故郡。莽奏貶傳太后號爲定陶共王。母丁太后號曰丁姬。元始五年。莽復言共王母丁姬。前不臣

妾師古曰不遵至葬涓陵冢高與元帝山齊懷帝太后皇太后靈綬以葬師古曰懷謂挾不應禮禮有改臣妾之道之以自隨也

葬請發其王母及丁姬冢取其靈綬消滅徙其王母及丁姬歸定陶葬其王家次補注先謙曰顧炎武云丁姬先已葬定陶此及丁

而葬丁姬復其故師古曰復太后以為既已之事不須復發葬固爭之補注錢大昭曰葬當作葬字衍太后

詔曰因故棺為致椁作家師古曰致祠以太牢謁者護既發傅太后冢崩壓殺數百人開丁姬椁戶火出謂累也

炎四五丈師古曰炎吏卒以水沃滅酒得入燒燔椁中器物莽復奏言前其王母生僭居桂宮皇天震怒音弋瞻反

災其正殿丁姬死葬踰制度今火焚其椁此天見變以告當改如媵妾也臣前奏請葬丁姬復故非是

師古曰言尙太優僭也其王母及丁姬棺皆名梓宮珠玉之衣非藩妾服請更以木棺代去珠玉衣葬丁姬媵妾之

次奏可既開傅太后棺臭聞數里補注沈欽韓曰論衡死為篇洛陽丞臨棺開臭而死多藏食物腐臭潰發人不能堪未為怪也長安志成陽縣有漢傅太后廢陵水經注在霸城西北王莽奏毀其陵今其

處積土猶高謂之增塹又謂之增阜公卿在位皆阿莽指入錢帛遣子弟及諸生四夷凡十餘萬人操持作具助將作掘平

其王母丁姬故冢。二旬間皆平。莽又周棘其處。以爲世戒云。

師古曰。以。轅周繞也。

時有羣燕數千。銜土投丁姬穿

中。師古曰。穿。謂墮中也。補注。沈欽韓曰。小宗伯。卜葬兆甫竈。注。鄭大夫讀竈爲穿。杜子春讀竈爲冢。皆謂葬穿墮也。今南陽名穿地爲竈。聲如腐臍之臍。先謙曰。惠士奇云。水經注引漢書。穿中作冢。中則竈讀爲穿。信矣。說文。穿。通也。竈。穿地也。文異義同。丁

傅既敗。孔鄉侯晏將家屬徙合浦。宗族皆歸故郡。唯高武侯喜得全。自有傳。

孝哀傅皇后。定陶太后從弟子也。哀帝爲定陶王時。傅太后欲重親。取以配王。王入爲漢太子。傅氏女

爲妃。哀帝卽位。成帝大行。尙在前殿。而傅太后封傅妃父晏爲孔鄉侯。與帝舅陽安侯丁明。同日俱封。

時師丹諫。以爲天下自王者所有。親戚何患不富貴。而倉卒若是。其不久長矣。晏封後月餘。傅妃立爲

皇后。傅氏旣盛。晏最尊重。哀帝崩。王莽白太皇太后下詔曰。定陶共王太后與孔鄉侯晏同心合謀。背

恩忘本。專恣不軌。與至尊同稱號。終沒。至迺配食於左坐。

應劭曰。若禮以其妃配者也。坐於左而並食。師古曰。坐音材。臥反。

諱逆無道。今令

孝哀皇后退就桂宮。後月餘。復與孝成趙皇后俱廢爲庶人。就其園自殺。

孝元馮昭儀平帝祖母也。元帝卽位二年，以選入後宮。時父奉世爲執金吾，昭儀始爲長使，數月至美人。後五年，就館生男，拜爲婕妤。時父奉世爲右將軍光祿勳，奉世長男野王爲左馮翊，父子竝居朝廷。

議者以爲器能當其位，非用女寵故也。而馮婕妤內寵，與傅昭儀等建昭中，上幸虎圈鬪獸，後宮皆坐。

熊佚出圈，師古曰：佚，字與逸同。攀檻欲上殿，左右貴人傅昭儀等皆驚走。馮婕妤直前當熊而立，左右格殺熊。上聞

人情驚懼，何故前當熊？婕妤對曰：「猛獸得人而止，妾恐熊至御坐，故以身當之。」元帝嗟嘆，以此倍敬重。

焉。傅昭儀等皆慙。明年夏，馮婕妤男立爲信都王，尊婕妤爲昭儀。元帝崩，爲信都太后，與王俱居儲元

宮。師古曰：黃圖，在上林苑中。河平中，隨王之國，後徙中山，是爲孝王。後徵定陶王爲太子，封中山王舅參爲宜鄉侯，參

馮太后少弟也。是歲孝王薨，有一男，嗣爲王。時未滿歲，有眚病。孟康曰：災眚之眚，謂妖病也。服虔曰：身盡青也。蘇林曰：名爲肝厥，發時唇口手足十指甲皆青。師古

曰：下云禱祠解舍，孟說是也。未滿歲者，謂爲王未滿歲也。音所領反，字不作青。服虔誤也。補注先謙曰：官本注脫服虔七字，下虔作蘇南監本同。太后自養視，數禱祠解。師古曰：解音懈。補注何焯曰：解禱而解之也。顏音

非周壽昌曰案前注師古曰下云禱祠解舍是也據注
哀帝即位遣中郎謁者張由將豎治中山小王補注先謙曰
續志灌謁者耶

中比三百石此由素有狂易病師古曰狂易者狂病發怒去西歸長安尚書簿責擅去狀師古曰簿責以文由恐
中郎疑作郎中而變易常性也簿一一責問也

因誣言中山太后祝詛上及太后太后即傅昭儀也素常怨馮太后因是遣御史丁玄案驗盡收御者

官吏及馮氏昆弟在國者百餘人分繫洛陽魏郡鉅鹿數十日無所得更使中謁者令史立師古曰官為

立史名與丞相長史大鴻臚丞雜治立受傅太后指幾得封侯師古曰幾治馮太后女弟習及寡弟婦君之中謁者令姓

死者數十人巫劉吾服祝詛豎徐遂成言習君之曰武帝時豎修氏刺治武帝得二十萬耳師古曰刺今

愈上不得封侯不如殺上令中山王代可得封立等劾奏祝詛謀反大逆責問馮太后無服辭立曰熊

之上殿何其勇今何怯也太后還謂左右此乃中語前世事師古曰中語謂吏何用知之是欲陷我效也

師古曰效微驗也酒飲藥自殺先未死有司請誅之上不忍致法廢為庶人徙雲陽宮既死有司復奏太后死在

未廢前有詔以諸侯王太后儀葬之宜鄉侯參君之習夫及子當相坐者或自殺或伏法參女奔爲孝
王后有兩女有司奏免爲庶人與馮氏宗族徙歸故郡張由以先告賜爵關內侯史立遷中太僕哀帝
崩大司徒孔光奏由前誣告骨肉立陷人入大辟爲國家結怨於天下以取秩遷獲爵邑幸蒙赦令請

免爲庶人徙合浦云

〔補注〕何焯曰但罪由立不追復宜鄉爵邑及孝王后中山太后號以王氏自鳳
廢野王與馮氏亦有怨故也使宜鄉侯平帝時尙在必爲葬所深畏亦夷滅之矣

中山衛姬平帝母也父子豪中山盧奴人官至衛尉子豪女弟爲宣帝婕妤生楚孝王長女又爲元帝
婕妤生平陽公主成帝時中山孝王無子上以衛氏吉祥以子豪少女配孝王元延四年生平帝年二

歲

〔補注〕先謙曰官本
重平帝二字二作三

孝王薨代爲王哀帝崩無嗣太皇太后與新都侯莽迎中山王立爲帝莽欲顯國

權懲丁傅行事

師古曰懲創艾也〔補注〕何焯曰懲丁
傅者太后之意假以顯國權者莽之私

以帝爲成帝後母衛姬及外家不當得至京師迺更立

宗室桃鄉侯子成都爲中山王奉孝王後遣少傅左將軍甄豐賜衛姬璽綬卽拜爲中山孝王后以苦

涇縣爲湯沐邑。又賜帝舅衛寶、寶弟玄、爵關內侯。賜帝三妹、謁臣號修義君。哉皮爲承禮君。鬲子爲尊

德君。師古曰：鬲音歷。食邑各二千戶。莽長子宇，非莽，隔絕衛氏。恐久後受禍，即私與衛寶通書記，教衛后上書

謝恩。因陳丁傅舊惡，幾得至京師。師古曰：幾讀曰冀。莽白太皇太后，詔有司曰：中山孝王后，深分明爲人後之義，

條陳故定陶傅太后、丁姬、諄天逆理，上僭位號。師古曰：諄，諄也。徒定陶王於信都，爲其王立廟於京師。如天子

制，不畏天命，侮聖人言。師古曰：論語稱孔子曰：君子有三畏，畏天命，畏大人，畏聖人之言。小人不知天命而不畏也，狎大人，侮聖人之言。故此文引之也。侮，古侮字。補注：先謙曰：官本注，止有師古曰：侮古侮字，七字，南監本同。

壞亂法度，居非其制，稱非其號，是以皇天震怒，火燒其殿。六年之間，大命不遂，禍殃仍重。師古曰：遂，猶延也。重音直用反。

竟令孝哀帝受其餘災，大失天心。天命暴崩，又令其王祭祀絕廢。補注：何焯曰：謂徒定陶王景爲信都王也。精魂無所依歸。

朕惟孝王后，深說經義，明鏡聖法，懼古人之禍敗，近事之咎殃，畏天命，奉聖言，是迺久保一國，長獲天

祿，而令孝王永享無疆之祀，福祥之大者也。朕甚嘉之，夫褒義賞善，聖王之制，其以中山故安戶七千，

益中山后湯沐邑。加賜及中山王黃金各百斤。增傅相以下秩。衛后日夜啼泣。思見帝。而但益戶邑。字

復教令上書。求至京師。會事發覺。莽殺字。盡誅衛氏支屬。衛寶女為中山王后。免后徙合浦。師古曰。黜其

唯衛后在。師古曰。中山王莽篡國。廢為家人。後歲餘卒。葬孝王旁。孝王后也。

孝平王皇后。安漢公太傅大司馬莽女也。平帝即位。年九歲。補注。劉敞曰。衍年字。王鳴盛曰。案莽傳亦有此一句。又元后傳於孺子嬰亦曰年二歲。後漢本紀亦云。冲帝

年三歲。實帝年九歲。年若干歲。古人亦自有如此句法。未必果是衍字。王先慎曰。年上脫后字。平帝年已見紀矣。此處不必補敘。續列女傳正作后年九歲。成帝母太皇太后稱制。而莽秉政。莽欲依

霍光故事。以女配帝。太后意不欲也。莽設變詐。令女必入。因以自重。事在莽傳。太后不得已而許之。遣

長樂少府夏侯藩。宗正劉宏。少府宗伯鳳。尚書令平晏。納采。師古曰。官為少府。姓宗伯。名鳳也。納采者。禮記云。婚禮納采。問名。謂采擇其可者。太師光。

大司徒馬宮。大司空甄豐。左將軍孫建。執金吾尹賞。行太常教。太中大夫劉歆。及太卜太史令以下四

十九人。賜皮弁素績。師古曰。皮弁。以鹿皮為冠。形如人手之弁合也。素績。謂素裳也。朱衣而素裳。績字或作積。積謂襲積之者。今之襪為也。補注。沈欽韓曰。續志。執事者冠皮弁。緇麻衣。卓領袖下素裳。所謂皮弁素績。王先慎曰。續

列女傳
續作積

以禮雜卜筮。太宰祠宗廟。待吉月日。明年春。遣大司徒宮。大司空豐。左將軍建。右將軍甄邯。光

祿大夫歆。奉乘輿法駕。迎皇后於安漢公第宮。

師古曰。本自莽第。以皇后在是。因呼曰宮。補注。童教增曰。此當以第為句。宮字連下。豐歆讀即前文大司徒宮。大司空豐。光祿大夫歆三人。

也。顏說
失之。

豐歆授皇后繭紱。

師古曰。紱所繫。音菲。

登車稱警蹕。便時上林延壽門。

師古曰。取時日之便也。音頗面反。補注。姚第曰。漢上林有兩處。一在城內。一在城外。城外之

上林武帝時所起。所包廣遠。在南山之下。若城內上林。高帝時即有之。蕭何所請令民入田者也。蓋景武以後。不以為豫遊之所。而屬大農。以鑄錢藏幣。平準書楊可告緡錢。上林財物重是也。后自莽第入宮。皆在城內。無行至南山下上林之理。蓋在城內上林去宮甚近。故可便時耳。顏注便時不明。章懷注楊震傳。引此解云。待吉時而後入。其解似明。而實非。蓋平后之便時。未嘗非欲待吉時。而此但言取便。便時許時耳。此時非指吉時。知以此便時為吉時。以解楊震傳。尚亦可通。而以解魯丕傳為便時。不可通矣。入未

央宮前殿。羣臣就位行禮。大赦天下。益封父安漢公地滿百里。賜迎皇后及行禮者。自三公以下至驛

宰。執事長樂。未央宮。安漢公第者。皆增秩。賜金帛各有差。皇后立三月。以禮見高廟。尊父安漢公。號曰

宰衡。位在諸侯王上。賜公夫人號曰功顯君。

補注。先謙曰。夫上脫大字。

食邑。封公子安為襄新侯。臨為賞都侯。后立

歲餘。平帝崩。莽立孝宣帝玄孫嬰為孺子。莽攝帝位。尊皇后為皇太后。三年。莽即真。以嬰為定安公。改

皇太后號為定安公太后。太后時年十八矣。為人婉孌。有節操。師古曰。婉。順也。孌。靜也。音烏計反。自劉氏廢。常稱疾不朝。

會莽敬憚傷哀。欲嫁之。乃更號為黃皇室主。師古曰。莽自謂土德。故云黃皇室主者。若漢之稱公主。令立國將軍成新公孫建世子。橡

飾。將擊往問疾。師古曰。橡。盛飾也。音艾。又音象。一曰。橡。首飾也。在兩耳後。刻鏤而為之。補注。周壽昌曰。急就篇。櫛飾刻畫無等雙。類篇。未笄冠者之首飾也。此亦漢時語。后大怒。笞鞭其旁侍御。

因發病。不肯起。莽遂不復彊也。及漢兵誅莽。燔燒未央宮。后曰。何面目目見漢家。自投火中而死。

贊曰。易著吉凶。而言謙盈之效。天地鬼神。至于人道。靡不同之。師古曰。易謙卦曰。天道虧盈而益謙。地道變盈而流謙。鬼神害盈而福謙。人道惡盈而好謙。夫

女寵之興。繇至微而體至尊。師古曰。繇。與由同。窮富貴而不矜功。此固道家所畏。禍福之宗也。序自漢興。終于孝

平。外戚後庭。色寵著聞。二十有餘人。然其保位全家者。唯文景武帝太后及邛成后四人而已。至如史

良娣。王悼后。許恭哀后。身皆夭折不辜。而家依託舊恩。不敢縱恣。是目能全。其餘大者夷滅。小者放流。

烏喙。鑒茲行事。變亦備矣。

元后傳第六十八

漢書九十八

漢 蘭 臺 令 史班 固 撰

唐正議大夫行祕書少監琅邪縣開國子顏師古 注
賜進士出身前翰林院編修國子監祭酒加三級臣王先謙補注

孝元皇后王莽之姑也。

〔補注〕周壽昌曰：後書張衡傳：永平中，爲侍中，上疏以爲王莽本傳，但應載篡事而已。至於編年月紀，吳祥宜爲元后本紀，班氏立元后傳於諸后妃後，則當時未用其議也。蓋元后殂於莽建國五年，越十

一年，莽乃滅，若不於莽傳按年紀事，則十數年國統虛懸，事無所屬。此傳不先敘先世而特書曰王莽之姑，明莽之斷后實成之也。

莽自謂黃帝之後，其自本曰：師古曰：述其本系。〔補注〕周壽昌曰：自本莽自造之本系

也。黃帝姓姚氏，八世生虞舜，舜起媯汭，目媯爲姓。

師古曰：媯，水名也。水曲曰汭，言因水爲姓也。汭音而銳反。〔補注〕先謙曰：官本考證引蕭該音義曰：媯汭，字書曰媯舜姓也。該案舜居媯

水，因以爲姓。先謙案：水曲，官本南監本作曲水。

至周武王封舜後媯滿於陳，是爲胡公。十三世生完，完字敬仲，奔齊。師古曰：奔，古奔字。齊桓公

目爲卿，姓田氏。十一世田和有齊國，三世稱王。

〔經注〕宋祁曰：舊本三作二。

至王建爲秦所滅，項羽起，封建孫安爲濟

北王。

〔補注〕周壽昌曰：項籍傳：羽方渡河救趙，安下濟北數城，引兵降。羽立安爲濟北王。劉昭謂濟北前漢之舊國，亦據羽封安事言之。

至漢興，安失國，齊人謂之王家，因目爲氏。文

景閒安孫遂字伯紀處東平陵

師古曰濟南之地補注先謙曰官本地作縣是

生賀字翁孺為武帝繡衣御史逐捕魏郡羣盜堅

盧等黨與及吏畏懦逗遛當坐者

師古曰儒音乃喚反逗音住又音豆

翁孺皆縱不誅它部御史暴勝之等奏殺二千石誅

千石目下

師古曰二千石者奏而殺之其千石以下則得專誅

及通行飲食坐連及者大部至斬萬餘人語見酷吏傳翁孺目奉使不

稱免

師古曰不稱謂不副所委

嘆曰吾聞活千人有封子孫吾所活者萬餘人後世其興乎翁孺既免而與東平陵終

氏為怨

補注沈欽韓曰一統志東平陵故城在濟南府歷城縣東齊乘在濟南東七十五里周二十餘里鄭樵撰氏族略誤斷東平遂以陵終氏為複姓云見此傳其謬甚矣

迺徙魏郡元城粟里為三

老魏郡人德之元城建公曰

服虔曰元城人年老者也

昔春秋沙麓崩晉史卜之曰陰為陽雄土火相乘

李奇曰此龜經文也陰元后也

陽漢也王氏舜後土也漢火也故曰土火相乘陰盛而沙麓崩

故有沙麓崩後六百四十五年宜有聖女興其齊田乎

張晏曰陰數八八八六十四土數五故六百四十五歲也

春秋僖十四年沙麓崩歲在乙亥至哀帝崩元后始攝政歲在庚申沙麓崩後六百四十五歲補注先謙曰官本南監本哀帝下更有元壽二年哀帝六字

今王翁孺徙正直其地

師古曰直亦當補注宋祁曰注末當有也字

日月當之元城郭東有五鹿之虛即沙鹿地也

師古曰虛讀曰墟

後八十年當有貴女興天下云

補注先謙曰官本南監本此下提

行無王字案提行
非是王字蓋衍

王翁孺生禁字稚君少學法律長安為廷尉史本始三年生女政君即元后也禁有大

志不修廉隅好酒色多取傍妻凡有四女八男長女君俠次即元后政君次君力次君弟長男鳳孝卿

次曼元卿譚子元

〔補注〕宋祁曰譚字上當有次字先謙曰長男外以一次字統之不當更有次字

崇少子商子夏立子叔根稚卿逢時季卿唯鳳崇

與元后政君同母母適妻魏郡李氏女也

師古曰適讀曰嫡

後呂妒去更嫁為河內苟賓妻初李親任政君在

身師古曰任懷任

夢月入其懷及壯大婉順得婦人道嘗許嫁未行所許者死後東平王聘政君為姬未入王

薨

〔補注〕錢大昭曰東平王王充論衡作趙王偶會篇云王莽姑正君許嫁二夫二夫死當適趙而王薨氣未相加遙賊三家何其痛也又骨相篇云王莽姑正君許嫁至期當行時夫輒死如此者再乃獻之趙王趙王未娶又薨

禁獨怪之

使卜數者相政君

師古曰數計也若言今之祿命書也數音所具反

當大貴不可言禁心以為然迺教書學鼓琴五鳳中獻政君年

十八矣

〔補注〕沈欽韓曰論衡骨相篇清河南宮大有與正君父稗君善者遇相正君曰貴為天下母是時宣帝世元帝為太子稚君乃因魏郡都尉納之太子

入掖庭為家人子歲餘會皇太子

所愛幸司馬良娣病且死謂太子曰妾死非天命迺諸娣妾良人更祝詛殺我

師古曰更音工衡反

太子憐之且

目爲然。及司馬良娣死，太子悲恚發病，忽忽不樂。因目過怒諸娣妾，莫得進見者久之。

〔補注〕宋祁曰：「誠本無者字，先謙曰：」

過猶責也。

宣帝聞太子恨過諸娣妾，欲順適其意，迺令皇后擇後宮家人子，可目虞侍太子者。

師古曰：「此虞與娛同。」

政君

與在其中。

師古曰：「與讀曰彊。」

及太子朝，皇后迺見政君等五人，微令旁長御問知太子所欲。

〔補注〕沈欽韓曰：「漢舊儀：女御長如侍中。」

太

子殊無意於五人者，不得已於皇后。

師古曰：「恐不副皇意，故言不得已。」

彊應曰：「此中一人可。」

師古曰：「非其本心，故曰彊也。」

是時政君坐近太

子。

〔補注〕周壽昌曰：「時政君方爲後宮家人子，乃能於皇后太子前坐耶？坐疑立字誤。」

又獨衣絳緣諸子。

師古曰：「諸子大掖衣，即袿衣之類也。」

長御卽目爲。

〔補注〕錢大昭曰：「爲下脫是字，闕本不脫，先謙曰：官本南。」

監本有是字。

皇后使侍中杜輔掖庭令濁賢，交送政君太子宮。

師古曰：「濁，姓也。交送，謂侍中掖庭令雜爲使。」

見丙殿，得御幸有身，先是

者，太子後宮娣妾目十數，御幸久者七八年，莫有子。及王妃壹幸而有身，甘露三年，生成帝於甲館畫

堂。

〔補注〕先謙曰：「官本考證云：甲館成紀作甲觀，案館觀字同。」

爲世適皇孫。

師古曰：「適讀曰嫡。」

宣帝愛之，自名曰驚，字太孫，常置左右。後三年，宣帝

崩，太子卽位，是爲孝元帝，立太孫爲太子。目母王妃爲婕妤，封父禁爲陽平侯。後三日，婕妤立爲皇后。

禁位特進。禁弟弘至長樂衛尉。永光二年，禁薨，諡曰頃侯。長子鳳嗣侯。

〔補注〕沈欽韓曰：西京雜記：王鳳以五月五日生，其父欲不舉，曰：俗諺舉五日

子長及戶，則自害，不則害其父母。其叔父曰：昔田文以此日生，其父曰：勿舉。其母竊舉之，後為孟嘗君，號其母為薛公大家，以古事推之，非不詳也。遂舉之。

為衛尉侍中。皇后自有子後，希復進見。太

子壯大，寬博恭慎，語在成紀。其後幸酒，樂燕樂。

師古曰：幸酒，好酒也。樂宴樂，好燕私之樂也。解具在成紀。

元帝不目為能，而傅昭儀有寵

於上，生定陶共王。王多材藝，上甚愛之。坐則側席，行則同輦。

師古曰：側席，謂附近御坐。

常有意欲廢太子，而立共王。時

鳳在位，與皇后、太子同心憂懼，賴侍中史丹擁右太子。

師古曰：右讀曰佑助也。

語在丹傳。上亦目皇后素謹慎，而太

子先帝所常留意，故得不廢。元帝崩，太子立，是為孝成帝。尊皇后為皇太后。呂鳳為大司馬大將軍，領

尚書事，益封五千戶。王氏之興自鳳始。又封太后同母弟崇為安成侯，食邑萬戶。鳳庶弟譚等皆賜爵

關內侯，食邑其夏。黃霧四塞，終日。

師古曰：塞，滿也。言四方皆滿。

天子目問諫大夫楊興、博士駟勝等對，皆目為陰盛，侵

陽之氣也。高祖之約也，非功臣不侯。今太后諸弟皆目無功為侯，非高祖之約。外戚未曾有也，故天為

見異。

師古曰見顯示補注先謙曰官本南監本無此注

言事者多目為然。鳳於是懼。上書辭謝曰。陛下即位。思慕諒闇。

師古曰商書云高宗諒闇諒信

闇默也。言居父喪。信默三年不言也。補注先謙曰官本南監本諒信下有也字。

故詔臣鳳典領尚書事。上無目明聖德。下無目益政治。今有菲星。天

地赤黃之異。

師古曰菲與字同

咎在臣鳳。當伏顯戮。目謝天下。今諒闇已畢。大義皆舉。宜躬親萬機。目承天心。

因乞骸骨辭職。上報曰。朕承先帝聖緒。涉道未深。不明事情。是目陰陽錯繆。日月無光。赤黃之氣。充塞

天下。咎在朕躬。今大將軍迺引過自予。欲上尚書事。歸大將軍印綬。罷大司馬官。是明朕之不德也。朕

委將軍目事。誠欲庶幾有成。顯先祖之功德。將軍其專心固意。輔朕之不逮。毋有所疑。後五年。諸吏散

騎安成侯崇薨。諡曰共侯。有遺腹子奉世。嗣侯。太后甚哀之。明年。河平二年。上悉封舅。譚為平阿侯。商

成都侯。立紅陽侯。根。曲陽侯。逢時。高平侯。五人同日封。故世謂之五侯。太后同產。唯曼蚤卒。

張晏曰同父則為同產不

必同母也。上言唯鳳崇同母也。

餘畢侯矣。太后母李親。苟氏妻。生一男。名參。寡居。頃侯禁在時。太后令禁還李親。

師古曰召還王氏。

太后憐參，欲目田蚡爲比而封之。李奇曰：田蚡與孝景王后同母異父，得封故也。師古曰：比例也，音必寐反。上曰：封田氏，非正也。目參爲侍中，水衡

都尉。〔補注〕周壽昌曰：此太后母再嫁荀賓所生子也。參死，子復復爲侍中。陳湯傳所云參妻欲爲復求封，目金賂湯求爲奏者也。王氏子弟皆卿大夫，侍中諸曹分據，執官滿朝

廷。大將軍鳳用事，上遂謙讓無所顯。師古曰：顯與專同。凡事皆不自專也。左右常薦光祿大夫劉向、少子歆，通達有奇異材。

〔補注〕先謙曰：官本無奇字，引宋祁曰：舊本異字上有奇字，考異無，故削之。今越本亦無。上召見歆，誦讀詩賦，甚說之。師古曰：說，讀曰悅。欲目爲中常侍，召取衣冠，臨

當拜，左右皆曰：未曉大將軍。師古曰：曉猶白。上曰：此小事，何須關大將軍。左右叩頭爭之。上於是語鳳，鳳目爲

不可，迺止。其見憚如此。上卽位數年，無繼嗣，體常不平。師古曰：言多疾痰。定陶共王來朝，太后與上承先帝意，

遇共王甚厚，賞賜十倍於它王，不目往事爲繼介。師古曰：往事謂先帝時欲以代太子也。言無繼介之嫌怒。共王之來朝也，天子畱不遣

歸國。上謂共王：我未有子，人命不諱。師古曰：人命無常，不可諱。〔補注〕宋祁曰：注曰字下，當有言字，注未當有也字。一朝有它，且不復相見。師古曰：它，謂晏駕也。爾

長畱侍我矣。其後天子疾益有瘳，共王因畱國邸，旦夕侍上，上甚親重。大將軍鳳心不便，共王在京師，

會日蝕。鳳因言日蝕陰盛之象，為非常異。定陶王雖親於禮，當奉藩在國，今留侍京師，詭正非常。師古曰：詭，

違也。故天見戒。師古曰：見，顯示。補注：先謙曰：官本無注。宜遣王之國，上不得已於鳳而許之。師古曰：言迫於鳳，不得止。其王辭去，上與相對泣。

而決。補注：先謙曰：官本南監本泣上有涕字。京兆尹王章素剛直，敢言，以為鳳建遣其王之國，非是。師古曰：建立其議也。迺奏封事，言日

蝕之咎矣。天子召見章，延問日事。章對曰：天道聰明，佐善而災惡。補注：先謙曰：官本南監本佐並作佑。日瑞異為符效，今

陛下日未有繼嗣，引近定陶王。師古曰：近音巨，斬反。所日承宗廟，重社稷，上順天心，下安百姓，此正義善事，當有祥

瑞。何故致災異？災異之發，為大臣顓政者也。今聞大將軍猥歸日蝕之咎於定陶王。師古曰：猥猶曲也。建遣之

國，苟欲使天子孤立於上，顓擅朝事，日使其私，非忠臣也。且日蝕陰侵陽，臣顓君之咎。今政事大小，皆

自鳳出，天子曾不一舉手。補注：先謙曰：官本南監本一作壹。鳳不內省責。補注：宋祁曰：省字上當有自字。反歸咎善人，推遠定陶王。師古曰：遠音于萬反。

且鳳諛罔不忠，非一事也。前丞相樂昌侯商。師古曰：王商也。本日先帝外屬，內行篤，有威重，位歷將相，國家柱

石臣也。其人守正，不肯詘節，隨風委曲，卒用閨門之事，爲鳳所能。

(補注)先謙曰：事詳商傳。

身目憂死，衆庶愍之，又

鳳知其小婦弟張美人，已嘗適人。

師古曰：小婦，妾也。弟謂女弟，即妹也。

於禮不宜配御至尊，託目爲宜子，內之後宮，苟目私

其妻弟，聞張美人未嘗任身就館也。

師古曰：是則不爲宜子。明鳳所言非實。

且羌胡尚殺首子，目盪腸正世。

師古曰：盪，洗滌也。言婦初來所生之子，或它姓。

(補注)宋祁曰：腸當作腹。沈欽韓曰：列子湯問篇：越之東有輒休之國，其長子生則鮮而食之，謂之宜弟。(墨翟節葬作較沐之國。)

況於天子而近已出之女也。此三者皆大事，陛下

所自見，足目知其餘及它所不見者。

師古曰：以所見者譬之，則不見者可知。

鳳不可令久典事，宜退使就第，選忠賢以代之。

自鳳之白罷商，後遣定陶王也。上不能平，及聞章言，天子感寤，納之。謂章曰：微京兆尹直言，吾不聞社

稷計。

師古曰：微無也。

且唯賢知賢，君試爲朕求可目自輔者。於是章奏封事，薦中山孝王舅琅邪太守馮野王。

先帝時，歷二卿，忠信質直，知謀有餘。野王目王舅出，目賢復入，明聖主樂進賢也。上自爲太子時，數聞

野王，先帝名卿，聲譽出鳳遠甚。方倚欲目代鳳，初，章每召見，上輒辟左右。

師古曰：辟，讀曰闕。

時太后從弟長樂

衛尉弘子侍中音

師古曰弘者太后之叔父也音則從兄弟

獨側聽具知章言目語鳳鳳聞之稱病出就第上疏乞骸骨謝上

曰臣材駑愚戇得目外屬兄弟七人封為列侯宗族蒙恩賞賜無量輔政出入七年

〔補注〕周壽昌曰杜欽傳欽說鳳曰將軍深悼

輔政十年變異不已鳳自竟寧元年輔政至陽朔初巳十年此當陽朔元年奏則七字誤也

國家委任臣鳳所言輒聽薦士常用無一功善陰陽不調災異數

見咎在臣鳳奉職無狀此臣一當退也五經傳記師所誦說咸目日蝕之咎在於大臣非其人易曰折

其右肱師古曰豐卦九三爻辭也肱臂也

此臣二當退也河平目來臣久病連年數出在外曠職素餐此臣三當退也

師古

曰空廢職任徒受祿秩也

陛下目皇太后故不忍誅廢臣猶自知當遠流放又重自念

師古曰重音直用反

兄弟宗族所蒙不測

當殺身靡骨死輦轂下

師古曰靡碎也音武皮反

不當目無益之故有離寢門之心誠歲餘目來所苦加侵

師古曰誠實也

日

日益甚

〔補注〕先謙曰官本下日作月引宋祁曰越本月作日先謙案南監本作日月

不勝大願願乞骸骨歸自治養冀賴陛下神靈未埋髮齒期月

之間幸得瘳愈復望帷幄不然必寘溝壑

〔補注〕先謙曰寘當作寘各本並誤

臣目非材見私天下知臣受恩深也目病得

全骸骨歸。天下知臣被恩見哀，重巍巍也。

師古曰：巍巍，高貌。重音直用反。

進退於國為厚，萬無纖介之議。

師古曰：論者不云疏斥外戚也。

唯

陛下哀憐，其辭指甚哀。太后聞之，為垂涕不御食。上少而親倚鳳，弗忍廢。迺報鳳曰：「朕秉事不明，政事

多闕，故天變屢臻，咸在朕躬。」

〔補注〕先謙曰：官本，屢作婁。此下有師古曰：婁，古屢字，七字。

將軍乃深引過自子，欲乞骸骨而退，則朕將何

嚮焉？書不云乎：公毋困我。」

師古曰：周書洛誥載成王告周公辭也。言公必須留京，師毋得遠去而令我困。

務專精神，安心自持，期於亟瘳，稱朕意焉。」

師古

曰亟，急。瘳，差也。

於是鳳起視事，上使尚書劾奏章，知野王前。目王舅出補吏，而私薦之，欲令在朝。阿附諸侯，又

知張美人體御至尊，而妄稱引羌胡殺子，蕩腸非所宜言。遂下章吏，廷尉致其大逆罪。目為比上夷狄，

欲絕繼嗣之端。背畔天子，私為定陶王，章死獄中。妻子徙合浦，自是公卿見鳳，側目而視。郡國守相刺

史皆出其門。

師古曰：言為其家察屬者皆得大官。

又目侍中太僕音為御史大夫，列于三公，而五侯羣弟爭為奢侈，賂遺珍

寶，四面而至。後庭姬妾各數十人，僮奴目千百數，羅鍾磬，舞鄭女，作倡優，狗馬馳逐，大治第室，起土山

漸臺

〔補注〕沈欽韓曰列女貞順傳燕昭王出遊曹夫人漸臺之上辯通傳齊宣王置酒漸臺則臨水之臺皆名漸臺不專起於漢黃圖云一說漸臺星名法星以爲臺

洞門高廊閣道連屬彌望

師古曰彌竟也

言望之極目也屬音之欲反

百姓歌之曰五侯初起曲陽最怒

〔補注〕宋祁曰怒音暖五反上聲

壞決高都連竟外杜

服虔曰壞決高都水入長安高都水在長安西也孟

康曰杜鄆二縣之閒田畝一金言其境自長安至杜陵也李奇曰長安有高都水杜里既壞決高都作殿復衍及外杜里師古曰成都侯商自擅穿帝城引水耳曲陽無此事又雖大作第宅不得從長安至杜陵也按李說爲近是〔補注〕沈欽韓曰渭水注涼水上承皇

子陂于樊川西北流逕杜縣之杜京西又北逕下杜城卽杜伯國又北逕長安城西與昆明池水合又北流注渭亦謂是水爲滹水亦曰高都水前漢之末王氏五侯大治池宇引水入長安城故百姓歌之云云案寰宇記長安志並云下杜城在長安縣南一十五里

民間侈言五家第宅相連亦不爲過又黃圖長安城南出東頭第一門曰覆盎門一號杜門其南有下杜城漢書集注云〔水經注爲應劭語〕故杜陵之下聚落也故曰下杜門所云外杜當在於是顏注不明外杜水經注作五杜先謙曰官本注按李說爲近是無按

字是字南監本與此同

土山漸臺西白虎

師古曰皆放效天子之制也〔補注〕宋祁曰浙本西字下有象字王念孫曰西字下下當作上案浙本是也顏注放效二字正釋象字且此歌以四字爲句脫去象字則文義不明而句法亦

不協矣下文曰園中土山漸臺似類白虎殿似類亦象也渭水注文選西征賦注御覽人事部一百六引此皆作象西白虎漢紀同

奢僭如此

〔補注〕先謙曰官本作其奢僭如此南監本作其奢僭如此

然皆通敏人事

好士養賢傾財施子目相高尚鳳輔政凡十一歲陽朔三年秋鳳病天子數自臨問親執其手涕泣曰

將軍病如有不可言平阿侯譚次將軍矣

師古曰不可言謂死也不欲斥言之

鳳頓首泣曰譚等雖與臣至親行皆奢僭無

目率導百姓。不如御史大夫音謹敕。師古曰。敕整也。臣敢目死保之。及鳳且死。上疏謝上。復因薦音自代。譚等

五人必不可用。〔補注〕先謙曰。官本譚上有言字。天子然之初。譚倨不肯事鳳。師古曰。倨慢也。音據。而音敬鳳。卑恭如子。故薦之。鳳薨。

天子臨弔。贈寵送目輕車介士。軍陳自長安至涇陵。諡曰敬成侯。子襄嗣侯。為衛尉。御史大夫音竟代。

鳳為大司馬車騎將軍。而平阿侯譚位特進。領城門兵。〔補注〕先謙曰。官本兵作外。谷永說譚令讓不受城門職。由是

與音不平。語在永傳。音既目從舅。越親用事。小心親職。歲餘。上下詔曰。車騎將軍音宿衛忠正。勤勞國

家。前為御史大夫。目外親宜典兵馬。入為將軍。不獲宰相之封。朕甚慊焉。其封音為安陽侯。食邑與五

侯等俱三千戶。初成都侯商嘗病。欲避暑。從上借明光宮。師古曰。黃圖云。明光宮在城內。近桂宮也。〔補注〕沈欽韓曰。黃圖明光宮武帝太初四年秋起。在長樂宮後南

與長樂宮相連屬。〔西都賦〕北彌明光。而亘長樂。西京賦。屬長樂。與明光。徑北通乎桂宮。〔此當是商所借。甘泉宮亦有明光宮。〕後又穿長安城。引內灃水。注第中大陂。目行船。立

羽蓋。張周帷。輯濯越歌。師古曰。輯與楫同。濯與權同。皆所以行船也。令執楫權人為越歌也。輯為權之短者也。今吳越之人呼為棹。音饒。越歌為越之歌。〔補注〕沈欽韓曰。說苑善說篇。鄂君子皙乘青翰之舟。越人擁楫而歌。先謙

曰官本南監本。上幸商第見穿城引水意恨內銜之未言後微行出過曲陽侯第又見園中土山漸臺似

類白虎殿師古曰黃圖云在未央宮於是上怒呂讓車騎將軍音補注先謙曰專讓音者以音柄政為諸舅總領商根兄弟欲自黥劓謝太后上

聞之大怒迺使尚書責問司隸校尉京兆尹知成都侯商擅穿帝城決引澧水曲陽侯根驕奢僭上赤

墀青瑣孟康曰以青畫戶邊鑊中天子制也如瀆曰門楣格再重如人衣領再重裏者青名曰青瑣天子門制也師古曰孟說是青瑣者刻為連環文而青塗之也補注沈欽韓曰御覽百三十五引漢官儀曰天子朱泥殿上曰丹墀先謙曰官本連環作

連環而下紅陽侯立父子臧匿姦猾亡命賓客為羣盜司隸京兆皆阿縱不舉奏正法二人頓首省戶

下補注先謙曰顧炎武云省戶即禁門也蔡邕獨斷曰禁中者門戶有禁非待御者不得入故曰禁中孝元皇后父陽平侯名禁當時避之故曰省中先謙案上責問者商立根三人下又云商立根皆負斧質謝此不當止有二人明二當為三之誤又

賜車騎將軍音策書曰外家何甘樂禍敗師古曰言此罪過並身自為之而欲自黥劓相戮辱於太后前傷慈母之心日

危亂國外家宗族彊上一身寢弱日久師古曰覆漸也今將一施之師古曰行刑罰君其召諸侯令待府舍師古曰令總集音之府舍待詔

命是日詔尚書奏文帝時誅將軍薄昭故事補注周壽昌曰事詳文紀注昭文帝母舅也奏事猶今決大獄定讞必檢成案車騎將軍音藉橐請罪

師古曰自坐纍上言就刑戮也。〔補注〕
先謙曰官本南監本藉作籍通用字

商立根皆負斧質謝上不忍誅然後得已久之平阿侯譚薨諡曰安侯

子仁嗣侯太后憐弟曼蚤死獨不封曼寡婦渠供養東宮子莽幼孤不及等比

師古曰比音必寐反〔補注〕宋祁曰婦舊本作姊

目爲語平阿侯譚成都侯商及在位多稱莽者久之上復下詔追封曼爲新都哀侯而子莽嗣爵爲新都侯後又封太后姊子滔于長爲定陵侯王氏親屬侯者凡十人上悔廢平阿侯譚不輔政而薨也迺復進成都侯商呂特進領城門兵置幕府得舉吏如將軍杜鄴說車騎將軍音令親附商語在鄴傳王氏爵位日盛唯音爲修整數諫正有忠節輔政八年薨弔贈如大將軍諡曰敬侯子舜嗣侯爲太僕侍中特進成都侯商代音爲大司馬衛將軍而紅陽侯立位特進領城門兵商輔政四歲病乞骸骨天子憫之更目爲大將軍益封二千戶賜錢百萬商薨弔贈如大將軍故事諡曰景成侯子況嗣侯紅陽侯立次當輔政有罪過語在孫寶傳上迺廢立而用光祿勳曲陽侯根爲大司馬票騎將軍歲餘益封千

七百戶。高平侯逢時無材能名稱。是歲薨。諡曰戴侯。子買之嗣侯。綏和元年。上卽位二十餘年。無繼嗣。而定陶共王已薨。子嗣立爲王。王祖母定陶傅太后重賂遺票騎將軍根。爲王求漢嗣。根爲言。上亦欲立之。遂徵定陶王爲太子。時根輔政五歲矣。乞骸骨。上迺益封根五千戶。賜安車駟馬。黃金五百斤。罷就第。先是。定陵侯淳于長。目外屬能謀議。爲衛尉侍中。在輔政之次。是歲。新都侯莽告長伏罪。與紅陽侯立相連。師古曰。伏罪。謂舊罪陰伏未發者也。長下獄死。立就國。語在長傳。故曲陽侯根薦莽。目自代。上亦目爲莽有忠直

節。

〔補注〕先謙曰。官本南監本奪直字。

遂擢莽。從侍中騎都尉光祿大夫爲大司馬。歲餘。成帝崩。哀帝卽位。太后詔莽就第。

避帝外家。哀帝初優莽。不聽。莽上書。固乞骸骨而退。上迺下詔曰。曲陽侯根前在位。建社稷策。侍中太

僕安陽侯舜。往時護太子家。導朕。忠誠專壹。有舊恩。新都侯莽。憂勞國家。執義堅固。庶幾與爲治。太皇

太后詔休就第。

〔補注〕宋祁曰。越本無太皇字。

朕甚閔焉。其益封根二千戶。舜五百戶。莽三百五十戶。目莽爲特進。朝朔

望又還紅陽侯立京師哀帝少而聞知王氏驕盛心不能善目初立故優之後月餘司隸校尉解光奏

(補注)錢大昭曰校尉二字衍曲陽侯根宗重身尊三世據權五將秉政天下幅湊自效師古曰效獻也獻其款誠(補注)根行

貪邪臧累鉅萬縱橫恣意師古曰橫音胡孟反大治第宅(補注)先謙曰官本南監本第宅作室第第中起土山立兩市殿上赤墀戶青瑣

(補注)王念孫曰戶下原有下字起土山立兩市殿上赤墀戶下青瑣皆相對爲文今本脫下字則句法參差矣藝文類聚產業部御覽資產部七引此皆有下字遊觀射獵使奴從者被甲持弓弩陳爲

步兵止宿離宮水衡其張師古曰共音居用反張音竹亮反發民治道百姓苦其役內懷姦邪欲筦朝政師古曰筦與管同推親近

吏主簿張業目爲尙書蔽上壅下內塞王路外交藩臣驕奢僭上壞亂制度案根骨肉至親社稷大臣

師古曰至親謂於成帝爲舅先帝棄天下根不悲哀思慕山陵未成公聘取故掖庭女樂五官殷嚴王飛君等如淳曰五官官名也

外戚傳曰五官視三百石(補注)周壽昌曰公聘取言公然聘取爲妻無顧忌也置酒歌舞捐忘先帝厚恩背臣子義及根兄子成都侯況幸得目外

親繼父爲列侯侍中不思報厚恩亦聘取故掖庭貴人目爲妻皆無人臣禮大不敬不道於是天子曰

先帝遇根況父子至厚也。今迺背忘恩義。目根嘗建社稷之策。

師古曰。謂立哀帝為嗣也。

遣就國。免況為庶人。歸故

郡。根及況父商所薦舉為官者皆罷。後二歲。傅太后。帝母丁姬。皆稱尊號。有司奏新都侯莽前為大司

馬。貶抑尊號之議。虧損孝道。及平阿侯仁。臧匿趙昭儀親屬。皆就國。天下多冤王氏。諫大夫楊宣上封

事。言孝成皇帝深惟宗廟之重。稱述陛下至德。目承天序。聖策深遠。恩德至厚。惟念先帝之意。豈不欲

目陛下自代奉承東宮哉。

師古曰。言供養太后。

太皇太后春秋七十。數更憂傷。

師古曰。更。經也。音工衛反。

敕令親屬引領目避丁

傅。師古曰。引領。自引首領而退也。

行道之人。為之隕涕。況於陛下時。登高遠望。獨不慙於延陵乎。哀帝深感其言。復封

商中子邑為成都侯。元壽元年。日蝕。賢良對策。多訟新都侯莽者。上於是徵莽及平阿侯仁還京師。侍

太后。曲陽侯根薨。國除。明年哀帝崩。無子。太皇太后目莽為大司馬。與共徵立中山王。奉哀帝後。是為

平帝。帝年九歲。

補注。先謙曰。官本無年字。

常年被疾。太后臨朝。委政於莽。莽顯威福。紅陽侯立。莽諸父。平阿侯仁。素

剛直。莽內憚之。令大臣目罪過。奏遣立仁就國。莽日誑燿太后。言輔政致太平。羣臣奏請尊莽爲安漢。

公。後遂遣使者迫守立仁。令自殺。賜立謚曰荒侯。子柱嗣。仁謚曰刺侯。子術嗣。是歲元始三年也。明年。

莽風羣臣。奏立莽女爲皇后。師古曰。風讀曰諷。又奏尊莽爲宰衡。莽母及兩子皆封爲列侯。語在莽傳。莽既外。

壹羣臣。令稱己功德。又內媚事旁側長御目下。賂遺目千萬數。白尊太后姊妹君俠爲廣恩君。君力爲。

廣惠君。君弟爲廣施君。皆食湯沐邑。日夜共譽莽。莽又知太后婦人厭居深宮中。莽欲虞樂。目市其權。

張晏曰。以遊觀之樂易其權。若市買。師古曰。此虞與娛同。補注。先謙曰。官本注無此字。南監本有。迺令太后四時車駕巡狩四郊。師古曰。邑外謂之郊。近二十里也。補注。宋祁曰。近字下當有郊字。劉奉世

曰。言郊不必二十里也。鄂槐里焉得云近。存見孤寡貞婦。春幸蘭館。師古曰。漢宮閣疏云。上林苑有蘭觀。蓋蠶繭之所也。率皇后列侯夫人桑。遵霸水而祓除。

師古曰。桑。採桑也。遵。循也。謂綠水邊。補注。先謙曰。續志。三月。皇后帥公卿諸侯夫人蠶。祠先蠶禮。用少牢。是月上巳。官民皆繫於東流水上。日洗濯祓除。去宿垢疢。爲大絜。此祓禊之禮。亦緣西漢也。夏遊籓宿鄂杜之間。師古曰。籓。宿苑也。在長安城南。今之御宿川是也。補注。宋祁曰。籓。一本作御。

秋歷東館。望昆明。集黃山宮。冬饗飲飛羽。師古曰。黃山宮在槐里。飛羽殿在未央宮中。羽字或作雨。補注。沈欽韓曰。黃圖豫

中觀武帝造在昆明池中亦曰昆明觀即東館也館觀字通黃圖未央宮有東明飛雨（寰宇記引黃圖同玉海作飛羽蓋據此書改）案西都賦後宮則有鸞鸞飛翔之列西京賦後宮則昭陽飛翔疑翔字損又詭羽為雨先謙曰槐里縣有黃山宮見地理志

校獵上蘭師古曰上蘭觀名也在上林中登長平館師古曰在長平坂也（補注）先謙曰長平觀見宣紀注臨涇水而覽焉太后所至屬縣輒施恩惠賜

民錢帛牛酒歲目為常太后從容言曰師古曰從音千容反我始入太子家時見於丙殿至今五六十歲尚頗識

之師古曰識記也音式志反莽因曰太子宮幸近可壹往遊觀不足目為勞於是太后幸太子宮甚說師古曰說讀曰悅太后

旁弄兒病在外舍服虔曰官婢侍史生兒取以作弄兒也（補注）先謙曰官本注官作言莽自親候之其欲得太后意如此平帝崩無子莽徵宣

帝玄孫選最少者廣戚侯子劉嬰年二歲託目卜相為最吉迺風公卿奏請立嬰為孺子師古曰風讀曰諷令

宰衡安漢公莽踐祚居攝（補注）先謙曰官本祚作昨如周公傅成王故事太后不目為可力不能禁於是莽遂為攝

皇帝改元稱制焉俄而宗室安衆侯劉崇及東郡太守翟義等惡之更舉兵欲誅莽師古曰更音工衡反太后聞

之曰人心不相遠也師古曰言所見者同我雖婦人亦知莽必自是自危不可其後莽遂目符命自立為真皇帝先

奉諸符瑞。目白太后。太后大驚。初，漢高祖入咸陽。〔補注〕王念孫曰：高祖上不當有漢字。此涉下文漢傳國璽。而行北堂書鈔儀飾部二。御覽儀飾部三。引此皆無漢字。至霸

上。秦王子嬰降於軹道。奉上始皇璽。及高祖誅項籍。即天子位。因御服其璽。世世傳受。號曰漢傳國璽。

目孺子未立。〔補注〕宋祁曰：別本作未即立。或作未即位。璽臧長樂宮。及莽即位。請璽。太后不肯授莽。莽使安陽侯舜諭指。舜素

謹敕。太后雅愛信之。舜既見太后。知其為莽求璽。怒罵之曰。而屬父子宗族。蒙漢家力。富貴累世。師古曰：曰而。

汝也。既無目報。受人孤寄。乘便利時。奪取其國。師古曰：孤寄。言以孤寄託之。不復顧恩義。人如此者。狗豬不食其餘。師古曰：言惡賤。

天下豈有而兄弟邪。且若自目金匱符命。為新皇帝。師古曰：若亦汝。變更正朔服制。亦當自更作璽。傳之萬世。

何用此亡國不祥璽。為而欲求之。我漢家老寡婦。且暮且死。欲與此璽俱葬。終不可得。太后因涕泣而

言。旁側長御目下。皆垂涕。舜亦悲不能自止。良久。迺仰謂太后。臣等已無可言者。師古曰：言不可諫止。莽必欲得

傳國璽。太后寧能終不與邪。太后聞舜語切。恐莽欲脅之。迺出漢傳國璽。投之地。〔補注〕沈欽韓曰：玉璽記。元后出璽投地。璽上螭一

角缺。後書曹皇后紀。魏受禪。遣使求履。後怒不與。如此數輩。后乃呼使。目授舜曰。我老已死。知而兄弟今族滅也。(補注)

者入。親數讓之。以履抵軒下。因涕泣橫流曰。天不許爾。與元后事亦相類。
宋祁曰。知而。越本。知作如。考異更作如。
先謙曰。官本。族滅作滅族。今猶即也。
舜既得傳國。璽奏之。莽大說。師古曰。說讀曰悅。 迺為太后置酒未央宮漸臺。大縱

衆樂。莽又欲改太后漢家舊號。易其璽綬。恐不見聽。而莽疏屬王諫欲詔莽。上書言。皇天廢去漢。而命

立新室。太皇太后不宜稱尊號。當隨漢廢。目奉天命。莽迺車駕至東宮。親目其書。白太后。太后曰。此言

是也。師古曰。恚懟之辭也。 莽因曰。此諄德之臣也。師古曰。諄。兼也。音布內反。 罪當誅。於是冠軍張永獻符命銅璧文。(補注)先謙曰。言冠軍南陽縣。

太皇太后當為新室文母太皇太后。服虔曰。銅璧如璧形。以銅為之也。(補注)劉奉世曰。當云新室文母皇太后。 莽迺下詔曰。予視羣公。咸曰休哉。

師古曰。視讀曰示。休美也。 其文字非刻非畫。厥性自然。予伏念皇天命予為子。更命太皇太后為新室文母太皇太后。

協于新室。(補注)宋祁曰。照寧監本作協於新。迺化本作新室。何焯曰。案此黃氏麻沙本所載。然宋景文公卒於仁宗時。遺奏請擇宗室為七聖之主。安得見照寧監本耶。但室字疑衍。姑存此說。以見宋本固有與予意同者矣。 故交代

之際。信於漢氏哀帝之代。世傳行詔。籌為西王母共具之祥。師古曰。共音居用反。 當為歷代為母。昭然著明。予祇畏

天命敢不欽承。謹目令月吉日親率羣公諸侯卿士奉上皇太后璽紱。

師古曰比紱謂璽之組也。補注先謙曰比字誤官本南監本作此並在四海

焉下。目當順天心光于四海焉。太后聽許。莽於是鳩殺王諫而封張永為貢符子。初莽為安漢公時又詔

太后奏尊元帝廟為高宗。太后晏駕後當目禮配食云。及莽改太后為新室文母絕之於漢不令得體

元帝墮壞孝元廟。目為文母。太后起廟獨置孝元廟故殿。目為文母。篡食堂。

孟康曰篡音撰。晉灼曰篡具也。

成名曰長壽宮。目太后在故未謂之廟。莽目太后好出遊觀。迺車駕置酒長壽宮。請太后既至見孝元

廟廢徹塗地。太后驚泣曰。此漢家宗廟皆有神靈與何治而壞之。

師古曰輿音曰預言此何罪於汝無所過預何為毀壞之。補注先謙曰官本南監本音下無

曰字過作干。

且使鬼神無知又何用廟為。如令有知我迺人之妃妾豈宜辱帝之堂。目陳饋食哉。私謂左右

曰此人嫚神多矣能久得祐乎。飲酒不樂而罷。自莽篡位後知太后怨恨求所目媚太后無不為。然愈

不說。師古曰說音曰悅。莽更漢家黑貂著黃貂。

孟康曰侍中所著貂也。莽更漢制也。師古曰更亦改。

又改漢正朔伏臘日。太后令其官屬黑貂至

漢家正臘日

〔補注〕沈欽韓曰：通典高堂隆議：王者各以其行之盛而祖，以其終而臘。火始於寅，盛於午，終於戌，故火行之君，以午祖。以戌臘。宋祝穆事文類聚：國朝用漢臘，蓋冬至後第三戌大暮日也。是為臘。古法遇閏歲，即以第四戌為臘。不

可在十一月也。後書陳寵傳：其祖成於王莽時，猶用漢家祖臘曰：我先人豈知王氏臘乎。

獨與其左右相對飲酒食

〔補注〕王念孫曰：御覽服章部五引此，食下有肉字，於義為長。

太后年八十四

建國五年二月癸丑崩，三月乙酉合葬渭陵。莽詔大夫揚雄作誄曰：太陰之精，沙麓之靈，作合於漢，配

元生成

〔補注〕王先慎曰：揚雄文，見類聚十五古文苑二十。

著其協於元城沙麓，泰陰精者

〔補注〕先謙曰：官本南監本，泰作太。

謂夢月也。太后崩後十年

漢兵誅莽，初紅陽侯立就國南陽，與諸劉結恩，立少子丹為中山太守

〔補注〕何焯曰：後書王丹，別是一人。周壽昌曰：中山自元帝永元二年復為國

平帝時，太皇太后立桃鄉侯為中山王，奉孝王後，立之封紅陽。在成帝河平二年，平帝元始四年，子桂嗣侯。時中山國未廢，不能有太守。此或是王莽時，然莽已易中山曰常山，易太守為卒正，連率大尹之名，亦不得稱中山太守矣。

世祖初起，丹

降為將軍，戰死，上閔之，封丹子泓為武桓侯，至今

師古曰：泓音於宏反。〔補注〕周壽昌曰：表云：建武元年，泓以父丹為將軍戰死，往與上有舊侯與傳同，而後書未載丹事。

司徒掾班彪曰：三代目來

〔補注〕宋祁曰：三代字上當有自字。

春秋所記王公國君與其失世，稀不目女寵。漢興，后妃之家

呂霍、上官，幾危國者數矣

師古曰：幾音巨依反，數音所角反。

及王莽之興，由孝元后，歷漢四世，為天下母，饗國六十餘載

羣弟世權。更持國柄。

師古曰。更。工衡反。補注。先謙曰。官本注。工上有音字。

五將十侯。卒成新都。位號已移於天下。而元后卷卷。猶握

一璽。

師古曰。卷。音其圓反。解在劉向傳。

不欲目授莽。婦人之仁。悲夫。

王莽傳第六十九上

漢書九十九

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

王莽字巨君。孝元皇后之弟子也。元后父及兄弟皆曰元成世封侯。居位輔政。家凡九侯。五大司馬。語

在元后傳。

師古曰。外戚傳言十侯。此云九侯。以鳳本嗣禁爲侯。補注。齊召南曰。案外戚及元后傳言十侯。自元后親屬計之。并數定陵侯。適于長也。此專言王氏。故云九侯。周壽昌曰。外戚傳云。家凡十侯。此云九侯。益知適于長之不能與也。先謙

曰。官本南監本注。九侯作九者。

唯莽父曼蚤死。不侯。

師古曰。蚤古早字。

莽羣兄弟皆將軍。五侯子乘時侈靡。

師古曰。乘。因也。因貴戚之時。補注。先謙曰。官本注戚作

是。盛。目與馬聲色佚游相高。

師古曰。佚字與逸同。

莽獨孤貧。因折節爲恭儉。受禮經。師事沛郡陳參。勤身博學。被服

如儒生。

師古曰。被音皮義反。

事母及寡嫂。養孤兄子。行甚敕備。

師古曰。敕。整也。

又外交英俊。內事諸父。曲有禮意。陽朔中。世

父大將軍鳳病。

師古曰。謂伯父也。以居長嫡而繼統也。

莽侍疾。親嘗藥。亂首垢面。不解衣帶連月。鳳且死。呂託太后及帝。拜

爲黃門郎遷射聲校尉久之叔父成都侯商上書願分戶邑呂封莽及長樂少府戴崇侍中金涉胡騎

校尉箕閔上谷都尉陽竝中郎陳湯皆當世名士咸爲莽言上由是賢莽永始元年封莽爲新都侯國

南陽新野之都鄉千五百戶遷騎都尉光祿大夫侍中宿衛謹敕爵位益尊節操愈謙散輿馬衣裘振

施賓客師古曰振舉也家無所餘收贍名士交結將相卿大夫甚衆故在位更推薦之師古曰更音工衛反游者爲之談說

虛譽隆洽傾其諸父矣敢爲激發之行處之不慙師古曰激急動也慙愧也激音工歷反慙音女六反莽兄永爲諸曹蚤死有子光

莽使學博士門下莽休沐出振車騎師古曰振整也一曰振張起也奉羊酒勞遺其師恩施下竟同學師古曰竟周徧也諸生縱

觀長老嘆息光年小於莽子宇莽使同日内婦賓客滿堂須臾一人言太夫人苦某痛當飲某藥比客

罷者數起焉師古曰比音必寐反數音所角反爲私買侍婢(補注)先謙曰官本南監本爲作嘗是昆弟或頗聞知莽因曰後將軍朱子元無子

師古曰謂朱博莽聞此兒種宜子師古曰此兒謂所買婢也爲買之即日呂婢奉子元其匿情求名如此是時太后姊子淳于

長。目材能爲九卿。先進在莽右。

師古曰。名位居其右在前也。

莽陰求其罪過。

(補注)先謙曰。官本陰作因。

因大司馬曲陽侯根白之。長

伏誅。莽目獲忠直。語在長傳。根因乞骸骨。薦莽自代。上遂擢爲大司馬。是歲綏和元年也。年三十八矣。

莽既拔出同列。繼四父而輔政。

師古曰。鳳。商音。根四人。皆爲大司馬。而莽之諸父也。

欲令名譽過前人。遂克己不倦。聘諸賢良。

(補注)宋祁曰。聘諸

當作聘請。目爲掾史。賞賜邑錢。

(補注)先謙曰。邑錢。謂國邑賦入。

悉目享士。愈爲儉約。母病。公卿列侯遣大夫問疾。莽妻迎之。衣

不曳地。布蔽膝。

(補注)沈欽韓曰。方言。蔽膝。江淮之間謂之緯。或謂之蔽。魏宋南楚之間。謂之大巾。自關東西。謂之蔽膝。齊魯之郊。謂之裙。釋器。衣蔽前謂之禮。(注。今蔽膝)陳祥道禮書。劉熙曰。韠以蔽前。婦人蔽膝亦如之。唐志。婦人蔽膝。

皆如其夫。案隋志。乘輿及公卿冕服者。韠隨裳色。玄衣纁裳則爵韠。若通天冠。遠遊冠。絳紗袍。朝服。絳紗單衣者。並絳紗蔽膝。皇后六服。俱絳紗蔽膝。然則禮服仍存韠。韠之名。常服則蔽膝也。

見之者。目爲僮使。問知其

夫人。皆驚。輔政歲餘。成帝崩。哀帝卽位。尊皇太后爲太皇太后。太后詔莽就第。避帝外家。莽上疏乞骸

骨。哀帝遣尙書令詔莽曰。先帝委政於君。而棄羣臣。朕得奉宗廟。誠嘉與君同心合意。今君移病求退。

師古曰。移書言病也。一曰。以病而移居也。

目著朕之不能奉順先帝之意。

師古曰。著明也。

朕甚悲傷焉。已詔尙書待君奏事。又遣丞相孔

光、大司空何武、左將軍師丹、衛尉傅喜、白太后曰：「皇帝聞太后詔甚悲，大司馬即不起，皇帝即不敢聽。」

政。太后復令莽視事。時哀帝祖母定陶傅太后、母丁姬在，高昌侯董宏上書言春秋之義，母以子貴，丁

姬宜上尊號。莽與師丹共劾宏，誤朝不道。語在丹傳。後日，未央宮置酒，內者令為傅太后張幄，坐於太

皇太后坐旁。

師古曰：坐，竝音材臥反。

莽案行，責內者令曰：「定陶太后藩妾，何且得與至尊竝？」徹去，更設坐。傅太后聞

之，大怒，不肯會，重怨恚莽。

師古曰：會，謂至置酒所也。重音直用反。

莽復乞骸骨，哀帝賜莽黃金五百斤，安車駟馬，罷就第。公

卿大夫多稱之者，上乃加恩寵，置使家中黃門。

蘇林曰：使黃門在其家中為使令。補注：沈欽韓曰：置專使侯家中黃門為十日一賜餐也。六典：凡宦人無官品者稱內給使。杜甫詩：黃門飛

鞞不動塵，御廚給繡，送入珍，意蓋本此。蘇說非。

十日一賜餐，下詔曰：「新都侯莽憂勞國家，執義堅固，朕庶幾與為治。」太皇太后詔莽

就第，朕甚閔焉。其目黃郵聚戶三百五十益封莽。

服虔曰：黃郵在南陽隸陽縣。補注：宋祁曰：郵，說文曰：郵，境上行書舍也。倉頡篇曰：郵，過書之官也。廣雅云：驛也。益封莽，別本越本無莽。

字先謙曰：黃郵聚，見清水注地名也。宋釋郵義誤。

位特進，給事中，朝朔望，見禮如三公。

師古曰：見天子之禮也。見音胡電反。

車駕乘綠車從。

師古曰：綠車，皇孫之車。天子出行，令

莽乘之以從。後二歲，傅太后丁姬，皆稱尊號。丞相朱博奏莽前不廣尊尊之義，抑貶尊號，虧損孝道，當伏所以寵也。

顯戮，幸蒙赦令，不宜有爵土，請免為庶人。上曰：「呂莽與太皇太后有屬，勿免。」遣就國。莽杜門自守，其中

子獲殺奴。師古曰：獲者，莽子之名也。今書本有作護字者，流俗所改耳。莽切責獲，令自殺。在國三歲，吏上書冤訟莽者，目百數。師古曰：言其合管朝政，不當就國也。〔補注〕宋祁曰：吏字下當有民字。元壽元年，日食，賢良周護、宋崇等對策，深頌莽功德。上於是徵莽，始莽就國，南陽太

守呂莽貴重，選門下掾宛孔休，守新都相。師古曰：姓孔，名休，宛縣人。休謁見莽，莽盡禮自納，休亦聞其名，與相答。後

莽疾，休候之，莽緣恩意，進其玉具寶劍，欲目為好。師古曰：結歡好也。音呼到反。休不肯受，莽因曰：「誠見君面有癩。」師古曰：癩，創痕也。痕，音下恩反。美玉可目滅癩，欲獻其瑋耳。〔補注〕宋祁曰：耳字當刪。即解其瑋。服虔曰：瑋音衛。蘇林曰：劍鼻也。師古曰：瑋字本作瑋，從王，聲後轉寫者訛也。瑋自難瑋字耳。音象也。〔補注〕沈欽

韓曰：攻工記玉人注，瑋，文飾也。說文：瑋，劍鼻也。說苑善說篇：襄城君帶玉瑋劍，案瑋為文飾。若桓圭、信圭之類，瑋劍鼻者，即劍鐔。先謙曰：官本注作瑋，音象作音瑋，南監本作音象是。

休復辭讓，莽曰：「君嫌其賈耶？」師古曰：賈，讀曰價。遂椎碎之。師古曰：椎，音直。追反，其字從木。自裹目進休，休乃受。及莽徵去，欲見休，休稱疾不見。〔補注〕沈欽

言其所有價直也。

追反，其字從木。

茂傳。休字子吳。王莽秉權。休去官歸家。及莽篡位。遣使齎玄纁束帛。請為國師。遂歎血託病。杜門自絕。案休之高節。賴范書甄明之。

莽還京師歲餘。哀帝崩。無子。而傅太后丁太后皆

先薨。太皇太后即日駕之未央宮。收取璽綬。遣使者馳召莽。詔尚書諸發兵符節百官奏事中黃門。期

門兵皆屬莽。莽白大司馬高安侯董賢年少。不合衆心。收印綬。賢即日自殺。太后詔公卿舉可大司馬

者。大司徒孔光。大司空彭宣。舉莽前將軍何武。後將軍公孫祿。互相舉。

〔補注〕錢大昕曰。公卿表。何武傳俱云。祿為左將軍。此作後將軍。誤也。太

后拜莽為大司馬。與議立嗣。安陽侯王舜。莽之從弟。其人修飭。

師古曰。飭。讀與敕同。敕。整也。

太后所信愛也。莽白呂舜

為車騎將軍。使迎中山王。奉成帝後。是為孝平皇帝。帝年九歲。太后臨朝稱制。委政於莽。莽白趙氏前

害皇子。傅氏驕僭。遂廢孝成趙皇后。孝哀傅皇后。皆令自殺。語在外戚傳。莽以大司徒孔光名儒。相三

主。太后所敬。天下信之。於是盛尊事光。引光女婿甄邯為侍中。奉車都尉。諸哀帝外戚。及大臣居位素

所不說者。

師古曰。說。讀曰悅。

莽皆傅致其罪。

師古曰。傅。讀曰附。益而引致之。令入罪。

為請奏。令邯持與光。光素畏慎。不敢不上之。莽

白太后輒可其奏。於是前將軍何武後將軍公孫祿坐互相舉免。丁傅及董賢親屬皆免官爵。徙遠方。

紅陽侯立。太后親弟。雖不居位。莽目諸父內敬憚之。畏立從容言。太后令已不得肆意。師古曰肆放也。補注先謙曰官本兩

監本無此注。乃復令光奏立舊惡。前知定陵侯滔于長。犯大逆罪。多受其賂。為言誤朝。師古曰妄稱譽之誤惑朝廷也。後白呂

官婢楊寄私子為皇子。衆言曰呂氏少帝復出。紛紛為天下所疑難。目示來世成襁褓之功。請遣立就

國。太后不聽。莽曰今漢家衰。比世無嗣。師古曰比類也。太后獨代幼主統政。誠可畏懼。力用公正。先天下。尙恐

不從。師古曰力勉力。今日私恩。逆大臣議。如此。羣下傾邪。亂從此起。宜可且遣就國。安後復徵召之。師古曰安猶徐也。補注

先謙曰通鑑胡注安定也安後猶言事定後也何焯云安後謂國家少安之後顏注非先謙案二說並通。太后不得已。遣立就國。莽之所目脅持上下。皆此類也。於是

附順者拔擢。忤恨者誅滅。王舜王邑為腹心。甄豐甄邯主擊斷。平晏領機事。劉歆典文章。孫建為爪牙。

補注周壽昌曰傅介子等傳贊云孫建以威重顯游俠傳王莽素善強弩將軍孫建建匿漕中叔莽性果賊無所容忍然重建竟不問建仕莽至立國將軍成新公莽欲以其女平帝后改稱黃皇室主者嫁建之子其寵任可知。豐子尋。歆子

菜師古曰菜或作揅字音扶云反涿郡崔發南陽陳崇皆目材能幸於莽莽色厲而言方

師古曰外示凜厲之色而假爲方直之言補注先謙曰官本方作之引宋祁

曰而言之當作而言方

欲有所爲微見風采

師古曰見音胡電反

黨與承其指意而顯奏之莽稽首涕泣因推讓焉上

先謙案南監本作方

目惑太后下用示信於衆庶始風益州令塞外蠻夷獻白雉

師古曰風讀曰調下皆類此

元始元年正月莽白太后下

詔目白雉薦宗廟羣臣因奏言太后委任大司馬莽定策安宗廟故大司馬霍光有安宗廟之功益封

三萬戶疇其爵邑比蕭相國莽宜如光故事太后問公卿曰

補注宋祁曰問字上當有召字

誠目大司馬有大功當著

之邪

師古曰著明也

將目骨肉故欲異之也於是羣臣乃盛陳莽功德致周成白雉之瑞千載同符聖王之法

臣有大功則生有美號故周公及身在而託號於周

補注先謙曰官本託作記南監本仍作託

莽有定國安漢家之大功宜賜

號曰安漢公益戶疇爵邑上應古制下準行事

補注劉敞曰行事即已行之事先謙曰行事猶言故事古制謂周公故事指霍光

目順天心太后詔尙

書具其事莽上書言臣與孔光王舜甄豐甄邯共定策今願獨條光等功賞寢置臣莽勿隨輩列甄邯

白太后下詔曰無偏無黨王道蕩蕩師古曰尙書洪範之言也蕩蕩廣平之貌也故引之屬有親者義不得阿君有安宗廟之功不可

以骨肉故蔽隱不揚君其勿辭莽復上書讓太后詔謁者引莽待殿東箱莽稱疾不肯入太后使尙書

令恂詔之曰君目選故而辭目疾師古曰選善也國家欲變其善加號曠邑乃以疾辭君任重不可闕目時亟起師古曰亟急也音居力反莽遂固辭

〔補注〕先謙曰遂猶竟也太后復使長信太僕閔承制召莽莽固稱疾左右白太后宜勿奪莽意但條孔光等莽乃肯

起太后下詔曰太傅博山侯光宿衛四世世爲傅相忠孝仁篤行義顯著建議定策益封萬戶目光爲

太師與四輔之政師古曰輿讀曰豫車騎將軍安陽侯舜積累仁孝使迎中山王折衝萬里功德茂著益封萬

戶目光爲太保左將軍光祿勳豐宿衛三世忠信仁篤師古曰篤厚也使迎中山王輔導共養日安宗廟師古曰共

音居用反發音弋亮反封豐爲廣陽侯食邑四千戶目光爲少傅皆授四輔之職疇其爵邑各賜第一區侍中奉車

都尉郡宿衛勤勞建議定策封郡爲承陽侯食邑二千四百戶師古曰承音蒸〔補注〕先謙曰官本二作三四人既受賞莽尙

未起羣臣復上言莽雖克讓朝所宜章。目時加賞。明重元功。無使百僚元元失望。太后乃下詔曰。大司

馬新都侯莽。三世爲三公。典周公之職。建萬世策。功能爲忠臣宗。〔補注〕先謙曰。官本南監本。能作德。化流海內。遠人慕義。

越裳氏重譯獻白雉。〔補注〕宋祁曰。熙寧監本。越本無裳字。其目召陵。新息二縣。戶二萬八千。益封莽。復其後嗣。疇其爵邑。

師古曰。復音方目反。封功如蕭相國。〔補注〕宋祁曰。邵本云。封加如蕭相國。劉敞曰。封字衍。目莽爲太傅。幹四輔之事。號曰安漢公。目故蕭相國甲

第爲安漢公第。定著於令。傳之無窮。於是莽爲惶恐。不得已而起受策。〔補注〕蘇輿曰。爲僞同。策曰。漢危無嗣。而公

定之。四輔之職。三公之任。而公幹之。羣僚衆位。而公宰之。功德茂著。宗廟且安。蓋白雉之瑞。周成象焉。

師古曰。言莽致白雉之瑞。有周公相成王之象。故賜嘉號曰安漢公。輔翼于帝。期於致平。師古曰。致太平。毋違朕意。莽受太傅安漢公號。讓

還益封疇爵邑事。云願須百姓家給。然後加賞。師古曰。給足也。家給。家家自足。〔補注〕先謙曰。官本注自作給。羣公復爭。太后詔曰。公自期

百姓家給。是目聽之。其令公奉舍人賞賜。皆倍故。師古曰。奉。所食之奉也。舍人。私府吏員也。倍故。數多於人各一倍也。奉音扶。用反。〔補注〕先謙曰。官本注於下人作故是。百姓

家給人足。大司徒大司空目聞，莽復讓不受，而建言宜立諸侯王後，及高祖目來功臣子孫，大者封侯。

或賜爵關內侯食邑，然後及諸在位，各有第序。上尊宗廟，增加禮樂，下惠士民，鰥寡，恩澤之政，無所不

施。〔補注〕何焯曰：上尊宗廟，謂奏尊元帝廟為高宗，以詔惑太后。下施恩澤，以明自言願須百姓家給，非空言飾讓，示信衆庶也。語在平紀。莽既說衆庶。師古曰：說讀曰悅。〔補注〕錢大昭曰：庶南監本闕，本作意先謙曰：官

本作又欲專斷，知太后馱政，乃風公卿。師古曰：風讀曰諷。奏言往者吏目功次遷至二千石，及州部所舉茂材異

等，吏率多不稱，宜皆見安漢公。又太后不宜親省小事，令太后下詔曰：皇帝幼年，朕且統政，比加元服，

師古曰：比至平帝加元服以來，太后且統政也。比音必稟反。〔補注〕宋祁曰：元服下當有者字。今衆事煩碎，朕春秋高，精氣不堪，殆非所目安躬禮，而養育皇帝

者也。故選忠賢，立四輔，羣下勸職，永目康寧。孔子曰：巍巍乎，舜禹之有天下，而不與焉。師古曰：論語載孔子之言也。巍巍，高

貌也。言舜禹之治天下，委任賢臣，以成其功而不身親其事也。與讀曰豫。自今目來，非封爵乃目聞。〔補注〕先謙曰：非字誤。官本南監本作惟。他事安漢公四輔平決，州牧二

千石及茂材吏初除，奏事者輒引入，至近署對。安漢公考故官，問新職，目知其稱否。於是莽人人延問，

致密恩意，厚加贈送，其不合指，顯奏免之。權與人主侔矣。莽欲目虛名說太后。

師古曰：說讀曰悅。

白言親承前

孝哀丁傅奢侈之後，百姓未贍者多。太后宜且衣繒練，頗損膳，目視天下。

師古曰：繒練，謂帛無文者。視讀曰示。

莽因上書，願

出錢百萬，獻田三十頃，付大司農，助給貧民。於是公卿皆慕效焉。莽帥羣臣奏言：陛下春秋尊，久衣重

練，減御膳，誠非所目。輔精氣，育皇帝，安宗廟也。臣莽數叩頭省戶下白，爭未見許。今幸賴陛下德澤，間

者風雨時，甘露降，神芝生，蓂莢朱草，嘉禾休徵，同時竝至。

師古曰：休，美也。徵，證也。

臣莽等不勝大願，願陛下愛精休

神，闢略思慮。

師古曰：闢，寬也。略，簡也。

遵帝王之常服，復太官之法膳。

(補注)先謙曰：官本太作大。

使臣子各得盡驩心，備其養，唯哀

省察。莽又令太后下詔曰：蓋聞母后之義，思不出乎門闕。

師古曰：闕，門闕也。音域。補注：宋祁曰：監本無門字。沈欽韓曰：列女傳：孟子母曰：婦人有閨內之修，而無境外之志。

國不蒙佑，皇帝年在襁褓，未任親政，戰戰兢兢，懼於宗廟之不安。國家之大綱，微朕孰當統之。

師古曰：微，無也。

是目孔子見南子，周公居攝，蓋權時也。

師古曰：南子，衛靈公夫人。孔子欲說靈公以治道，故見南子也。

勤身極思，憂勞未綏，故國奢則視之

目儉。師古曰。視讀曰示。補注。王文彬曰。語見禮記檀弓。矯枉者過其正。而朕不身帥。將謂天下何。夙夜夢想。五穀豐孰。百姓家給。比

皇帝加元服。委政而授焉。師古曰。比。音必寐反。今誠未皇于輕靡而備味。師古曰。皇。暇也。靡。細也。庶幾與百僚有成。其勗之哉。

師古曰。每有水旱。莽輒素食。師古曰。素食。即菜食也。解在霍光傳。左右目白太后。遣使者詔莽曰。聞公菜食。憂民深矣。今秋幸

孰。公勤於職。目時食肉。愛身為國。莽念中國已平。唯四夷未有異。乃遣使者齎黃金幣帛。重賂匈奴單

于。使上書言。聞中國譏二名。補注。沈欽韓曰。公羊定六年傳。曷為謂之仲孫忌。譏二名。二名非禮也。何休云。為其離諱也。故名囊知牙斯。今更名知。慕從聖制。

又遣王昭君女須卜居次入侍。所目誑耀媚事太后。下至旁側長御。方故萬端。莽既尊重。欲目女配帝

為皇后。目固其權。奏言。皇帝即位三年。長秋宮未建。液廷媵未充。師古曰。液與掖。同音通用。補注。先謙曰。官本通上有古字二字。乃者國

家之難。本從亡嗣。配取不正。請考論五經。定取禮。師古曰。取。皆讀曰娶。正十二女之義。補注。沈欽韓曰。列女傳。天子十

但三妃。夏后氏增以三三。而九。合十二。入春秋說云。天子取十二。即夏制也。目廣繼嗣。博采二王後。及周公孔子世。列侯在長安者。適子女。師古曰。適。讀曰嫡。謂

妻所生也。(補注)先謙曰官本生下有女字。事下有司。上衆女名。王氏女多在選中者。莽恐其與己女爭。卽上言身亡德。子材下。

不宜與衆女竝采。太后目爲至誠。乃下詔曰。王氏女。朕之外家。其勿采。庶民諸生郎吏目上。守闕上書。

者。日千餘人。公卿大夫。或詣廷中。或伏省戶下。咸言明詔聖德巍巍如彼。安漢公盛勳堂堂若此。今當

立后。獨奈何廢公女。天下安所歸命。願得公女爲天下母。莽遣長史目下。分部曉止公卿及諸生。師古曰分。

音扶而上書者愈甚。太后不得已。聽公卿采莽女。莽復自白。宜博選衆女。公卿爭曰。不宜采諸女。目貳

正統。師古曰皇后之位當在莽女也。(補注)先謙曰官本注皇上有言字。莽白願見女。太后遣長樂少府。宗正。尙書令。納采見女。還奏言。公女

漸漬德化。有窈窕之容。師古曰窈窕幽閑也。宜承大序。奉祭祀。(補注)先謙曰官本大作天是。有詔遣大司徒。大司空。策告宗廟。雜加

卜筮。皆曰兆遇金水王相。卦遇父母得位。孟康曰金水相生也。張晏曰金玉則水相也。遇父母謂泰卦乾下兌上天下於地是配享之卦。師古曰王音于放反。(補注)劉攽曰予謂但言父母得位。

安知是泰卦乎。錢大昭曰服虔云卜法。橫者爲土。立者爲木。邪向經者爲金。背金者爲火。因兆而細曲者爲水。所謂康強之占。逢吉之符也。(補注)沈欽韓曰洪範正義馬融云逢大也。信鄉侯修

上言。

師古曰：王子侯表，清河綱王子豹始封新鄉侯，傳爵至曾孫佟，王莽篡位，賜姓王，即謂此也。而此傳作信鄉侯，古者新信同音故耳。佟音從冬反。補注：先謙曰：官本南監本從作徒。

春秋天子將娶於紀，則

襄紀子稱侯。

師古曰：解在外感恩澤侯表也。補注：沈欽韓曰：公羊隱二年見經稱子桓二年稱紀侯，何休云：稱侯者，天子將娶于紀，與之奉宗廟，傳之無窮，重莫大焉。故封之百里。穀梁解云：時王所進。

安漢公國未稱

古制。

師古曰：稱副也。音尺孕反，其下亦同。

事下有司皆白。古者天子封后，父百里，尊而不臣。目重宗廟，孝之至也。佟言應禮。

可許。請目新野田二萬五千六百頃，益封莽滿百里。莽謝曰：臣莽子女，誠不足目，配至尊，復聽衆議，益

封臣莽，伏自惟念，得託肺腑。

補注：先謙曰：肺腑當作梯附，說詳劉向傳。

獲爵土，如使子女，誠能奉稱聖德。臣莽國邑足目共朝

貢。

師古曰：共讀曰供。

不須復加益地之寵，願歸所益。太后許之。有司奏故事，聘皇后黃金二萬斤。

補注：沈欽韓曰：漢官儀：皇帝聘皇

后黃金萬斤，後書梁皇后紀：依孝惠皇后故事，聘黃金二萬斤。案宋書禮志：尚書朱整議：漢高后制，聘后黃金二百斤。馬十二匹，夫人金五十斤。馬四匹。宋志所徵是也。王莽梁冀之世，益廷譴諫，何所不至乎。

爲錢二萬萬，莽深辭

讓，受四千萬，而目其三千三百萬。子十一媵家，羣臣復言：今皇后受聘，踰羣妾亡幾。

師古曰：亡幾，不多也。亡讀曰無幾，音居豈反。其

下並同。

有詔復益二千三百萬，合爲三千萬。莽復目其千萬，分子九族貧者。陳崇時爲大司徒，司直與張

敵孫竦相善竦者博通士為崇草奏稱莽功德

師古曰草謂創立其文也

崇奏之曰竊見安漢公自初束修

師古曰束修謂初學

官之時值世俗隆奢麗之時蒙兩宮厚骨肉之寵

師古曰兩宮謂成帝及太后

被諸父赫赫之光

師古曰被音皮義反

財饒執足亡所

悟意

師古曰悟逆也無人能逆其意也悟音五故反〔補注〕先謙曰正文及注指官本作悟南監本作悟

然而折節行仁克心履禮拂世矯俗確然特立

師古曰拂違也矯正

也拂音佛

惡衣惡食陋車駑馬妃匹無二閨門之內孝友之德衆莫不聞清靜樂道溫良下士

師古曰下音胡嫁反

惠于

故舊篤于師友孔子曰未若貧而樂富而好禮

師古曰論語云子貢問曰貧而無詔富而無驕何如孔子曰可也未若貧而樂富而好禮者也〔補注〕先謙曰官本注無云字南監本無此注

公之謂矣及為侍中故定陵侯溘于長有大逆罪公不敢私建白誅討

師古曰首言其事也

周公誅管蔡季子鳩

叔牙師古曰解並在前

公之謂矣是日孝成皇帝命公大司馬委日國統孝哀即位高昌侯董宏希指求美造

作二統晉灼曰欲令丁姬為帝太后也

公手劾之目定大綱建白定陶太后不宜在乘輿幄坐

師古曰坐音才臥反

目明國體詩曰柔

亦不如剛亦不吐不侮鰥寡不畏強圉

師古曰大雅蒸人之詩美仲山甫之德茹食也強圉強梁圉圉也〔補注〕宋祁曰監本越本無不侮鰥寡四字先謙曰官本南監本蒸人作蒸民

公之

謂矣。深執謙退，推誠讓位。定陶太后欲立僭號，憚彼面刺，幄坐之義，佞惑之雄。朱博之疇，懲此長宏。手

効之事，上下壹心。讒賊交亂，詭辟制度。遂成篡號。師古曰：詭，遠也。辟，讀曰僻。斥逐仁賢，誅殘戚屬。而公被胥原之訴，

遠去就國。應劭曰：胥原，子胥，屈原也。師古曰：遠去朝廷而就其侯國。朝政崩壞，綱紀廢弛。危亡之禍，不隧如髮。師古曰：弛，解也。音式。爾反。隧，音直。類反。補注：蘇與曰：隧與墜同。

詩云：人之云亡，邦國殄頽。師古曰：大雅瞻仰之詩也。殄，盡也。頽，病也。言為政不善，賢人奔亡矣。天下邦國盡困病也。賴與萃同音才。醉反。補注：先謙曰：官本南監本萃作倅是。公之謂矣。當此

之時，宮亡儲主，董賢據重，加呂傅氏有女之援。師古曰：謂哀帝傅皇后。皆自知得罪天下，結讎中山。張晏曰：傅太后詔中山馮太后，陷以

祝詛之罪。則必同憂，斷金相翼。師古曰：引易繫辭：二人同心其利斷金，翼助也。藉假遺詔，頻用賞誅。先除所憚，急引所附。遂誣往寃，更徵

遠屬，事效張見，其不難矣。師古曰：言哀帝既崩，丁傅董賢欲稱遺詔，樹立黨親，共立幼主，以據國權也。遠屬，國之宗室疎遠者也。補注：宋祁曰：徵字當作愆，其字下當有然字矣。字當刪。何焯曰：八句又虛設丁傅董賢不

然之罪，以張大莽功，遂誣往寃者。賴公立入，即時退賢，及其黨親。當此之時，公連獨見之明，奮亡前之威。師古曰：無

前謂無有敢當之者。盱衡厲色，振揚武怒。孟康曰：眉上曰衡，盱，舉眉揚目也。師古曰：盱，音許于反。乘其未堅，厭其未發。師古曰：厭，音一涉反。震起機動，敵人摧折。

雖有賁育不及持刺師古曰孟賁夏育皆古勇士也持刺謂持兵力以刺雖有樗里不及回知師古曰樗里子名疾秦惠王之弟也為秦相時人號曰智囊雖有鬼谷不

及造次師古曰鬼谷先生蘇秦之師善談說是故董賢喪其魂魄遂自絞殺人不還踵日不移晷師古曰還讀曰旋晷景也言其速疾霍然四除更

為寧朝非陛下莫引立公非公莫克此禍詩云惟師尙父時惟鷹揚亮彼武王師古曰大雅大明之詩也師尙父太公也亮助也言太公

武毅若鷹之飛揚佐助武王以克殷也補注錢大昭曰韓詩薛君章句亮相也此用韓詩孔子曰敏則有功師古曰論語載孔子對子張之言也敏疾也言應事速疾乃能成功補注先謙曰官本速疾作疾速南監本無此注

公之謂矣於是公乃白內故泗水相豐釐令邯師古曰甄豐甄邯也釐讀曰邯與大司徒光補注宋祁曰徒當作馬車騎將軍舜建定

社稷奉節東迎皆目功德受封益土為國名臣書曰知人則哲師古曰虞書哲縣謨之辭也哲智也公之謂也公卿咸歎公

德同盛公勳皆目周公為比師古曰比音必寐反宜賜號安漢公益封二縣公皆不受傳曰申包胥不受存楚之

報晏平仲不受輔齊之封師古曰申包胥楚大夫也吳師入郢楚昭王出奔包胥如秦乞師秦出師以救楚昭王反國欲賞包胥辭曰吾為君也非為身也遂不受晏平仲齊大夫晏嬰也以道佐齊景公景公欲封之讓而不受

補注沈欽韓曰晏子雜篇晏子相齊衣十升之布食脫粟之食五期苦菜而已左右以告公公為之封邑使田無宇致魯與無疆晏子對曰自太公至於公之身有數十公苟能說其君以取邑不至公之身趨齊搏以求升土不得容足而寓焉遂不受孔子

曰能目禮讓爲國乎何有

師古曰論語載孔子之言也解在董仲舒傳(補注)先謙曰南監本無此注

公之謂也將爲皇帝定立妃后有司上名公

女爲首公深辭讓迫不得已然後受詔父子之親天性自然欲其榮貴甚於爲身皇后之尊侔於天子

當時之會千載希有然而公惟國家之統揖大福之恩

師古曰揖謂讓而不當也

事事謙退動而固辭書曰舜讓于

德不嗣

書曰虞書舜典之辭言舜自讓德薄不足目繼帝堯之事也(補注)王念孫曰不嗣本作不台古文尙書舜讓于德弗嗣今文作不怡漢書皆用今文故作不台史記五帝紀舜讓于德不憚徐廣曰今文尙書作不怡怡憚也又自序曰唐堯遜位後

虞舜不台皆用今文也文選典引有于德不台淵穆之讓李善曰尙書曰舜讓于德不嗣漢書音義章昭曰古文台爲嗣後漢書班固傳注曰前書舜讓于德不台音義台讀曰嗣據此則二季所見漢書皆作不台顏依古文改爲嗣而釋以僞孔傳謬矣朱一新曰注書

曰當作師古曰

公之謂矣自公受策目至于今

翼也亦音武匪反

翼蓋勉也翼增修雅素目命下國後儉

隆約目矯世俗

師古曰儉退也矯正也後音千旬反其字從彳(補注)王引之曰儉儉與隆約對文則後非退也後讀爲遵遵循也謂循儉尙約以矯世俗之奢侈也遵與後古字通用爾雅遵循也方言遵循也集韻遵亦作後故遵儉之爲後

儉亦猶遵循之爲遵循(遵之通作後亦猶遵之通作遵)晏子春秋外篇晏子遵循而對遵循即遵巡)

割財損家目帥羣下彌躬執平目逮公卿

師古曰彌讀與弼同

教子尊學

目隆國化僮奴衣布

(補注)先謙曰官本作布衣王文彬云左傳魯季文子無衣帛之妾無食粟之馬此衣布與袷穀對文不當作布衣

馬不秣穀食飲之用不過凡庶詩云

溫溫恭人，如集于木。

師古曰：小雅小宛之詩。溫溫，柔貌也。如集于木，恐墮墜耳。

孔子曰：食無求飽，居無求安。

師古曰：論語載孔子之言也。謂君子好學樂道，故志不在安飽。

公之

謂矣。克身自約，糴食逮給。

師古曰：糴，得粗及僅足而已。

物物叩市，日闕亡儲。

師古曰：物物叩市，言其衣食所須，皆買之於市，不自營作，而不奪工商利也。闕，盡也。日闕，言當日即盡，不蓄積。

也。叩，音牛向反。闕，音空穴反。

又上書歸孝哀皇帝所益封邑，入錢獻田。

〔補注〕先謙曰：官本南監本入下有金字。

殫盡舊業，為衆倡始。

師古曰：倡，音尺尙反。

於是小大鄉和，承風從化。

師古曰：鄉，讀曰嚮。

外則王公列侯，內則帷幄侍御，翕然同時，各竭所有，或入金錢，或

獻田畝，目振貧窮，收贍不足者。昔令尹子文，朝不及夕，魯公儀子，不茹園葵。

張晏曰：令尹子文，自毀其家，目紆楚國之難，仕而逃祿，朝不及夕也。

師古曰：子文，楚令尹闞穀於菟也。公儀子，魯國相公儀休也。拔其園葵，不奪園夫之利。食菜曰茹。音人諸反。〔補注〕沈欽韓曰：楚語闞且曰：成王聞子文之朝不及夕也，每朝設脯一束，糗一筐，以羞子文。張泛引左傳，非也。

公之謂矣。開門

延士，下及白屋。

師古曰：白屋，謂庶人。目白茅覆屋者也。

婁省朝政，綜管衆治。

師古曰：婁，古屢字。〔補注〕子謙曰：官本南監本注在朝政下。

親見牧守目下，考迹雅

素。〔補注〕先謙曰：謂考覈其人生平。

審知白黑。詩云：夙夜匪解，目事一人。

師古曰：大雅烝人之詩也。一人，天子也。解，讀曰懈。〔補注〕先謙曰：官本注，烝人作烝民。南監本無此注及下條注。易

曰：終日乾乾，夕惕若厲。

師古曰：乾卦九三爻辭也。乾，乾自強之意。惕，懼也。厲，病也。

公之謂矣。比三世為三公，再奉送大行。

師古曰：比，類也。秉冢宰

職填安國家

師古曰填音竹刃反

四海幅奏

(補注)先謙曰奏字誤官本南監本作湊

靡不得所書曰納於大麓列風雷雨不迷

師古曰虞書舜典敘舜之

德謚錄也言堯使舜大錄萬機之政一曰山足曰麓言有聖德雖遇風雷不迷惑也

(補注)先謙曰官本南監本列作烈南監本無注官本注上有舜字風雷作雷風

公之謂矣此皆上世之所鮮禹稷之

所難

師古曰鮮音先踐反(補注)先謙曰官本注在所鮮下南監本無此及下條注

而公包其終始一曰貫之可謂備矣

師古曰論語稱孔子謂曾子曰參乎吾道一曰貫之謂忠恕(補注)先謙

曰官本注在貫之下

是日三年之間化行如神嘉瑞疊累豈非陛下知人之効得賢之致哉故非獨君之受命也臣

之生亦不虛矣是日伯禹賜玄圭周公受郊祀

師古曰尙書禹貢云禹錫玄圭告厥成功言賞治水功成也禮記明堂位曰成王幼弱周公踐天子之位以治天下七年乃致政於成王成王

以周公爲有勳勞於天下封周公於曲阜地方七百里革車千乘命魯公世世祀周公以天子禮樂是以魯君孟春乘大路旂十有二旒日月之章祀帝于郊配以后稷天子之禮也先謙曰官本注路作略

蓋曰達天之使不敢擅

天之功也

師古曰言天降賢材以助王者王者當申達其用而不敢自專

揆公德行爲天下紀

師古曰揆度也紀理也(補注)先謙曰南監本無此注

觀公功勳爲萬世基基

成而賞不配紀立而褒不副

師古曰配對也

誠非所目厚國家順天心也願皇帝褒賞元功相國蕭何邑戶既

倍又蒙殊禮奏事不名入殿不趨封其親屬十有餘人樂善無厭班賞亡遺

師古曰遺與公同

苟有一策卽必

爵之是故公孫戎位在充郎選繇旄頭壹明樊噲封二千戶

孟康曰公孫戎奴也高帝時爲旄頭郎晉灼曰楚漢春秋上東園項羽聞樊噲反旄頭公孫戎明之卒不

反封戎二千戶師古曰此公孫戎耳非戎奴也戎奴自武帝時人孟說誤矣繇讀與由同

孝文皇帝褒賞絳侯益封萬戶賜黃金五千斤孝武皇帝卹錄軍功

裂三萬戶目封衛青青子三人或在強檻皆爲通侯孝宣皇帝顯著霍光增戶命疇封者三人延及兄

孫夫絳侯卽因漢藩之故杖朱虛之鯁依諸將之遞據相扶之執其事雖醜要不能遂

李奇曰言勃之功不遂而霍光據席

常任也晉灼曰醜衆也言勃欲誅諸呂其事雖衆要不能以呂后在時而遂意也師古曰二說皆非也遞繞也謂相圍繞也言絳侯之時漢家外有藩屏盤石之固內有朱虛骨鯁之強諸將同心圍繞扶翼呂氏之黨雖欲作亂心懷醜惡事必不成言勃之功不足多也

遞音帶補注先謙曰官本帶作滯卽則字通作下並同

霍光卽席常任之重乘大勝之威

補注先謙曰官本勝作勝

未嘗遭時不行陷假離朝

服虔曰言光未

嘗陷假不遇而離去朝也莽嘗退就國是陷假也師古曰假升也陷假者被陷害而去所升之位也補注王念孫曰案師古訓假爲升則陷假二字義不相屬乃云被陷害而去所升之位其鑿也甚矣余謂假讀爲瑕陷瑕離朝謂陷於瑕譎而去其位服說是也瑕與假古字通淮南精神篇審乎無瑕莊子德充符篇瑕作假古今人表公肩瑕權弓作假高祖功臣表中水夷侯呂瑕史表作假先謙曰官本注未有章昭曰陷離也假音下下猶瑕也十三字

朝之執事亡非同類割斷

歷久統政曠世

補注先謙曰天子崩逝更繼新君是謂割斷也此言景帝崩已歷久武帝自統大政又數十年以喻莽當國統三絕所遭倍艱

雖曰有功所因亦易然猶有計策

不審過徵之累。

師古曰：光誤徵昌邑王，不得其人也。累，音力端反。

及至青戎標末之功。

服虔曰：標，音刀末之標，謂衛青、公孫戎也。師古曰：標，音匹透反。〔補注〕宋祁曰：予案字林，標，刀削末銅也。音匹，反。

沈欽韓曰：淮南修務訓高注，標讀刀標之標，與服虔同。則漢謂刀末爲標，禮與服志佩刀皆以白珠絞爲鏢口之飾，通俗文刀鋒曰鏢。〔集韻或省作剗〕荀子賦篇賦箴云：長其尾而銳其剗，注：剗，末也。謂箴之鋒也。標又鏢之借字。公羊莊十三年傳：曹子標劍，何休云：標，辟也。剗劍置地，與趙岐孟子注：標，摩也。解同，非此義也。此指青功下文一言之勞，方說戎。一言之勞，然猶皆蒙丘山之賞，課功絳霍，造之與因也。比於青戎。

地之與天也。而公又有宰治之效，乃當上與伯禹周公等盛齊降，兼其褒賞，豈特與若云者同日而論。

哉。師古曰：若云，謂若向者所云絳霍青戎也。

然曾不得蒙青等之厚，臣誠惑之。臣聞功亡原者賞不限，德亡首者褒不檢。

師古曰：無原謂

不可測其本原也。無首，謂無出其上者也。檢，局也。〔補注〕先謙曰：王念孫云：原量也。有無量之功，故有不限之賞。說詳劉向傳顏訓非。

是故成王之與周公也。

〔補注〕先謙曰：官本南監本，與作於是。

度百里

之限。師古曰：度亦踰越也。

越九錫之檢，開七百里之宇。

師古曰：解兼商奄之民，並在前也。

兼商奄之民。

師古曰：商奄，二國名。

賜呂附庸般民六族。

師古曰：謂條氏、徐氏。

蕭氏、索氏、長勺氏、尾勺氏也。

大路大旂。

師古曰：解已在前也。〔補注〕先謙曰：官本在作見無也。字南監本亦無。

封父之繁弱，夏后之璜。

師古曰：封父，古諸侯也。繁弱，大弓名也。半壁曰璜。交讀曰甫。

祝宗卜史。

師古曰：太祝，太宗。太卜，太史。凡四官。

備物典策。

師古曰：既有備物而加之策。書也。一曰典策，春秋之制也。

官司彝器。

師古曰：官司，百官也。彝器，常用之器也。一曰彝，祭宗廟酒器也。周禮有六彝，彝法也。

言器有所法象之貌耳。補注先謙曰：自商奄之民至此，本左定四年傳。

白牡之牲。

師古曰：明堂位曰：季夏六月，甸禮祀周公於太廟，牲用白牡。

郊望之禮。

師古曰：郊即上祀帝於郊也。望謂望山川而祭之也。補注先謙曰：

官本注上祀

王曰：叔父，建爾元子。

師古曰：魯頌閟宮之詩曰：王曰叔父，建爾元子，俾侯于魯，謂命周公以封伯禽為魯公也。補注先謙曰：官本南監本為上有而字。

子父俱延，拜而受。

之。師古曰：謂周公拜祖魯公拜後。

可謂不檢亡原者矣，非特止此，六子皆封。

師古曰：周公六子，伯禽之弟也。補注周書昌曰：凡蔣邢茅昨祭，周公之弟也，見左傳。

詩曰：亡言。

不讎，亡德不報。

師古曰：大雅邶之詩也。讎，用也。有善言則用之，有德者必報之一曰讎對也。賞當其言也。

報當如之，不如非報也。

服虔曰：報賞當如其德，不知德者非報也。

近觀行事。

高祖之約，非劉氏不王，然而番君得王長沙，下詔稱忠，定著於令。

師古曰：謂吳芮也。解在芮傳，番音蒲河反。

明有大信，不拘於

制也。春秋晉悼公用魏絳之策，諸夏服從，鄭伯獻樂，悼公於是目半賜之，絳深辭讓，晉侯曰：微子寡人

不能濟河，夫賞國之典，不可廢也，子其受之。魏絳於是金石之樂，春秋善之。

師古曰：事見左傳襄十一年，微無也。

取其臣

竭忠，目辭功，君知臣目遂賞也。

補注先謙曰：遂成也。

今陛下既知公有周公功德，不行成王之褒賞。

補注宋祁曰：德字下當有而

字。遂聽公之固辭，不顧春秋之明義，則民臣何稱，萬世何述，誠非所目為國也。臣愚目為宜，恢公國，令

如周公師古曰：恢大也。建立公子，令如伯禽所賜之品，亦皆如之。諸子之封，皆如六子。即羣下較然輸忠，黎庶

昭然感德。師古曰：較，明貌也。〔補注〕宋祁曰：輸，浙本作諭。下文輸同。臣誠輸忠，民誠感德，則於王事何有。師古曰：言臻其極無闕遺。〔補注〕先謙曰：言王事無不舉也。顏訓意隔。唯

陛下深惟祖宗之重，敬畏上天之戒，儀形虞周之盛。師古曰：儀形，謂則而象之。〔補注〕先謙曰：官本形作刑。南監本與此同。敕盡伯禽之賜，無遜

周公之報。師古曰：敕，備也。遼與委同。今天法有設，後世有祖。師古曰：祖，始也。目此為法之始。〔補注〕錢大昭曰：今當作令。先謙曰：官本南監本作命。天下幸甚，太后曰視

羣公。師古曰：視，讀曰示。羣公方議其事，會呂寬事起，初，莽欲擅權，白太后前哀帝立，背恩義，自貴外家，丁傅、撓

亂國家，幾危社稷。師古曰：撓，擾也。音火高反。幾，音銀依反。〔補注〕先謙曰：官本火作女。南監本無此注。今帝曰幼年，復奉大宗，為成帝後，宜明一統之

義，目戒前事，為後代法。於是遣甄豐奉璽綬，即拜帝母衛姬為中山孝王后，賜帝舅衛寶、寶弟玄、爵關

內侯，皆留中山，不得至京師。莽子宇，非莽，隔絕衛氏，恐帝長大後見怨，宇即私遣人與寶等通書，教令

帝母上書求入，語在衛后傳。莽不聽，宇與師吳章及婦兄呂寬議其故。〔補注〕王先謙曰：故事也。章目為莽不可諫，

而好鬼神，可為變怪。目驚懼之，章因推類，說令歸政於衛氏。宇即使寬夜持血灑莽第門，吏發覺之。莽

執宇送獄，飲藥死。宇妻焉懷子。

師古曰：焉其名。

繫獄，須產子已，殺之。

師古曰：須待也。

莽奏言：宇為呂寬等所誣，誤。流言惑

衆，惡與管蔡同罪。

〔補注〕宋祁曰：越本邵本無。惡字先謙曰：南監本無惡字。

臣不敢隱其誅。甄邯等白：太后下詔曰：夫唐堯有丹朱，周文

王有管蔡，此皆上聖亡，奈下愚子何！目其性不可移也。公居周公之位，輔成王之主，而行管蔡之誅，不

目親親害尊尊，朕甚嘉之。昔周公誅四國之後，大化乃成。至於刑錯，

師古曰：四國，謂三監及淮夷耳。

公其專意翼國，期於

致平。

師古曰：翼助也。

莽因是誅滅衛氏，窮治呂寬之獄，連引郡國豪桀，素非議已者，內及敬武公主。

師古曰：元帝女弟也。〔補

注〕先謙曰：詳薛宣傳。

梁王立，紅陽侯立，平阿侯仁，使者迫守，皆自殺。死者目百數，海內震焉。

〔補注〕何焯曰：先以恩結，復以威震。

大司

馬護軍襲奏言：安漢公遭子宇陷於管蔡之辜，子愛至深，為皇室故，不敢顧私。惟宇遭臯，喟然憤發，作

書八篇，目戒子孫，宜班郡國，令學官目教授，事下羣公，請令天下吏能誦公戒者，目著官簿，比孝經。

師古

曰著官簿言用之得選舉也。補注周壽昌曰孝文有孝經博士司隸有孝經師此孝經之著官簿者也蓋立之學官

四年春郊祀高祖呂配天宗祀孝文皇帝呂配上帝四

月丁未莽女立為皇后大赦天下遣大司徒司直陳崇等八人分行天下覽觀風俗

師古曰行音下更反
補注先謙曰官本

考證云恩澤侯表王惲閻遷李翕郝黨陳崇謝殷述並陳鳳是八人也先謙案官本注在大赦天下下南監本無注

太保舜等奏言春秋列功惠之義太上有立德其次有立

功其次有立言唯至德大賢然後能之其在人臣則生有大賞終為宗臣殷之伊尹周之周公是也及

民上書者八千餘人咸曰伊尹為阿衡周公為太宰周公享七子之封有過上公之賞宜如陳崇言章

下有司有司請還前所益二縣及黃郵聚新野田采伊尹周公稱號加公為宰衡位上公掾史秩六百

石三公言事稱敢言之羣吏毋得與公同名出從期門二十人羽林三十人前後大車十乘賜公太夫

人號曰功顯君食邑二千戶黃金印赤韍

師古曰此韍印之組也補注
先謙曰官本南監本無此字

封公子男二人安為襄新侯臨為

賞都侯加后聘三千七百萬合為一萬萬呂明大禮太后臨前殿親封拜安漢公拜前二子拜後如周

公故事，莽稽首辭讓，出奏封事，願獨受母號，還安臨印，及號位戶邑。事下太師光等，皆曰：賞未足，且

直功。

師古曰：直當也。

謙約退讓，公之常節，終不可聽。莽求見，固讓。太后下詔曰：公每見，叩頭流涕，固辭，今移病。

固當聽其讓，令眠事邪。

師古曰：眠，古視字。

將當遂行其賞，遣歸就第也。光等曰：安臨親受印，策號通天，其義

昭昭，黃郵召陵新野之田，爲入尤多。

師古曰：召讀邵。補注。先謙曰：官本邵上有曰字，是。

皆止於公，公欲自損，且成國化，宜可聽許。

治平之化，當日時成，宰衡之官，不可世及，納徵錢，乃且尊皇后，非爲公也。功顯君戶，止身不傳，褒新賞

都兩國，合三千戶，甚少矣。忠臣之節，亦宜自屈，而信主上之義。

師古曰：信讀曰申。

宜遣大司徒、大司空持節承

制，詔公亟入眠事。

師古曰：亟，急也。音居力反。

詔尚書勿復受公之讓，奏可。莽乃起眠事，上書言：臣且元壽二年六月

戊午倉卒之夜，且新都侯引入未央宮，庚申拜爲大司馬，充三公位。元始元年正月丙辰，拜爲太傅，賜

號安漢公，備四輔官。今年四月甲子，復拜爲宰衡，位上公。臣莽伏自惟，爵爲新都侯，號爲安漢公，官爲

宰衡太傅大司馬爵貴號尊官重一身蒙大寵者五誠非鄙臣所能堪據元始三年天下歲已復官屬

宜皆置如淳曰前時飢省官職今豐宜穀梁傳曰天子之宰通于四海師古曰宰治也治衆事者謂大臣也臣愚目爲宰衡官目

正百僚平海內爲職而無印信名實不副臣莽無兼官之材今聖朝既過誤而用之臣請御史刻宰衡

印章曰宰衡太傅大司馬印成授臣莽上太傅與大司馬之印太后詔曰可執如相國師古曰執亦謂組也朕親

臨授焉莽乃復目所益納徵錢千萬遺與長樂長御奉供養者師古曰太后之長御也共音居用反養音弋亮反太保舜奏言天下

聞公不受千乘之士辭萬金之幣散財施予千萬數莫不鄉化師古曰鄉讀曰嚮蜀郡男子路建等輟訟慙怍

而退雖文王卻虞芮何目加師古曰卻退也虞芮二國名也並在河之東二國之君相與爭田久而不平聞文王之德乃往斷焉入周之境則耕者讓畔行者讓路乃相謂曰我小人也不可以履君子之庭遂相讓以其

所爭爲閭田而退宜報告天下奏可宰衡出從大車前後各十乘直事尚書郎侍御史謁者中黃門期門羽林師古

曰自此以上皆從宰衡出宰衡常持節所止謁者代持之師古曰相代而持也補注先謙曰言莽出所休止則謁者代持宰衡掾史秩六百石三公稱敢

言之。〔補注〕劉攽曰：宰衡以下前已是歲，莽奏起明堂、辟雍、靈臺，為學者築舍萬區，作市常滿倉，制度甚盛。

有其事，此復重出，當刪併從上。

〔補注〕沈欽諱曰：案御覽五百三十四黃圖曰：禮小學在公宮之南，太學在城南，就陽位也。去城七里，王莽為宰衡，起靈臺，作長門宮，（疑當為常滿倉）南去隄三百步，起國學于郭內之西南。（案今本黃圖云在長安西北七里）為博士之官，寺門北出，正於其中，央為射宮，門出殿堂，南嚮為牆，選士肄射於此。中北之外為博士舍三十區，周張之北之東為常滿倉，倉之北為會市，但列槐樹數百，行為隊。（藝文類聚作榭）無牆屋，諸生朔望會此市，各持其郡所出質物，及經書傳記，笙磬樂器，相與買賣，雍容揖讓，或論議槐下。其東為太學官寺，門南出，置令丞吏，諸姦究理，詞訟五經博士，領弟子員三百六十六，經三十博士，弟子萬八百人，主事高弟侍講各二十四人，學士同舍行無遠近，皆隨檐雨不塗足，暑不暴首。（今本黃圖言漢太學不詳）

立樂經，益博士

員，經各五人，徵天下通一藝教授十一人，目上，及有逸禮、古書、毛詩、周官、爾雅、天文、圖讖、鍾律、月令、兵

法、史篇文字。孟康曰：史籍所作十五篇古文書也。師古曰：周宣王太史史籍所作大篆書也。籍音直救反。通知其意者，皆詣公車，網羅天下異能之士，至者

前後千數，皆令記說廷中，將令正乖繆，壹異說云。羣臣奏言：昔周公奉繼體之嗣，據上公之尊，然猶七

年，制度乃定。夫明堂辟雍，墮廢千載，莫能興。師古曰：墮，毀也。音火規反。今安漢公起于第家，輔翼陛下，四年于茲，功

德爛然。師古曰：爛然，章明之貌。公自八月載生魄，庚子。師古曰：載，始也。魄，月魄也。奉使朝用書。孟康曰：賦，功役之書。臨賦營築，越若翊辛丑。師古曰：翊，

師古曰：爛然，章明之貌。

師古曰：載，始也。魄，月魄也。

孟康曰：賦，功役之書。

師古曰：翊，

明也。辛丑者，庚子之明日也。越發語辭也。諸生庶民大和會，十萬衆竝集，平作二句，大功畢成。師古曰：平作謂不促遽也。平字或作丕，亦大也。補注：何焯曰：書庶殷丕作字當

爲丕也。王念孫曰：何說是也。上文云：公以八月載生魄庚子，奉使朝用書臨賦營築，亦用雜語文，隸書丕字，或作平，與平相近，因譌而爲平。後漢書劉元傳：右輔都尉嚴本，本或作平，或作丕。耿秉傳：太醫令吉平，平或作平，皆其證也。唐虞發舉，成

周造業，誠亡目加。宰衡位宜在諸侯王上，賜目束帛加璧，大國乘車安車各一。服虔曰：大國乘車如驪馬，大國王之乘車也。驪馬

二駟。師古曰：驪馬並駕也。詔曰：可。其議九錫之法。冬，大風吹長安城東門屋瓦且盡。五年正月，祿祭明堂，諸侯王

二十八人，列侯百二十人，宗室子九百餘人，徵助祭。補注：宋祁曰：淳化本祭字下有祀字。禮畢，封孝宣曾孫信等三十六

人爲列侯，餘皆益戶賜爵，金帛之賞各有數。有時吏民呂莽不受新野田，而上書者，前後四十八萬七

千五百七十二人，及諸侯王公列侯宗室見者，皆叩頭言，宜亟加賞於安漢公。師古曰：亟急也。於是莽上書曰：

臣呂外屬，越次備位，未能奉稱。師古曰：稱音尺證反。伏念聖德純茂，承天當古，制禮目治民，作樂目移風，四海奔

走，百蠻竝轡。師古曰：轡即臻字也。辭去之日，莫不隕涕，非有款誠，豈可虛致。自諸侯王已下，至於吏民，咸知臣莽

上與陛下有葭莩之故。

師古曰：葭，蘆也。莩，者其蒲裏白皮也。言其輕薄而附著也。故以為喻。葭音加。莩音字。

又得典職，每歸功列德者，輒曰：臣莽為餘言。

臣見諸侯面言事於前者，未嘗不流汗而慙愧也。雖性愚鄙，至誠自知，德薄位尊，力小任大，夙夜悼栗。

常恐污辱聖朝。今天下治平，風俗齊同，百蠻率服，皆陛下聖德所自躬親。太師光、太保舜等輔政佐治。

羣卿大夫莫不忠良，故能目五年之間，至致此焉。臣莽實無奇策異謀，奉承太后聖詔，宣之於下，不能

得什一，受羣賢之籌畫，而上目聞，不能得什伍。

師古曰：言皆不曉，又遺忘也。

當被無益之辜，所目敢且保首領，須臾者。

誠上休陛下餘光，而下依羣公之故也。

師古曰：休，庇廕也。補注。宋祁曰：晉灼音義作艸下休。

陛下不忍衆言，輒下其章於議者。臣莽

前欲立奏止，恐其遂不肯止。今大禮已行，助祭者畢辭，不勝至願。願諸章下議者，皆寢勿上，使臣莽得

盡力畢制禮作樂事，事成，目傳示天下，與海內平之。即有所聞非，則臣莽當被註上誤朝之罪。

師古曰：間音居。莫反。

如無他譴，得全命賜骸骨歸家，避賢者路，是臣之私願也。惟陛下哀憐財幸。

師古曰：此財與哉同。通用。補注。先謙曰：官本南監本無此通用三。

字

甄邯等白太后詔曰可唯公功德光於天下是日諸侯王公列侯宗室諸生吏民翕然同辭連守闕

庭故下其章諸侯宗室辭去之日復見前重陳

師古曰重音直用反補注宋祁曰復見前重陳當依越本作復重見前陳

雖曉喻罷遣猶不肯去

告曰孟夏將行厥賞莫不驩悅稱萬歲而退今公每見輒流涕叩頭言願不受賞賞即加不敢當位方

制作未定事須公而決故且聽公制作畢成羣公目聞究于前議

師古曰究竟也

其九錫禮儀亟奏

師古曰亟急也

於是

公卿大夫博士議郎列侯富平侯張純等

補注宋祁曰越本無富平侯三字

九百二人皆曰聖帝明王招賢勸能德盛者

位高功大者賞厚故宗臣有九命上公之尊則有九錫登等之寵

張晏曰宗臣有勳勞爲上公國所宗者也周禮上公九命九命九賜也師古曰登等謂升於常

等也補注先謙曰官本南監本注賜作錫

今九族親睦百姓既章萬國和協黎民時雍

師古曰章明也時是也雍亦和也自此已上皆取堯典敘堯德之言也補注先謙曰官本無自字

聖瑞畢漆太平已治

師古曰漆亦與臻同注先謙曰官本無亦字

帝者之盛莫隆於唐虞而陛下任之忠臣茂功莫著於伊周

而宰衡配之所謂異時而興如合符者也謹目六藝通義經文所見周官禮記宜於今者爲九命之錫

師古曰禮含文嘉云九錫者車馬衣服樂懸朱戶納陛武貴鉄鉞弓矢桓鬯也

臣請命錫奏可策曰惟元始五年五月庚寅太皇太后臨于前殿延登

請詔之

〔補注〕沈欽韓曰請當爲親親禮侯氏降階東北面再拜稽首指者延之曰升注云從後詔禮曰延延進也漢舊儀拜丞相皇帝延登親詔之先謙曰官本作親南監本與此同

曰公進虛聽朕言

師古曰進前虛

已而聽也

前公宿衛孝成皇帝十有六年納策盡忠白誅故定陵侯溇于長呂彌亂發姦

師古曰彌讀曰弭弭止也〔補注〕先謙曰官本

注不重弭字

登大司馬職在內輔孝哀皇帝卽位驕妾窺欲姦臣萌亂公手劾高昌侯董宏改正故定陶共

王母之僭坐自是之後朝臣論議靡不據經呂病辭位歸于第家爲賊臣所陷就國之後孝哀皇帝覺

寤復還公長安臨病加劇猶不忘公復特進位是夜倉卒國無儲主姦臣充朝危殆甚矣朕惟定國之

計莫宜于公引納于朝卽日罷退高安侯董賢轉漏之間

〔補注〕王先慎曰言不移時刻也

忠策輒建綱紀咸張綏和元

年再遭大行萬事畢舉禍亂不作輔朕五年人倫之本正天地之位定

張晏曰定冠婚之儀徙南北之郊也

欽承神祇經緯

四時復千載之廢矯百世之失

張晏曰封先代之後立古文經定迭毀之禮也

天下和會大衆方輯

師古曰輯與集字同〔補注〕先謙曰官本無字字

詩之靈臺

書之作雒。鎬京之制。商邑之度。於今復興。

師古曰。靈臺所以觀氣象者也。文王受命。作邑于豐。始立此臺。兆庶自勸。就其功作。故大雅靈臺之詩曰。經始靈臺。經之營之。庶人攻之。不日成之。作雒謂周

公營洛邑。以爲王都。所謂成周也。周書洛誥曰。召公既相宅。周公往營成周。使來告。卜作洛誥。豐鎬相近。故總曰鎬京。成周既成。遷殷頑民使居之。故云商邑之度也。

昭章先帝之元功。明著祖宗之令德。

推顯嚴父配天之義。修立郊禘宗祀之禮。目光大孝。是目四海雍雍。萬國慕義。蠻夷殊俗。不召自至。漸

化端冕。奉珍助祭。

師古曰。蠻夷漸染朝化。而正衣冠。奉其國珍來助祭。

尋舊本道。遵術重古。動而有成。事得厥中。至德要道。通於神明。

祖考嘉享。光耀顯章。天符仍臻。元氣大同。麟鳳龜龍。衆祥之瑞。七百有餘。遂制禮作樂。有綏靖宗廟社

稷之大勳。普天之下。惟公是賴。官在宰衡。位在上公。

〔補注〕先謙曰。官本位在作位爲。

今加九命之錫。

〔補注〕周壽昌曰。莽九錫。一衣服。二車馬。三弓

矢。四斧鉞。五桓鬯。六命珪。七朱戶。八納陛。九虎賁。獨無樂懸。與公羊緯禮緯。及韓詩外傳所言。皆不合。卽武紀注引應劭說亦異。蓋皆有樂懸。無命珪也。此恐出王莽諸臣所臆造而爲之。不必應經典。

其目助祭。共文武之職。古

曰。共讀曰。供。

乃遂及厥祖。

師古曰。榮。讀之命。上延其先祖也。

於戲。豈不休哉。

師古曰。於戲。讀曰。嗚呼。休。美也。

於是莽稽首再拜。受綠韎袞冕衣裳。

師古曰。此韎謂蔽膝也。或謂韎韠。韎音弗。韠音畢。

瑒瑒瑒玼。

孟康曰。瑒。玉名也。佩刀之飾。上曰瑒。下曰玼。詩云。韠瑒有玼。是也。師古曰。瑒音蕩。瑒音布。孔反。玼音必。〔補注〕先謙曰。官本瑒作瑒。引劉敞曰。瑒字宜從易。宋祁同。蘇輿云。說文瑒圭尺

二寸有實以祠宗廟者也。从王，易聲，非刀飾。案瑒圭，卽周禮玉人之裸圭。瑒讀如暢，故魯語亦作瑒圭。从易得聲，不宜从易。宋說非也。此瑒蓋畫之借字。說文畫金之美者，與玉同色。禮佩刀，諸侯畫瑒而瑒瑒。案詩毛傳亦云：諸侯畫瑒而瑒瑒。與說文同。爾雅釋器：黃金謂之畫。其美者謂之瑒。是諸侯飾刀，上下純用金。漢制，天子諸侯並飾黃金。續志：諸侯王黃金錯環挾半。孟以瑒爲玉名，又非也。

句履 孟康曰：今齊祀履爲頭飾也。出履一二寸。師古曰：其形歧頭。勛禮記作約，亦是。沈欽韓曰：句卽約。儀禮士冠禮疏云：鄭云：狀如刀衣鼻，在履頭者。此以漢法言之。今之履頭見有下鼻似刀衣鼻，故以爲況。先謙曰：官本南監本注無一字。

鸞路乘馬 師古曰：鸞路，路車之施鸞者也。解在禮樂志。四馬曰乘。音食。證反。其下亦同。〔補注〕先謙曰：官本南監本注無其字。

龍旂九旒，皮弁素積 師古曰：素積，積素裳也。戎路乘馬 師古曰：戎路，戎車也。形弓矢，盧弓矢 師古曰：形，赤色。盧，黑色。左建朱鉞，右建金戚 師古曰：鉞，戚皆斧屬。甲冑一具 師古曰：冑，兜鍪。桓鬯二卣 師古曰：桓鬯，香酒也。卣，中樽也。音攸。又音羊九。圭瓚二 師古曰：以圭爲

圭爲句末。九命青玉珪二 師古曰：青者春色。東方生而長青萬物也。朱戶納陛 孟康曰：納，內也。謂鑿殿基際爲陛，不使露也。師古曰：孟說是也。尊者無取云。〔補注〕陳景雲曰：宋均禮含文嘉注云：動作有禮，納陛以安其體。文選魏公九錫文：納陛以登。李周翰注：納陛者，致于殿兩階之間，便其上殿。此蓋漢人相承之說。宋史呂端傳：眞宗以端軀體洪大，宮庭階用稍峻，特令梓人爲納陛，是納陛爲安體而設。信矣。小顏獨采孟解，宋均說亦不可廢。

署宗官，祝官，卜官，史官，虎賁三百人，家令丞各一人，宗祝卜史官，皆置嗇夫，佐安漢公，在中府外第，虎賁爲門衛，當出入者，傅籍 師古曰：傅籍，著也。音附。

自四輔三公有事，府第皆用傅 孟康曰：傅，符也。師古曰：音張懸反。〔補注〕先謙曰：官

著也。音附。自四輔三公有事，府第皆用傅。孟康曰：傅，符也。師古曰：音張懸反。〔補注〕先謙曰：官

本注末有章昭曰傳二封啓也八字

目楚王邸爲安漢公第大繕治通周衛祖禰廟及寢皆爲朱戶納陛陳崇又奏安漢公

祠祖禰出城門城門校尉宜將騎士從入有門衛出有騎士所目重國也奏可其秋莽目皇后有子孫

瑞通子午道

張晏曰時年十四始有婦人之道也子水午火也水以天一爲牡火以地二爲牝故火爲水妃今通子午以協之補注沈欽韓曰元和志子午關在長安縣南百里王莽通子午道因置此關長安志子午鎮去縣南四十里以南山子

午谷爲名後書安帝元初二年罷子午道先謙曰官本南監本法今作令是

子午道從杜陵直絕南山徑漢中

師古曰子北方也午南方也言通南北道相當故謂之子午耳今京城直南山有谷通梁漢道

者名子午谷又宜州西界慶州東界有山名子午嶺計南北直相當此則北山者是子南山者是午共爲子午道補注劉奉世曰史文以從杜陵徑漢中爲子午道耳顏之所見非史意也何焯曰通梁漢道者卽莽所爲顏前說是也第不當並舉在宜慶二州界者耳劉盡非之又誤先謙曰官本道下無者字

風俗使者八人還言天下風俗齊同詐爲郡國造歌謠頌功德凡三萬言莽奏定著

令補注周壽昌曰漢天子著令藏御史府高祖高后行之成帝令太子得絕馳道亦著令至此莽公然奏請定著令矣

又奏爲市無二賈

師古曰言純實也賈音價

官無獄訟邑無盜賊野

無飢民道不拾遺男女異路之制犯者象刑

師古曰象刑解在武紀及刑法志

劉歆陳崇等十二人皆目治明堂宣教化

封爲列侯

補注先謙曰官本考證云陳崇等八人以宣教化封劉歆平晏孔永孫遷以治明堂封

莽旣致太平北化匈奴東致海外南懷黃支唯西方未

有加。迺遣中郎將平憲等，多持金幣，誘塞外羌使獻地。願內屬，憲等奏言：「羌豪良願等種，人口可萬二

千人，願為內臣，獻鮮水、海允谷、鹽池。〔補注〕先謙曰：詳地理志。平地美草，皆予漢民，自居險阻處，為藩蔽，問良願降意。

對曰：「太皇太后聖明，安漢公至仁，天下太平，五穀成熟，或禾長丈餘，或一粟三米，或不種自生，或蠶不

蠶自成，甘露從天下，醴泉自地出，鳳皇來儀，神爵降集，從四歲以來，羌人無所疾苦，故思樂內屬，宜且

時處業，置屬國領護。〔補注〕先謙曰：處業，令安處有作業。事下莽，莽復奏曰：「太后秉統數年，恩澤洋溢，和氣四塞，絕域殊俗，

靡不慕義，越裳氏重譯獻白雉，黃支自三萬里貢生犀，東夷王度大海，奉國珍，匈奴單于順制作，去二

名，今西域良願等復舉地為臣妾，昔唐堯橫被四表。〔補注〕錢大昭曰：橫，即光也。後漢書馮異傳亦云：橫被四表。亦亡且加之，今謹案，已

有東海、南海、北海郡，未有西海郡，請受良願等所獻地為西海郡。臣又聞聖王序天文，定地理，因山川

民俗，目制州界，漢家地廣，二帝三王。服虔曰：唐虞及周要服之內，方七千里。夏殷方三千里，漢地南北萬二千里也。凡十三州，州名及界，多不應經，堯

典十有二州。後定爲九州。漢家廓地遼遠。州牧行部。遠者三萬餘里。不可爲九。謹目經義。正十二州名。

分界。目應正始。奏可。又增法五十條。犯者徙之西海。徙者目千萬數。民始怨矣。泉陵侯劉慶上書。師古曰。王

子侯年表。衆陵節侯賢。長沙定王子。本始四年。戴侯真定嗣。二十二年薨。黃龍元年。頃侯慶嗣。此則是也。此傳及翟義傳並云。泉陵地理志。泉陵屬零陵郡。而表作衆陵。表爲誤也。言周成王幼少。稱孺子。周公居攝。

今帝富於春秋。宜令安漢公行天子事。如周公。羣臣皆曰。宜如慶言。冬。熒惑入月中。平帝疾。莽作策。請

命於秦時。戴璧秉圭。願目身代。藏策金滕。置於前殿。敕諸公勿敢言。師古曰。許依周公爲武王請命作金滕也。十二月。平帝崩。

大赦天下。莽徵明禮者宗伯鳳等。與定天下。吏六百石。自上皆服喪三年。〔補注〕何焯曰。雖曰欺僞。然臣爲君服喪三年。唯元始後議行之。奏

尊孝成廟曰統宗。孝平廟曰元宗。時元帝世絕。而宣帝曾孫有見王五人。師古曰。王之見在者。〔補注〕先謙曰。通鑑胡注。見在之王五人。謂淮陽王

續。中山王成都。楚王紆。信都王景。東平王開明也。列侯廣戚侯顯等四十八人。〔補注〕先謙曰。胡注。謂廣戚侯顯。陽興侯寄陵。陽侯嘉。高樂侯修。平昌侯休。安陸侯平。梧安侯馨。朔鄉侯充。扶鄉侯普。方城侯宣。當陽侯益。廣城侯重。春城侯允。呂鄉侯尙。李鄉侯殷。宛鄉侯隆。壽泉侯承。

侯恢。昌城侯豐。樂安侯禹。陶鄉侯恢。釐鄉侯慶。昌鄉侯且。新鄉侯鯉。郢鄉侯光。新城侯武。宜陵侯封。堂鄉侯護。成陵侯由。成陽侯衆。復昌侯休。安陸侯平。梧安侯馨。朔鄉侯充。扶鄉侯普。方城侯宣。當陽侯益。廣城侯重。春城侯允。呂鄉侯尙。李鄉侯殷。宛鄉侯隆。壽泉侯承。

杏山侯邈、嚴鄉侯信、武平侯璜、陵鄉侯曾、武安侯恆、富陽侯萌、西陽侯偃、桃鄉侯立、栗鄉侯元成、金鄉侯不害、平通侯且、西安侯漢、湖鄉侯開、重鄉侯少柏、凡五十人而廣戚侯顯孺子之父、栗鄉侯元成先已免侯、止四十八人耳。
莽惡其長大。

曰：兄弟不得相為後，迺選玄孫中最幼，廣戚侯子嬰，年二歲，託曰：為卜相最吉。是月前，輝光謝囂奏武

功長孟通，浚井得白石。

師古曰：浚，抒治之也。囂，音許懸反。浚，音峻。抒，音直呂反。〔補注〕先謙曰：胡注：武功縣本屬扶風，莽分屬前輝光。

上圓下方，有丹書著石。

師古曰：著，音直略反。文

曰：告安漢公莽為皇帝，符命之起，自此始矣。莽使羣公曰：白太后，太后曰：此誣罔天下，不可施行。太保

舜謂太后事已如此，無可奈何，沮之力不能止。

師古曰：沮，壞也。音才汝反。

又莽非敢有它，但欲稱攝，目重其權，填服天

下耳。

師古曰：填，音竹刃反。〔補注〕先謙曰：官本稱作居。

太后聽許舜等，即共令太后下詔曰：蓋聞天生衆民，不能相治，為之立君，目

統理之。君年幼稚，必有寄託而居攝焉。然後能奉天施而成地化，羣生茂育，書不云乎：天工人其代之。

師古曰：虞書告繇謨之辭也。言人代天理治，工事也。〔補注〕先謙曰：官本南監本注：天下有以字。

朕曰：孝平皇帝幼年，且統國政，幾加元服，委政而屬之。

師古曰：屬，付也。

幾，音曰冀，屬音之欲反。

今短命而崩，嗚呼哀哉！已使有司徵孝宣皇帝玄孫二十三人，差度宜者，目嗣孝平皇帝之

後。師古曰：差度，謂擇也。度音大各反。玄孫年在襁褓，不得至德君子，孰能安之。安漢公莽，輔政三世，比遭際會，安光漢室。

師古曰：比，類也。遂同殊風，至于制作，與周公異世同符。今前輝光囂，武功長通，上言丹石之符，朕深思厥意，云

為皇帝者，乃攝行皇帝之事也。夫有法成易，非聖人者亡法。其令安漢公居攝踐祚。〔補注〕先謙曰：官本，祚作阼。如周

公故事，曰武功縣為安漢公采地。師古曰：采，官也。以官受地，故謂之采。名曰漢光邑。〔補注〕何焯曰：漢光邑，光武中興之祥。先謙曰：地理志：武功莽曰新光，蓋篡後改之。具禮

儀奏。於是羣臣奏言：太后聖德昭然，深見天意，詔令安漢公居攝。臣聞周成王幼少，周道未成，成王不

能其事，天地修文武之烈。師古曰：共讀曰恭，烈業也。周公權而居攝，則周道成。王室安，不居攝，則恐周隊失天命。師古曰：隊，曰隊。

音直書曰：我嗣事子孫，大不克共上下，退失前人光，在家不知命不易，天應棗謀，乃亡隊命。師古曰：周書君爽之類反。

篇也。邵公為保，周公為師，相成王為左右。邵公不悅，周公作君爽以告之。爽，召公名也。尊而呼之，故曰君也。言我恐後嗣子孫，大不能恭承天地絕失先王光大之道，不知受命之難，天所應輔，唯在有誠，所以亡失其命也。共音恭，棗音匪。〔補注〕先謙曰：官本注，召作邵。

說曰。師古曰：謂說經義也。周公服天子之冕，南面而朝羣臣，發號施令，常稱王命，召公賢人，不知聖人之意，故不

說也。

師古曰召讀曰邵說讀曰悅次下並同

禮明堂記曰周公朝諸侯於明堂天子負斧依南面而立

師古曰依讀曰辰此下亦同

謂周公

踐天子位六年朝諸侯制禮作樂而天下大服也召公不說時武王崩纘纆未除

師古曰纉音千回反

由是言之

周公始攝則居天子之位非乃六年而踐阼也書逸嘉禾篇曰周公奉鬯立于阼階延登贊曰假王莅

政勤和天下此周公攝政贊者所稱

師古曰贊謂祭祀之辭也

成王加元服周公則致政書曰朕復子明辟

師古曰周書洛誥載

周公告成王之辭言我復還明君之政於子也復音扶目反

周公常稱王命專行不報故言我復子明君也臣請安漢公居攝踐祚

補注先謙曰

官本祚作阼

服天子韍冕

師古曰此韍亦謂裳韍也

背斧依于戶牖之間

補注先謙曰通鑑依下有立字

南面朝羣臣聽政事車服出入警蹕

民臣稱臣妾皆如天子之制郊祀天地宗祀明堂共祀宗廟享祭羣臣贊曰假皇帝

師古曰贊謂祭祀之辭也共音恭

民

臣謂之攝皇帝自稱曰予平決朝事常曰皇帝之詔稱制曰奉順皇天之心輔翼漢室保安孝平皇帝

之幼嗣遂寄託之義隆治平之化

師古曰遂成也

其朝見太皇太后帝皇后皆復臣節

補注先謙曰胡注帝皇

自

施政教於其宮家國采。〔補注〕先謙曰：胡注：宮謂以安漢公第爲宮家。謂其家國謂其所封新都國。采謂以武功縣爲采地。如諸侯禮故事。〔補注〕先謙曰：禮下脫儀字。官本南監本有。臣昧

死請。太后詔曰：可。明年改元曰居攝。居攝元年正月，莽祀上帝於南郊，迎春於東郊，行大射禮於明堂。

養三老五更成禮而去。師古曰：更音工衡反。置柱下五史，秩如御史，聽政事，侍旁記疏言行。三月己丑，立宣帝玄

孫嬰爲皇太子，號曰孺子。〔補注〕何焯曰：先爲攝皇帝而後立嬰，不復令有君臣之分也。又止立爲皇太子，不正其君之名，則子奪惟莽也。先謙曰：胡注亦因周公輔成王二叔流言公將不利於孺子而爲此號。呂王

舜爲太傅，左輔甄豐爲太阿右拂。師古曰：拂讀曰弼。甄邯爲太保，後承又置四少，秩皆二千石。〔補注〕先謙曰：胡注四少少師少傅少阿

少保。四月，安衆侯劉崇與相張紹謀曰：師古曰：安衆康侯月長沙定王子崇，卽月之玄孫子也。見王子侯表。〔補注〕周壽昌曰：漢宗室起義誅莽者始崇而嚴鄉侯信、武平侯璜繼之。徐鄉侯快、陵鄉侯曾扶恩侯貴

等又繼之。王子侯表：建武二年，劉寵以崇從父弟紹封，建武十三年，子松嗣侯，班氏作表時尙存，殆以崇爲宗室起義之最先者也。安漢公莽專制朝政，必危劉氏，天下非之者，乃莫

敢先舉。此宗室恥也。吾帥宗族爲先，海內必和。紹等從者百餘人，遂進攻宛，不得入而敗。紹者，張竦之

從兄也。竦與崇族父劉嘉詣闕自歸，莽赦弗罪。竦因爲嘉作奏曰：建平元壽之間，大統幾絕，宗室幾弃，

師古曰：幾亦音巨，依反。〔補注〕先謙曰：官本無亦字，南監本無注。

賴蒙陛下聖德，扶服振救。

師古曰：陛下謂莽也。服音蒲北反。

遮扞臣衛。

〔補注〕先謙曰：官本、南監本，匡字不缺筆，此本皆存宋舊。

國命復延，宗室明目，臨朝統政，發號施令，動目宗室為始，登用九族為先，竝錄支親，建立王侯，南面之

孤，計目百數，收復絕屬，存亡續廢。

師古曰：復，音扶目反。

得比肩首，復為人者，嬾然成行。

師古曰：嬾然，多貌也。行，列也。嬾音匹人反，行音下郎反。

所目

藩漢國，輔漢宗也。建辟雍，立明堂，班天法，流聖化，朝羣后，昭文德，宗室諸侯咸益土地，天下喁喁，引領

而歎。

師古曰：喁喁，衆口向上也。音顛。

頤聲洋洋，滿耳而入。

師古曰：論語載孔子曰：師摯之始，闢雖之亂，洋洋乎盈耳哉。故疎引之也。洋音羊，又音翔。〔補注〕先謙曰：南監本無此注。

國家所目服此

美，膺此名，饗此福，受此榮者，豈非太皇太后日昃之思，陛下夕惕之念哉！何謂

師古曰：先為設問，復陳其事也。

亂則統其

理，危則致其安，禍則引其福，絕則繼其統，幼則代其任，晨夜屑屑，寒暑勤勤。

師古曰：屑屑，猶切切，動作之意也。〔補注〕錢大昭曰：方言：迹，迹屑屑。

不安也。江沅之閒，謂之迹迹。秦晉謂之屑屑，又屑往勞也。郭注：屑屑，往來皆勤勞也。說文：屑，動作切切也。廣雅：屑屑，不安也。本書董仲舒傳：凡所為屑屑，夙興夜寐，後漢書王良傳：何其往來屑屑不憚煩也。崔駰傳：吾亦病子屑屑而已也。

無時休

息，孳孳不已者。

師古曰：孳孳，不怠之意也。音與夜同。

凡目為天下，厚劉氏也。

師古曰：為，音于偽反。

臣無愚智，民無男女，皆諭至意。

師古曰：諭，曉也。

而安衆侯崇，乃獨懷悖惑之心，操畔逆之慮。

師古曰：悖，乖也。〔補注〕先謙曰：官本注在之心下，南監本無。

興兵動衆，欲危宗廟，惡不忍聞。

罪不容誅，誠臣子之仇，宗室之讎，國家之賊，天下之害也。是故親屬震落，而告其罪，民人潰畔，而弃其

兵，進不跬步，退伏其殃。

師古曰：半步曰跬，謂一舉足也。音宗。〔補注〕先謙曰：官本南監本宗作空。

百歲之母，孩提之子。

師古曰：嬰兒始孩，人所提掇，故曰孩提也。孩者，小兒笑也。〔補注〕宋

祁曰：景本作一百歲。

同時斷斬，懸頭竿杪。

師古曰：杪，末也。音莫。小反。

珠珥在耳，首飾猶存，爲計若此，豈不諄哉。

師古曰：諄，惑也。音布內反。

臣聞古

者畔逆之國，既曰誅討，而豬其宮室，目爲汙池，納垢濁焉。

李奇曰：掘其宮以爲池，用貯水也。師古曰：豬，謂畜水汙下也。汙音烏。〔補注〕先謙曰：官本南監本而作則是。

名

曰凶虛。

師古曰：虛，讀曰墟。墟，故居也。言凶人所居也。

雖生菜茹，而人不食。

師古曰：所食之菜，曰茹。音人庶反。

四牆其社，覆上棧下，示不得通。

師古曰：棧，謂以

輿蔽之也。下則棧之上，則覆之，所以隔塞不通陰陽之氣。〔補注〕先謙曰：官本注未有章昭曰：棧，棧也。六字。

辨社諸侯。

孟康曰：辨，布也。布崇社國，國各作一見以爲戒也。師古曰：辨，讀曰班。

出門見之，著目爲戒。

師古曰：著，明也。

方今天下聞崇之反也，咸欲薦衣手劍而叱之，其先至者，則拂其頸。

師古曰：拂，戾也。音佛。〔補注〕王念孫曰：顏說望文生義，非其本指也。

拂讀爲刺，刺斫也。謂以劍斫其頸也。拂其頸，衝其匈，刃其軀，切其肌，皆承上文手劍而言。說文：刺，擊也。廣雅：刺，斫也。昭二十六年左傳：苑子剌林雍，斷其足。正義：今江南猶謂刀擊爲刺。齊語：刺令支斬孤竹。楚辭：九歎執堂谿以刺蓬兮。王注亦曰：刺，斫也。作拂者，假借字。

耳說苑雜言篇。千將鏃擲拂鐘不鐸。亦借拂爲刺也。若以拂其頸爲戾其頸。則上與手劍不相承。下與衝其匈三句皆不相比。附矣。

師古曰。仆。倒也。(補注)宋祁曰。刃其軀。舊作刳。其體。郭展。刳音近。跌。晉灼音刳。字林曰。刳。切也。

時。卽時也。創。傷也。音初。良反。(補注)先謙曰。則卽字通。

而宗室尤甚。言必切齒焉。何則。目其背畔恩義。而不知重德之所在也。宗室所

居或遠。嘉幸得先聞。不勝憤憤之願。願爲宗室倡始。

師古曰。倡。音先。向反。父子兄弟。負寵荷鍤。馳之南陽。師古曰。寵。所以盛土。

也。鍤。鎗也。(補注)先謙曰。官本荷作倚。引宋祁曰。倚當作荷。鍤。或作雷。音丈。涉反。王念孫云。倚字古讀阿。上聲。老子。禍兮福所倚。福兮禍所伏。禍倚爲韻。福伏爲韻。(詳見唐韻正)是倚字古讀與禍相近。故字亦相通。說文。何。僮也。是僮何字。本作何。作倚者。借字耳。借字本無一定。何必荷之。是而倚之。非乎。

豬崇宮室。令如古制。及崇社宜如亳社。目賜諸侯。用永監戒。願下四輔公卿大夫議。

目明好惡。視四方。師古曰。視。讀曰示。於是莽大說。師古曰。說。讀曰悅。公卿曰。皆宜如嘉言。(補注)蘇輿曰。曰皆疑作皆曰。莽白太后。下詔曰。惟

嘉父子兄弟。雖與崇有屬。不敢阿私。或見萌芽。(補注)先謙曰。官本南監本。芽作芽。相率告之。及其禍成。同共讎之。應合古

制。忠孝著焉。其目杜衍。戶千。封嘉爲師禮侯。(補注)錢大昭曰。師當作帥。與率同。下文作率。禮侯。王念孫曰。御覽封建部四。引此正作帥。嘉子七人。皆賜爵

(補注)錢大昭曰。師當作帥。與率同。下文作率。禮侯。王念孫曰。御覽封建部四。引此正作帥。

關內侯。後又封竦爲淑德侯。長安謂之語曰。〔補注〕先謙曰官本。謂作爲古字通作。欲求封。過張伯松。師古曰。力戰鬪。不如巧。竦之字。

爲奏。莽又封南陽吏民有功者百餘人。汙池劉崇室宅。後謀反者。皆汙池云。羣臣復曰。劉崇等謀逆者。

目莽權輕也。宜尊重。目填海內。師古曰。填。音竹刃反。五月甲辰。太后詔莽。朝見太后。稱假皇帝。冬十月丙辰朔。日

有食之。十二月。羣臣奏請益安漢公宮及家吏。置率更令。廟。廐。廚。長丞。中庶子。虎賁。目下百餘人。〔補注〕

先謙曰。率更令。殿廚長丞。詹事屬官。廟長丞。奉常屬官。中庶子。太子太傅少傅屬官。虎賁。舊名期門。屬郎中令。元始元年。更名虎賁郎。今一仿其官制也。又置衛士三百人。安漢公廬爲攝省。府爲

攝殿。第爲攝宮。〔補注〕先謙曰。胡注。廬殿中止。宿之舍。府治事之所。第所居也。奏可。莽白太后下詔曰。故太師光雖前薨。功效已列。太保舜。

大司空豐。輕車將軍邯。步兵將軍建。皆爲誘進。單于籌策。又典靈臺。明堂。辟雍。四郊。定制。度。開子午道。

與宰衡同心說德。師古曰。說音悅。次下亦同。合意并力。功德茂著。封舜子匡爲同心侯。林爲說德侯。光孫壽爲合意侯。

豐孫匡爲并力侯。益邯建各三千戶。是歲西羌龐恬。傅幡等。師古曰。幡音敷。元反。其字從巾。怨莽奪其地。作西海郡。反攻

西海太守程永永奔走莽誅永遣護羌校尉竇況擊之二年春竇況等擊破西羌五月更造貨錯刀一

直五千契刀一直五百大錢一直五十與五銖錢並行民多盜鑄者禁列侯以下不得挾黃金輸御府

受直〔補注〕先謙曰百官表少府有御府令丞然卒不與直九月東郡太守翟義都試勒車騎因發犇命立嚴鄉侯劉信爲天

子師古曰東平移檄郡國言莽毒殺平帝攝天子位欲絕漢室今共行天罰誅莽師古曰共讀作供〔補注〕先謙曰官本作共讀曰恭南監

本無郡國疑惑衆十餘萬莽惶懼不能食晝夜抱孺子告禱郊廟放大誥作策師古曰放依也大誥周書篇名周公所作也放音甫往反

遣諫大夫桓譚等班於天下諭目攝位當反政孺子之意師古曰諭曉告也〔補注〕先謙曰官本也作之遣王邑孫建等八將軍

擊義分屯諸關守阨塞槐里男子趙明霍鴻等起兵師古曰和音胡臥反相與謀曰諸將精兵悉東京

師空可攻長安衆稍多至且十萬人莽恐遣將軍王奇王級將兵拒之音下更反目太保甄邯爲大將軍受鉞高

廟領天下兵左杖節右把鉞屯城外王舜甄豐晝夜循行殿中師古曰行十二月王邑等破翟義於圍

司威陳崇使監軍

師古曰爲使而監軍於外補注先謙曰官本注未有章昭曰圍故屬淮陽後屬陳曹呂靜曰圍音語十八字

上書言陛下奉天洪範心合寶龜

師古曰心

與龜合也

膺受元命豫知成敗感應兆占是謂配天配天之主慮則移氣言則動物施則成化臣崇伏讀詔

書下日竊計其時聖思始發而反虜仍破

師古曰思慮也

詔文始書反虜大敗制書始下反虜畢斬衆將未及

齊其鋒芒臣崇未及盡其愚慮而事已決矣莽大說

師古曰說讀曰悅

三年春地震大赦天下王邑等還京師

西與王級等合擊明鴻皆破滅語在翟義傳莽大置酒未央宮白虎殿勞賜將帥詔陳崇治校軍功第

其高下莽乃上奏曰明聖之世國多賢人故唐虞之時可比屋而封至功成事就則加賞焉至於夏后

塗山之會執玉帛者萬國諸侯執玉附庸執帛周武王孟津之上尙有八百諸侯周公居攝郊祀后稷

日配天宗祀文王於明堂日配上帝是日四海之內各日其職來祭蓋諸侯千八百矣禮記王制千七

百餘國是日孔子著孝經曰不敢遺小國之臣而況於公侯伯子男乎故得萬國之歡心日事其先王

〔補注〕先謙曰官本無其字引宋祁曰邵本先字上有其字

此天子之孝也。秦為亡道，殘滅諸侯，目為郡縣，欲擅天下之利，故二世而亡。

高皇帝受命除殘，考功施賞，建國數百，後稍衰微，其餘僅存。太皇太后躬統大綱，廣封功德，目勸善，興

滅繼絕，目永世。是目大化流通，且暮且成，遭羌寇害西海郡，反虜流言東郡，逆賊惑衆西土，忠臣孝子，

莫不奮怒，所征殄滅，盡備厥辜。

〔補注〕王念孫曰：備讀為伏，漢書言伏辜者多矣。字或作服。服伏備三字，古皆讀如匍匐之詞。〔說見六書音均表〕故字亦相通。趙策今騎射之服，史記趙世家服作備，是其例也。

天下咸寧，今制禮作樂。

〔補注〕宋祁曰：越本寧字下無今字。

實考周爵五等，地四等，有明文。

蘇林曰：爵五等，公侯伯子男也。地四等，公一等，侯伯二等，子男三等，附庸四等。

爵三等，有其說，無其文。

師古曰：公一等，侯二等，伯子男三等。〔補注〕蘇輿曰：白虎通引含文嘉云：殷爵三等，周爵五等，公羊說春秋亦以伯子男統為一等，合公與侯為三，繁露三代改制篇：周爵五等，春秋三等，蓋今文家說如是。

而云無其文者，詞不見於經也。

孔子曰：周監於二代，郁郁乎文哉，吾從周。

師古曰：論語載孔子之言也。監，視也。二代，夏殷也。郁郁，文章貌。〔補注〕先謙曰：南監本無注。

臣請諸

將帥當受爵邑者，爵五等，地四等，奏可。於是封者，高為侯伯，次為子男，當賜爵關內侯者，更名曰附城。

〔補注〕先謙曰：項安世家說云：漢人蓋以城字解庸也。古人庸即墉字，後人加土以別之。不成國者謂之附城，猶今言支郡為屬城也。胡法王制不能五十里者不達於天子，附於諸侯曰附庸。鄭注：小城曰附庸，附庸者以國事附於大國，正義：庸，城也。謂小國之城不能

自通以其國事附於大國故曰附庸項讀本此凡數百人擊西海者。目羌爲號。槐里以武爲號。翟義。目虜爲號。羣臣復奏言。太后修

功錄德。遠者千載。近者當世。或曰文封。或曰武爵。深淺大小。靡不畢舉。今攝皇帝背依踐祚。宜異於宰

國之時。制作雖未畢已。師古曰。已止也。宜進二子爵。皆爲公。春秋善善及子孫。賢者之後。宜有土地。成王廣封

周公庶子六子。皆有茅土。及漢家名相大將。蕭霍之屬。咸及支庶。兄子光。可先封爲列侯。諸孫制度畢

已。大司徒大司空上名。如前詔書。太后詔曰。進攝皇帝子褒。新侯安。爲新舉公。賞都侯臨。爲褒新公。封

光爲衍功侯。是時莽還歸新都國。羣臣復白。曰。封莽孫宗爲新都侯。莽旣滅翟義。自謂威德日盛。獲天

人助。遂謀卽眞之事矣。九月。莽母功顯君死。意不在哀。令太后詔議其服。(補注)何焯曰。權奸貪位奪情。自王莽始。少阿義和

劉歆。與博士諸儒七十八人。皆曰。居攝之義。所曰。統立天功。興崇帝道。成就法度。安輯海內也。師古曰。輯字與

同。集。昔殷成湯旣沒。而太子蚤夭。其子太甲。幼少不明。伊尹放諸桐宮。而居攝。曰。興殷道。周武王旣沒。周

道未成。成王幼少。周公屏成王而居攝。曰成周道。

師古曰。屏猶擁也。補注。劉敞曰。予謂屏者。即荀子所言屏成王而及武王。屏猶卻也。

是日殷有翼翼

之化。師古曰。商頌殷武之詩曰。商邑翼翼。四方之極。言商邑禮俗翼翼然可則。乃四方之中正也。

周有刑錯之功。師古曰。謂成康之世。固圉空虛。

今太皇太后比遭家之不造。

師古曰。比。

類也。周頌閔予小子之篇曰。遭家不造。造。成也。故議者引之。

委任安漢公。宰尹羣僚。衡平天下。

師古曰。宰。治也。尹。正也。衡平也。言知稱之衡。

遭孺子幼少。未能其上

下。師古曰。共讀曰。恭。上下謂天地。

皇天降瑞。出丹石之符。是日太皇太后。則天明命。詔安漢公居攝踐祚。將曰成聖漢之

業。與唐虞三代比隆也。攝皇帝。遂開祕府。會羣儒。制禮作樂。卒定庶官。茂成天功。

師古曰。茂。美也。

聖心周悉。卓

爾獨見。發得周禮。曰明因監。

李奇曰。殷因於夏。禮周監於二代。

則天稽古。而損益焉。猶仲尼之聞韶。

師古曰。孔子至齊。郭門之外。遇一嬰兒。挈一壺。相與俱行。

其視精。其心正。其行端。孔子謂御曰。趣驅之。趣驅之。韶樂方作。孔子至彼。而及韶。聞之。三月不知肉味。言天縱多能。而識微也。故取喻耳。

日月之不可階。

師古曰。論語載子貢敘孔子德云。他人賢者。丘隄也。猶可踰也。仲尼。日月也。無得而

踰焉。又曰。夫子之不可及。猶天之不可階而升也。

非聖哲之至。孰能若茲。綱紀咸張。成在一匱。

師古曰。論語云。孔子曰。譬如爲山。未成一簣。止吾止也。譬如平地。雖覆一簣。進吾往也。匱者。織

草爲器。所以盛土也。言人修德行道。有若爲山。雖于平地。始覆一匱之土。而作不止。可以得成。故吾欲往觀之。今此議者。謂莽修行政化。致於太平。本由一匱也。補注。劉敞曰。予謂此言莽制作已成。尚有未足。欲爾之者也。當引書云。譬如爲山。九仞功虧一匱。以解之。

先謙曰官本南監本注謂作云
官本注修德行道作修行道德

此其所目保佑聖漢安靖元元之效也今功顯君薨禮庶子為後為其母總

傳曰與尊者為體不敢服其私親也攝皇帝目聖德承皇天之命受太后之詔居攝踐祚

〔補注〕先謙曰
官本詐作降

奉漢大宗之後上有天地社稷之重下有元元萬機之憂不得顧其私親故太皇太后建厥元孫俾侯

新都

師古曰建立也元長也謂立
莽孫宗為新都侯也俾使也

為哀侯後明攝皇帝與尊者為體承宗廟之祭奉共養太皇太后不得服

其私親也周禮曰王為諸侯總綬弁而加環絰

師古曰於弁上加環絰也謂之環者言其輕細如環之形〔補注〕先謙
曰胡注記曰總麻十五升去其半有事其纆無事其布曰總賈疏云凡

五服之絰皆兩股絞之言環絰則與絞絰有異謂以麻
為體又以一股麻為斜而橫纏之如環然故謂之環絰

同姓則麻異姓則葛攝皇帝當為功顯君總綬弁而加麻

環絰如天子弔諸侯服

〔補注〕沈欽韓曰前引喪服庶子為後為其母總是強擠其母為妾不知漢非莽之大宗也此據周官
司服王為諸侯總綬衰強以其貴壓母不知正統之親非諸侯可比也此奏成於劉歆手中陳成云三綱

絕者當
在是矣

目應聖制莽遂行焉凡壹弔再會而令新都侯宗為主服喪三年云司威陳崇奏衍功侯光私

報執金吾竇況令殺人

〔補注〕先謙曰官本南監本人作之胡注
私報私屬之也霍顯云少夫幸報我以事

況為收繫致其法莽大怒切責光光母曰女

自眠。孰與長孫中孫。

師古曰：長孫，中孫。莽子字及獲字也。皆為莽所殺。故云然。中諱曰仲。〔補注〕先諫曰：官本南監本字作衍。

遂母子自殺。及況皆死。初，莽曰：事母養

嫂。撫兄子為名。及後悖虐，復曰：示公義焉。

服虔曰：不舍光罪為公義。〔補注〕劉奉世曰：莽不服喪，亦以示公義。

令光子嘉嗣爵為侯。莽下書曰：退

密之義，訖于季冬。

張晏曰：平帝以元始五年十二月崩。至此再莽年也。師古曰：虞書放勳乃祖，百姓如喪考妣，三載四海遏密。八音遏止也。密，靜也。謂不作樂也。故莽引之。〔補注〕劉奉世曰：平帝崩至居攝之年十二月，實三莽，非再莽。

也。蓋莽自謂義經過密，實非三莽，不以二十五月也。或曰：此事當在三年冬，誤記於此年耳。

正月郊祀，八音當奏。王公卿士樂凡幾等，五聲八音，條各云何。其

與所部儒生各盡精思，悉陳其義。是歲，廣饒侯劉京

〔補注〕先諫曰：地理志齊郡有廣饒縣。

車騎將軍千人扈雲，太保屬臧

鴻奏符命。

師古曰：千人，官名也。屬車騎將軍扈其姓，雲其名。

京言齊郡新井，雲言巴郡石牛。鴻言扶風雍石。莽皆迎受。十一月甲子，

莽上奏太后曰：陛下至聖，遭家不造，遇漢十二世三七之阨，承天威命，詔臣莽居攝，受孺子之託。任天

下之寄，臣莽兢兢業業，懼於不稱。

師古曰：兢兢，慎也。業業，危也。

宗室廣饒侯劉京上書言：七月中，齊郡臨淄縣昌興亭

長辛當一暮數夢曰：吾天公使也。天公使我告亭長曰：攝皇帝當為真，即不信。我此亭中當有新井。亭

長晨起視亭中誠有新井。

師古曰：誠實也。

入地且百尺。十一月壬子直建冬至。

師古曰：壬子之日冬至而其日當建。

巴郡石牛戊午

雍石文皆到于未央宮之前殿。臣與太保安陽侯舜等視天。風起塵冥。風止得銅符帛圖於石前。文曰：

天告帝符。獻者封侯。承天命。用神令。騎都尉崔發等。眡說。

師古曰：眡古視字也。視其文而說其意也。補注：周齊昌曰：發涿郡安平人。象之兄。嗣之叔祖也。後書崔暉傳稱其

以佞巧幸於莽。位至大司空。其母師氏能通經學百家之言。莽寵以殊禮。賜號義成夫人。金印紫綬。文軒丹轂。顯於新世。此事莽傳未載。

及前孝哀皇帝建平二年六月甲子。下詔書。更爲

太初元將元年。案其本事。甘忠可。夏賀良識書藏蘭臺。

師古曰：蘭臺掌圖籍之所。

臣莽目爲元將元年者。大將居攝。改

元之文也。於今信矣。尙書康誥。王若曰。孟侯。朕其弟。小子封。

師古曰：孟長也。孟侯者言爲諸侯之長也。封者衛康叔名。

此周公居攝稱王

之文也。

補注：蘇輿曰：此雖莽假借其文。蓋今文說寔如此。故其仿大誥文。直作攝皇帝若曰。見翟方進傳。王肅僞孔以大誥之王爲成王。不知書凡言周公述王命者。上皆言周公以別之。如多方多士篇是也。大誥康誥不然。知王是周公。莽故特假

引二篇文也。莽稱引多今文說皆可徵驗。

春秋隱公不言卽位。攝也。此二經。周公孔子所定。蓋爲後法。孔子曰。畏天命。畏大人。

畏聖人之言。

師古曰：論語載孔子之言也。已解在上。

臣莽敢不承用。臣請共事神祇宗廟。奏言太皇太后。孝平皇后。皆稱假

皇帝師古曰共音曰恭其號令天下天下奏言事毋言攝呂居攝三年為初始元年〔補注〕先謙曰通鑑作始初考異云莽傳作初始荀紀及章莊美嘉

號錄宋庠紀元〔補注〕何焯曰通譜皆作始初漏刻日百二十為度〔補注〕何焯曰用夏良偽書用應天命臣莽夙夜養育隆就孺子師古曰隆長也成就之使其長大也〔補注〕劉

奉世曰此居攝二年冬也至此始請以居攝三年為初始元年似是二年冬事疑傳有差誤令與周之成王比德宣明太皇太后威德於萬方期於富而教之

孺子加元服復子明辟如周公故事奏可衆庶知其奉符命指意羣臣博議別奏日視即真之漸矣師古

日視〔補注〕先謙曰平帝始元年期門更名虎賁此史驗文期門郎張充等六人謀共劫莽立楚王〔補注〕先謙曰胡注楚王紆宣帝曾孫發覺誅死梓潼

人哀章師古曰梓潼廣漢之縣也潼音童〔補注〕周壽昌曰後書劉元傳注引風俗通曰哀姓魯哀公之後因謚以為姓學問長安素無行好為大言見莽居攝即作銅

匱為兩檢〔補注〕先謙曰胡注引毛晃云檢書檢印窠封題也署其一曰天帝行璽金匱圖其一署曰赤帝行璽某傳予黃帝金策書

〔補注〕宋祁曰越本部本云赤帝璽無一行字先謙曰胡注予讀曰與某者高皇帝名也書言王莽為真天子皇太后如天命圖書皆書莽大臣

八人又取令名王興王盛章因自竄姓名師古曰竄謂廂著也凡為十一人皆署官爵為輔佐章聞齊井石牛事

下即日昏時衣黃衣持匱至高廟以付僕射。〔補注〕先謙曰胡注高廟有令有僕射先謙案奉常有高廟令無高廟僕射也。僕射以聞戊辰莽至高廟

拜受金匱神壇。師古曰壇古禱字言有神命使漢禪位於莽也。御王冠謁太后還坐未央宮前殿下書曰予目不德託于皇初祖考

黃帝之後皇始祖考虞帝之苗裔而太皇太后之末屬皇天上帝降顯大佑成命統序符契圖文金匱

策書神明詔告屬予目天下兆民。師古曰屬委付也音之欲反。赤帝漢氏高皇帝之靈承天命傳國金策之書予甚祇

畏敢不欽受。呂戊辰直定。師古曰於建除之次其日當定〔補注〕錢大昭曰魏文帝受禪以十月二十九日辛未直成日成定皆取吉祥周秦昌曰淮南天文訓云寅爲建卯爲除辰爲滿巳爲平主生午爲定未爲執主陷申爲

破主衡酉爲危主杓戌爲成主少德亥爲收主大德子爲開主太歲丑爲閉主太陰今日者書以隨月日爲轉移十二幹無定屬大要以除危定執爲吉建滿平收爲次成開亦吉閉破則凶足知其法自漢已然莽信時日小數故取諸此也。上云十一月壬子直建冬至

注云其日當建與此同隋律厯志云後魏景明中并州人王顯達獻古銅權一枚上銘八十一字其銘云律權石重四鈞又云黃帝初祖德布于虞虞帝始祖德布于辛歲在大梁龍集戊辰直定天命有人據土德授正號即眞改正建丑長壽隆崇同律度量衡稽當前

人龍在己巳歲次實沈初班天下萬國永遵子子孫孫享傳億年是權亦莽此日所制故有戊辰直定四字也。御王冠即眞天子位定有天下之號曰新其改正朔易服色

變犧牲殊徽幟異器制。師古曰徽幟通謂旌旗之屬也幟音式志反。呂十二月朔癸酉爲建國元年正月之朔。〔補注〕宋祁曰癸酉字下當有改元二字

劉攽曰。莽改年為始建國。但云建國者。誤也。皆當有始字。何焯曰。魏曹叡景初元年。改用建丑之月為正。凡三年而子芳嗣位。改元正始。復用建寅之月為正。雖以叢忌日在正月為辭。其亦以莽嘗自謂代漢得地統中覺而改耶。

目雞鳴為時。

〔補注〕先謙曰。胡注以丑時為十二時之始。

服色配德上黃。犧牲應用白。

〔補注〕先謙曰。胡注以土繼火。故尚黃。萬物紐牙於丑。其色白。故應用白。

使節之旄旛皆純黃。

其署曰新使五威節。呂承皇天上帝威命也。

